

ЎЗБЕКИСТОН СОВЕТ ЁЗУЧИЛАРИ СОЮЗИ

# Шарқ юлдузи

ОЙЛИК АДАБИЁТ ВА  
САН'АТ ЖУРНАЛИ

№ 4—5

АПРЕЛЬ—МАЙ

„ҚИЗИЛ ЎЗБЕКИСТОН“ ва „ПРАВДА ВОСТОКА“  
НАШРИЁТИ  
Тошкент — 1946



## МУНДАРИ ЖА

<i>Гафур</i> Гулом — Май . . . . .	3
<i>Ислом шоир</i> — Сталин . . . . .	4
<i>А. Қажхор</i> — Күшчинор (роман) . .	5
<i>Уйғун</i> — Сенинг ше'рларинг:	
I. Ўша учрашуадан бош- ланди бу ҳол . . . . .	11
II. Севганилигим рост . . . . .	12
III. Сен дединг . . . . .	13
IV. Сен келдинг . . . . .	14
<i>Миршемир</i> — Аму қирғоқлари . .	15
<i>Зафар Диәр</i> — Түёна . . . . .	17
Күйсангчи . . . . .	18
Қизит байроқ . . . . .	19
Китоб, мениң дүстүмисан	19
<i>Ж. Шарифий</i> — Барқ уриб кула-	
ди лаззатлы турмуш . . . . .	21
<i>Мирмухсин</i> — Галаба ва байрам .	23
Мироб . . . . .	24
<i>Ма'руф</i> Ҳаким — Үч күн (ҳикоя) .	25
Ғазаб (ҳикоя) . . . . .	31
<i>Асқад</i> Мұхтор — Үникки ой . .	33
<i>Хамид</i> Гулом — Ватан эсласа . .	40
Сенинг мақтовинг . . . . .	41
<i>A. Раҳмат, Я. Чепига</i> — Соқов	
бала (ҳикоя) . . . . .	42
<i>Ш. Сабула</i> — Ойнозик (очерк) .	47
<i>Юсуфжон</i> Ҳамдам — Совет гра-	
жданимдан . . . . .	51
. . . . .	53
<i>M. Бобоев</i> — Асл өр . . . . .	54
. . . . .	56
. . . . .	57

*Сан'ат ва драматургия*

<i>A. Тожибоев</i> — Тикланган гумбаз	
(драматик достин) . . . . .	58

*Фольклор*

<i>Бекмурод шоир</i> — Терлашар . .	86
Олтин балиқ әртаги.	92

*Танқид ва тақриз*

<i>— Е. Э. Бертельс</i> — Үнититиб кет-	
ган Ҳаср шоирлари	96
<i>Х. Еқуб</i> — Абдулла Құхдор но-	
веллалари . . . . .	104

. . . . . : 118

<i>A. F. F</i> — Үзбек тилида сўз	
тартиби . . . . .	123

<i>Хамид</i> Гулом — "Оғигин ўлдуз"	135
<i>— А. Олимжон</i> — "Вафо" . . . . .	139

*Адабии жиёт*

<i>— Н. Пиксанов</i> — Уаруш йиларида	
турли миллат ёзучилари	143

<i>Ташкентта</i> . . . . .	143
<i>Адабий Тошкент</i> . . . . .	151

## ҒАФУР ҒУЛОМ

### МАЙ

Бир йил ўрта умрнинг олтмишдан бири,  
Умрдан ҳардамнинг хуш ўтгани хуш.  
Бор обод бўлгунча йигит қарийди,  
Ҳаққи бор боғидан этса бода нўш.

Арзирлик умурдан яна бир кўклам,  
Токлар шонасида тақдим этар май.  
Тотли ёэ, тўкин куз, фароғатли қиш,  
Иўқсайди; бир умур қолсанг, майли май.

Букунги кўкламни кетиргунича,  
Оlam кулфат ичра тўрт йил қариди.  
Шукурки, толи'нинг кўки ёриди,  
Монглайдан зулматнинг туни ариди.

Бир олим ўзининг бир йил умрини,  
Бир кичик винт учун сарф этиб юрар.  
Бир она, қаҳрамон ўғли мотамин,  
Енгдик! — Тасаллиси блан унитар.

Бузуқни тузатиш, барбодни обод,  
Бизнинг халқимизга бўлур муяссар.  
Йўртмачоқ ўғлондай йиқилиб турди  
Сталинграддай бир гигант шаҳар.

Пахтакор ўзбекнинг холис шияти,  
Халқим кийинсин — деб ойкирар, гурлар.  
Йил бўйи шу умид иштиёқида  
Тинмайди, уйингга буғдой тўлгурлар.

Шоир, ёзмайсанми, қани йил бўйи —  
Авайлаб асрраган бадиа сатринг?  
Эй кўнтул ғунчаси япрогингни ёз,  
Майнинг ҳавосинга кўшилсин атринг.

Яна кўклам келди елмай, югурмай,  
Токлар шонасида тақдим этар май.  
Улмас халқ ватани бўсағасида  
Ғалаба асридир, бу Биринчи Май!

ИСЛОМ ШОИР

## С Т А Л И Н

Бино бўлдинг Гуржистоннинг элида,  
Кўп ишлар кўрсатдинг Ленин йўлида,  
Нурдай болқиб элу халқнинг дилида,  
Бу оламга донғи кетган Сталин.

Ёшлигингда Ленин блан дўстлашдинг,  
Ҳақиқат деб бир мақсадда курашдинг.  
Мавж урган дарёдай қайнадинг, тошдинг,  
Жаҳон узра донғи кетган Сталин.

Бу дўстликдан халқим топди бахтини,  
Бу дўстлик ағдарди подшо тахтини,  
Эзилганинг хушлаб кўйдинг вақтини,  
Озодликнинг йўлин очган Сталин.

Меҳнаткаш деб жафо чекдинг кўп йиллар,  
У вақтда берк эди озодлик йўллар,  
Ҳавфда инграр эди бир канча эллар,  
Эллар эркин тузиб берган Сталин.

Ёвуз душман ахир тушди қасдингга,  
Ўғридай суқилди баланд-пастингга,  
Охир мажақланди ўткир дастингда,  
Элу-юртин саклаб колган Сталин.

Йўлбарсдай чопиндинг осмонда ойга,  
Минг қарға теялмас бир қарчиғайга,  
Душманни қординг тупроққа-лойга,  
Лашкарбоши, қаҳрамоним, Сталин.

Бахтимиизга омон бўлгин дун'ёда,  
Давлатинг барқарор бўлсин зиёда,  
Ислом шоир кечакундуз дуода,  
Эли юртим посбони, Сталин.

ҲЕДУЛЛА ҚАЛХО҆Р

## ҚҮШЧИНОР

*Роман<sup>1</sup>*

### Иккинчи Сафар

Гарчи қүёшдин парвариш олам әлига ом эрур  
Саҳрода қомғоғу-тиқи, бўстонда сарву-гул бигар

Навоий.

Сидиқжон қайнатасига каттиқ гапирганида, хотинини бир эмас, икки эмас, бирданига уч талоқ қўйганида кўнглининг бир чети «бутун қийинчилик шу даргоҳдан кўнгил узишда, ҳеч йўл блан қайтиб келмайдиган бўлиб чиқиб кётишда, агар шуни уҳда қилаолсанг, ўёғи жўн» деб турган эди. Хаёлида бениҳоят кўп ёр-дўстлари, таниш-билишлари, бутун қишлоқ унинг шу даргоҳдан чиқишига мунтазир бўлиб, чиқиши блан «қутилдингми? Ҳайрият! Қани, бўёққа кел энди» дейдигандай эди. Броқ энди, бола-чақасини ташлаб чиқиб, қоронғу кечада дала йўлидан ўзи якка кетаётганида бу хаёллари пучга чиқди: назарида ҳамма ундан аллақачонлар юз ўғирган, ҳамма ўз иши ва майшати блан бўлиб, унинг учун ҳечким узатган оёғини йиғмайдиганга ўхшар эди. Ўн йил мобайнида ҳамма эски улфатларидан айрилганлиги, биронта ҳам янги улфат ортдирилмаганлиги ҳозир билинди. Ҳозир унинг учун бирдан-бир очиқ эшик — ўз онасининг эшиги, «кел» дейдиган бирдан-бир товуш ўз онасининг товуши эди. Сўнгги ўн йил давомида йил сайин узоқлаша-узоқлаша, ниҳоят кўланкадай бўлиб қолган онаси ҳозир минут сойин яқинлаша-яқинлаша, ниҳоят уни ўз оғувига олгандай бўлди. Сидиқжоннинг ўпкаси тўлди. У ҳозир, кўчада калтак еб келган ёш боладай, онасининг тиззасига бош қўйиб йиғлашга, ўзини раңжитган тақдирдан фарёд чекиб шикоят қилишга тайёр эди.

Сидиқжон қишлоқса шу кайфиятда кириб келди. У бўлган воқиани ҳозир онасига айтмакчи эмас эди, шунинг учун кайфиятини авзойидан сездириб, онасини ташвишга қўймаслик учун ҳовлига етгунча, ўзини қўлга олишга, хурсандчилик кайфиятида бўлишга уриниб борди. Ҳовлидаги кекса тутга чироғ шу'ласи тушиб турар, унда нотайин бир кўланка кезар, ичкаридан «ширт-ширт» этган товуш эшитилар эди. Сидиқжон эшикни қоққанда Ҳадичаҳоланинг:

<sup>1</sup> Боши З-сонда.

— Ким у? Обиджон, қара! — деган товуши эшилди ва хаял ўтмай ўзи келиб эшикни очди.

Хадичаҳола йўлининг бу кунларда, хусусан бемаҳалда келишини сра кутмаганилиги учун гаранг ҳолда туриб қолди; Сидиқжон ичкарига қадам қўйгандан кейингина ўзига келиб, уни қучоқлади, юз-кўзидан ўпди; сўнгра шошиб-пишиб неварасини, келинини, қудаларини сўради. Сидиқжон унинг ҳамма сўроқларига бир хилда жавоб бериб, ўзидан ҳол-аҳвол сўраб, илгари юрди. Ховли юзида қуртла барг қирқаётган укаси Обиджон навдалар орасидан ўқдек отилиб чиқиб, унинг бўйнига осилди ва «акажон!» деб шундай қичқирдики, аллақаерда ётган хўрот қақоқлаб юборди.

Хадичаҳола ўтган куни Сидиқжонни туш кўрганлиги, бу тушни кимларга айтганлиги ва ўшандан бери унга қандай кўз тикканлиги тўғрисида сўзлай-сўзлай, супага полос солди, ўзоқ ёқиб, қумғон қўйди; сўнгра яна келинини, неварасини, қудаларини сўради. Обиджон акасининг ёнида ўтириб, нима қилишини, нима дейишими билмас, дам-бадам унинг елкасини ушлар ва илжаяр эди.

Сидиқжон атрофга кўз ташлади: Унинг назарига ҳовли илгари гидан торроқ, деворлар пастрак, уй пачақроқ кўринди. Буларнинг ҳаммаси унга ма'юсона назар ташлаб, «кўрдингми, шу аҳволга тушиб қолдик» деб тургандай кўринар эди.

Хадичаҳола чойни дамлаб келгунича қишлоқда бўлиб ўтган ҳамма катта-кичик ҳодисалар тўғрисида гапириб берди: Юнусалининг хотини бирданига учта туғиби, бу тўғрида газет чиқипти; Болтабойнинг ўғли ота-онасини Тошкентга кўчириб олиб кетиби; қишлоққа Охунбобоев келиб кетиби...

— Охунбобоев суратларига сра ҳам ўхшамас эканлар, — деди  
Хадичаҳола дастирхонга жийда ташлаётib.

— Обиджон бунга қўшилмади:

— Нега, ўҳшайдиларку, — деди.

— Юзлари ўҳшаса ҳам, ўзлари ўхшамас эканлар. Мажлис қиласидилар, ва'з айтадилар дейиши. Ҳаммамиз бордик. Борсак, қизил чойхонада одам кўп, асқия бўлаётibi. Ҳали келмаган эканларда, десак, асқия қилаётган ўша кишининг ўзлари эканлар. Вой, худо, шундоқ улуғ одам... Бу жувон ўлгурлар ҳам сра аямай олади дегин!. Мажлис ҳам қилмадилар, ва'з ҳам айтмадилар. Колхозни яхши қилиш тўғрисида йўл-йўриқ кўрсатиб, бир соатча гапирдилару, кейин бошқалардан гап сўрадилар. Ҳамма гапирди.

Обиджон худди бирор қитиқлаётгандай кулиб,

— Сатторқул акамни бопладилар, — деди.

— Ҳа, раисни бопладилар. Сатторқул чиқиб, «ундоқ қиласиз, бундоқ қиласиз» деб аравани қуруқ олиб қочаберган эди, «қисир сигир кўп мағрайди» дедилар. Бирор кулги бўлди, Сатторқул бирор уялди... Йўқ, колхознинг иши бу йил яхши. Сатторқул кўклиамии тизгинлаб олди... Ҳа, айтгандай, бу қуртни сўрамайсан... Сатторқул бир куни қари-қартангларни йифиб, «бекордан худо безор, ҳеч бўлмаса, бир кутигина қурт тутмайсизларми?» деди. Ҳамма кўнди. Нима қилай, — эрдан қолсанг ҳам, элдан қолма — мен

ҳам қўшилдим. Етги киши бўлиб тўрт қути олдик. Беш қути олсак ҳам бўлар экан — ҳеч оғирчилиги йўқ, қайта эрмак бўлди. Мен шунчаки қуртга қарайман, бошқа ҳамма ишни Обиджон қилади. Сатторқул акаси Обиджонга битта яхши этик берди. Бор, ўғлим, этигингни олиб чиқ, аканг кўрсин!

Обиджон этикни аллақачон олиб чиққан эди, якtagининг этаги блан секин, худли синиб қоладигандай авайлаб артиб, Сидиқжонга узатди ва чирорнинг пилигини кўтариброқ қўйди. Сидиқжон этикни чироққа солиб устини, ичини кўрди. Обиджон унинг остига чертиб кўришини ҳам хоҳлар эди.

Она-боланинг битта этикка шунча курсанд бўлиши Сидиқжоннинг кўнглидаги хира, Зуннунхўжанинг уйидан чиқиб кетиши блан юзини кул босабошлаган чўғни яшнатиб юборди. Унинг кўнглиғаш бўлди. Бу ғашлик ҳаял ўтмай диққатликка, асабий бир кайфиятга айланди. Хадичаҳола буни пайқамай, Сидиқжонни чарчаган гумон қилиб, даррав ўрин солиб берди.

Сидиқжон келганидан эрталаб қўни—қўшни хабардор бўлиб, Хадичаҳоланинг ўртоқлари кўргани киришди. Қампирларнинг ҳаммаси ҳам хуашнуд, афт-ангри ва қад-бастига номуносиб бир тарзда тетик, хушчақчақ эди. Қурт тутиш буларга қизлик, жувонлик чоғларини хотирлатканга ўхшар эди. Сидиқжоннинг қишлоққа кам келишлиги тўғрисида сўз кетганда булардан бири шўх жувонларга хос қийқириқ блан:

— Бизнинг Сидиқжон хотин олган эмас, хотинга теккан! — деб тегишиди.

Кечки асабий кайфияти ҳали тарқамаган, кампирларнинг қийчуви қулоғига ёқмай турган Сидиқжонга бу ҳазил жуда-жуда малол келди ва ичидан «қариганда қичиқ бўлмай ўл! Жуда ярашди!» деб қўйди.

Кечки пайт болалигидаги ёр-жўралари келишди. Сидиқжон булар блан ҳам очилиб гаплашиб ўтиралмади, чунки булар олдида ўзини забун, ношуд, нотавон сезиб, ерга кириб кетгундай бўлиб ўтирап эди. Бунинг устига булар ўртоқ кўргани эмас, бошига зўр мусибат тушган кишидан кўнгил сўрагани, унинг қайғусини бўлишгани келган кишиларга ўхшаб гаплашар эди.

Булардан кейин колхоз раиси Сатторқул келди. Сидиқжон унъяқин икки йилдан бери кўрмаган эди. У Сидиқжон блан кўришиб, ҳол-аҳвол сўраганидан кейин қуртни кўрди ва мамнуният блан кампирга мурожаат қилди:

— Қампир, намуна берган кунларинг битта қўй сизларники! — деди, кейин Сидиқжонга тушунтирди. — Бутун районда биринчи бўлиб пилла топширади. Бу аниқ!

Хадичаҳола бу ишни Сидиқжонга бекорчиликдан эрмак деб кўрсатишга харакат қилгани учун Сатторқулнинг ва'дасидан бениҳоят курсанд бўлганлигини яширишга уринар эди, шунинг учун нима дейишни билмай, ўзи' билгани ҳолда яна:

— Уёқдаги қуртларни ҳам кўрдингизми? — деб сўради, лекин

саволига жавоб кутмай ўчоқ бошига қараб кетди, қозон осди. Сатторқул буни фаҳмламади.

— Райондан келган одам блан кўриб кетдикку! Мен ҳали сизларга унинг ва'дасини айтганим йўқ, — деди.

Хадичаҳола бу гапни эшитса ҳам, э'тибор қилмагандай, зўр бериб ўт пуллар эди.

— Хўш, Сидиқжон, — деди Сатторқул супага ўтириб — сенинг ишларинг қалай? Ҳеч келмайсан... Энди бола-чақанг блан келсанг ҳам бўлар эди. Ичкуёв бўл, эвида бўл-да! Ўзимизнинг қишлоққа ҳам ярашасан.

Сидиқжон чойнакнинг юқини пиёлага томизаётib:

— Келармиз ахир... — деди.

— Қачон? Е хотининг кўнмайдими? Кўнмаса, айтмайсанми: сен менинг хотиним бўлсанг, мени хотин оладиган ўғил бола қилиб туқсан онам ўша ерда, демайсанми!

Сидиқжон бу гапни «онанг ўғил ўсириб сендан нима кўрди» деган ма'нода тушунди-да, бутун қони бошига уриб, қулоқлари гувиллаб кетди. Сатторқул буни фаҳмлади шекилли:

— Мен, онанг қийналди, демакчи эмасман, — деди — лекин қийналган вақтлари ҳам бўлган эди. Ўзинг биласан, колхоз янги ташкил бўлган кезларда колхознинг иши ёғоч ковуш кийган кишининг юришига ўхшар эди. Ўша вақтларда хўп қийинчилик тортдик. Бунинг устига уканг ёш эди. Мана энди, кўриб турибсан, ундақ эмас. Чўтири бўлса ҳам қиз яхши, узоқ бўлса ҳам йўл яхши экан. Бунинг устига уканг қўлидан иш келадиган бўлиб қолди. Ҳозир уканг бўлмагандা ҳам онанг қийналмайди: колхозчилик — биттадан нон берсак, бир ой ейди. Гап бунда эмас. Ўша ёқда юриб, барака топадиган бўлсанг, ўн-ўн икки йилдан бери топар эдинг, демакчиман. Ё гапим чаккими?

Сидиқжон сўнгги вақтларда ўз ҳолатини англаганини, шунинг учун бола-чақасини ташлаб чиқиб келганини ва энди ўтган умрига афсус деб ҳаётини бошқатдан бошлашга бел боғлаганини айтмакчи эди, броқ бир нарсани андиша қилиб қолди. Сатторқулнинг «авваллари колхознинг иши ёғоч ковуш кийган кишининг юришига ўхшар эди, қийинчилик тортдик, лекин узоқ бўлса ҳам йўл яхши экан» деган гапларидан «биз бу кунларга осонликча эришганимиз йўқ» деган ма'но чиқар эди. Агар ҳозир Сидиқжон қишлоққа буткул келганини айтса, «мени колхозингга ол» дегани бўлар эди. Бу, Сидиқжоннинг тортинчоқликдан келиб чиқсан ўйича, «ўроқда йўқ, машоқда йўқ, хирмонда ҳозир» деган та'нага сабаб бўлиши керак эди.

— Менинг билишимча, — деди Сатторқул — ҳозир бой бўлиб, болтанг йўқ, гадой бўлиб, халтанг йўқ. Шу тўғрида ўйлаб кўришинг керак.

Сидиқжон кулимсираб:

— Колхозга кирайми ахир? — деди.

Агар Сатторқул «кир» деса, Сидиқжон ҳалиги андешасини айтар эди. Броқ Сатторқул унинг кулимсирашига бошқа ма'но бериб:

— Мен, колхозга киргин, деб тушинтираётганим йўқ, — деди — тушинтириш ҳар ишнинг бошида, одамлар янгиликдан қоракаш отдай ҳуркиб, чўччанглайман, деб турганда керак.

Шундай қилиб Сидиқжон унга андешасини айталмади, лекин сўз ўрни келиб қолса, бошқачароқ бир йўсунда бўлса ҳам айтишини хоҳлар эди. Сатторқул овқатдан кейин не маҳалгача гаплашиб ўтириди, броқ сўз бошқа тўғриларда кетиб, айтишининг сра ўрни бўлмади. Сидиқжон, бошқа бирон моврути бўлиб қолар, деган ўйда бунга унча қуит ҳам қилмади.

Сатторқул кетди.

Сидиқжон қишлоққа деб йўлга чиққанида бир муддаони кўзламаган экан: хўп, қишлоққа-ку, борди ундан кейин нима бўлади? Қишлоқда буткул қоладиган бўлса, колхозга кириши шарт, йўқса бунинг оти ё ўжарлик, ё бўйини йўғонлик бўлади ва ҳар иккала ҳолда ҳам одамларнинг кулгисига қолади. Сидиқжон кечаси блан ўйлаб, колхозга киришини сра кўз олдига келтиралмади: назарида ҳамма, ҳатто ёру-жўралари ҳам унга «тайёр ошга бакавул» деб қарайдиганга ўхшар эди. Шунинг учун қишлоқда яна бир-икки кун туришни ҳам ўзига эп кўрмай, тезроқ бирон ёққа кетишга жазм қилди ва эрталаб ноништа вақтида онасига бўлган воқиани икки оғиз гап блан айтдию, ўзининг ниятини изҳор қилди.

Хадиҷаҳола бу гапни эшишиб, бошидан рўмоли тушиб кетди.

— Ўғлим, жон ўғлим, — деди хўплаган чойини «қулт» этиб ютиб, — нега бундоқ қилдинг? Шайтонга ҳай бер, болам. Ўғлингни тирик етим қилма. Боланг туфайли ҳар қанча оғирчилик бўлса, устингга ол. Бу — қарз болангдан қайтади.

— Мен аввал қарзимни узиб, кейин қарз бермакчиман.

— Бу нима деганинг?

— Сиздан қарзимни узиб, кейин қарз бермакчиман.

— Йўқ, болам, мен сендан у дун‘ю бу дун‘е розиман. Мени деб шу ишни қиладиган бўлсанг, рози бўлмайман. Мен теракнинг учидаги офтобдай гап: ҳозир борман, бир пастдан кейин йўқ. Менга қараб иш қилма, ўғлингта қараб иш қил. Мен тобутга қараб кетаётубман, ўғлинг бешикдан чиқиб келаётубти. Жон ўғлим, ўргилай! Гўримда тинч ётай. Арвоҳим вайрон бўлган рўзгоринг устида чирқирамасин. Агар уйинг менинг кўзимда тегирмоннинг турмини айлантириш блан яхши бўлса, айлантир,вой десам, беимон кетай!

Шу онда тўсатдан кўча эшиги очилиб, Зуннунхўжа ҳалласлаганича кириб келди. Сидиқжон бошини қуий соганича ўтириб қолди. Хадиҷаҳола Зуннунхўжанинг истиқболига югурди. Зуннунхўжа унга этибор қилмай, ақлдан озган бир қиёфада тўғри Сидиқжоннинг олдига келди.

— Уйимга ўт қўяман! Узимни осаман!. . Ўғлим, жон ўғлим, мен сизни шу умид блан ўғлим деганимидим!

Сидиқжон ўрнидан туриб, уни тўрга таклиф қилди.

— Қани...

— Йўқ, юринг, ўғлим, бас! Бас!

Сидиқжон унинг кетида турган онасига қаради. Хадиҷаҳола

«хўп дегин, бор!» деб боши блан қайта-қайта ишора қилди. Сидиқжон ерга қараб:

— Энди қандоқ бўлади, дада, йўл йўқ... шариат йўл бермайдикъ — деди.

— Йўл бор, ўғлим, шариат йўл беради. Уч талоқ деб ўзига айтганингиз йўқ, менга айтдингиз. Ўзига айтсангиз, ҳисоб бўлар эди.

Орага Хадичаҳола тушди. Икки кишилашиб Сидиқжонни оғиз очгани қўйишмади. Ниҳоят Сидиқжон ҳозир эмас, бир-икки кундан кейин боришига рози бўлди.

Зуғунхўжа хотиржам' бўлиб кетди.

Зуғунхўжа кетгандан кейин Сидиқжон онасига бўлган воқиани бошдан-оёқ батафсил айтиб берди. Хадичаҳола Сидиқжоннинг тенг-қурлари, ёру-жўраларига назаран қай аҳволда эканлигини билганилиги учун унинг сўзларига қарши ҳечнарса деялмади, лекин унинг қарорига рози бўлалмас эди; хўп йиглади, ниҳоят:

— Хайр, ўзинг биласан, ўғлим,—деди.

— Энди, онажон, ўн уч йил бурун сафарга чиққанимда оқ йўл тиламаган экансиз шекилли, шунча сарсон бўлиб юриб, мана шу аҳволда қайтиб келдим. Ўтган умрим нима бўлиб ўтганлигини кўриб турибман. Сиз ҳам кўриб турибсиз. Энди оқ йўл тиланг...

Сидиқжон яна нимадир демакчи эди, ўпкаси тўлиб айтталмади. Хадичаҳола буни фаҳмлаб, унинг кўнглини кўтариш учун, ўзини мардона тутишга ҳаракат қилди.

— Хўп, қаерга борасан?

Сидиқжон онасини хотиржам' қилиш учун:

— Борадиган жойим, қиласидиган ишим тайин!—деди.

Хадичаҳола унинг шу ерда қолиб, колхозда ишлашини жуда хоҳлар эди, броқ бу хақда Сидиқжоннинг ўзи оғиз очмаганилиги учун индалмади. Шундай таклифни қилиш унинг хотин қўйишига розилик билдириш бўлиб чиқар эди.

Сидиқжон сафар ҳозирлигини кўриб, кеч пешин йўлга чиқди. Хадичаҳола бундан ўн уч йил бурунгидай унинг белига нон тугиб берди, пешонасидан ўпди, дуо қилди; ирим қилиб, кузатгани чиқмади. Уни Обиджон қишлоқнинг чиқаверишигача кузатиб қўйди. Обиджон бу можаролардан бехабар бўлса ҳам, акасининг бу кетиши ғарариги кетишлардан эмаслигини сезар эди, шунинг учун хайрлашганда йиғламади.

(Давоми келаси сонда).

## УЙГУН

### СЕНИНГ ШЕ'РЛАРИНГ

#### I

#### ҮША УЧРАШУВДАН БОШЛАНДИ БУ ҲОЛ

Үша учрашувдан бошланди бу ҳол,  
Оташда ёнамаң үшандан бүён.  
Уйку ҳаром бўлди үшандан бери,  
Туну кун конимда кезар ҳаяжон.

Қайга олиб кетдинг, қайга яширдинг?  
Кўнглумнинг тинчлиги, роҳати қани?  
Оҳ дилда ўт ёнар, муқаддас бир ўт.  
Мусаффо севгингнинг сўнмас гулхани.

Майлига бағримга туташса ёташ,  
Шу ноёб, шу тамиз севги туфайли.  
Майли шу севги, деб, тинчликдан кечсам,  
Роҳат-ҳаловатдан ажралсан майли.

Қалбимда бир жаҳон тўфон кўзғатиб,  
Севги бўронлари эсмаса энди.  
Севгингнинг отапин шамшири агар,  
Дилни пора-пора кесмаса энди.

Менга тирикликнинг қизиги йўқ ҳеч.  
Шу олий ишқ эрур қалбимнинг нақши.  
Севги оташида куйган юракнинг  
Роҳат бағишлиовчи азоби яхши.

Бу ициқ — ҳаётимнинг сўнмас кўраси,  
Бу ишқ — ижодимнинг ўлмас жўраси.  
Шу пок севгидандир кўзимдаги нур,  
Шу севги туфайли қўшиқларим ҳур.

Ўзимни ғоятда бахтиёр сезиб,  
Ҳаёт шарбатига қонишим шундан.

Илҳом парисидан кувват олишим,  
Ҳаяжонланишим, ёнишим шундан.

Ўша учрашувдан бошланди бу ҳол,  
Ушанда юз берди менга саодат.  
Енишим муқаррар, куйишим аник,  
Аммо мажнунликни килмайман одат.

Чунки умидворман илтифотингдан,  
Балки юз бергандир сенда ҳам бу ҳол.  
Кел, умр бобини бирга кезайлйк,  
Кел, ишқ гулшанида бирга яшнаб қол.

## II

### СЕВГАНЛИГИМ РОСТ

Севгимни қолдирдинг шубҳа остида,  
Асло инномадинг қалбимни айтсам:  
Яна онт ичаман; кесилсин бошим,  
Муқаддас севгининг йўлидан қайтсам.

Шубҳаларинг ғалат, севганлигим рост,  
Сенга айтиб бердим кўнглимни ечиб,  
Мен учун муҳаббат ўйинчоқ эмас,  
Бу йўлга кирганиман жонимдан кечиб.

Синаб кўр истаган синовлар блан,  
Барча синовингга бераман бардош.  
Агар чидолмасам, бўйин товласам,  
Мени бир ҳас каби ёндири, э, куёш.

Бошингни дорга кўй десанг, кўяман,  
Гулханда ён десанг, енишим аник.  
Чунки юрагимда пок муҳаббатнинг  
Иқбол баҳши этучи маш'али ёник.

Шубҳангнинг боиси балки... севмассаи,  
У ҳолда тортинма, тўғрисини айт.  
Севмаслигинг мумкин, аммо ишқимни  
Шубҳага қолдириш ниятидан қайт.

Инсон, шубҳаларинг ноўрин, әркам,  
Яна онт ичаман: севганим аник.  
Қалбимда мусаффо муҳаббатингнинг  
Ҳаёт бағишловчи маш'али ёник.

## СЕН ДЕДИНГ

Сен дединг: севгимиз линхон тутилсени,  
Юрак ҳазинасин айламгин фош.

Мен дейман: ҳар қанча яширсалар ҳам  
Нур сочишдан асло түхтамас күёш.

Севги бир күёшdir, унинг шу'ласи,  
Нур тезлиги блан тарқалар элга.

Севги — сел, яширмоқ истаги бир хас,  
Нечук туриш берар хору-хас селга?

Шунингчун ишқимиз ҳакида бирор,  
Сўз очгуңдек бўлса, ранжима мендан.  
Ўзинг жуда яхши биласан, кимга  
Айта олар эдим бесўрок сендан?

Ойни этак блан яшириб бўлмас,  
Фоят ҳикматлидиr халқнинг бу сўзи.  
Қанча яширмайлик, аммо севгимиз,  
Ошкор бўлғуси ўзидан-ӯзи.

Нима, жиноягми севмак, севилмак?  
Нимага бунчалик ташвиш, эҳтиёт?  
Нега, чалма дейсан, менинг кўлимга  
Олтин соз тўтқизиб кўйганда ҳаёт?

Кўй, чалай, бу сознинг ёник пардаси,  
Жўшкун ишқимизни тараннум этсин.  
Кўй, майли, севгимиз бўлсин ошкор.  
Майлига довруғи жаҳонга кетсин.

Бу блан айбламас бизни ҳеч киши,  
Бу блан жиноят бўлмагай содир.  
Аммо... ишқимизни сир тутгил десанг,  
Шоир, бу ишни ҳам ўташга кодир.

Майли сир тут десанг, сир туттай, эркам,  
Ишқилиб сен хурсанд бўлсанг, бўлгани.  
Сенга зарра озор бергандан кўра,  
Яхшироқ кўзимга тупроқ тўлгани.

Сўз битта, кесилсин тилим, бирауга  
Ишқимизни айтсам сендан бесўрок.  
Бебурдлик килсаму, онтимни бузсам,  
Майли, айриликтининг ўтларида ёк.

Факат... мендан жўрма, мендан ранжима,  
Ишкимиздан бираув сўз очиб қолса,  
Менга озор берма, мени койима,  
Севгимиз жаҳонга ғулғула солса.

Ойни этак блан яшириб бўлмас,  
Фоят хикматлидир халқнинг бу сўзи.  
Канча яширмайлик барибир бу ишл,  
Ошикор бўлғуси ўзидан-ўзи.

#### IV

### СЕН КЕЛДИНГ

Сен келдинг гулта кўмилди,  
Кўнглимнинг гулшани — бори.  
Сен келдинг, кетди дилимдан,  
Хижроннинг қопкора доди.

Сен келдинг — тошди севинчлар,  
Нур сочди, кулди куёшим.  
Ёр ўлди менга саодат,  
Юксалди кўккача бошим.

Сен келдинг — яшнади дун'ё,  
Гулшанг жирди латофат.  
Қол энди, ташлама зинхор,  
Бахтимга етмасин офат.

Қол энди, бирга бўлайлик,  
Ҳечёкқа кетма ёнимдан.  
Хижронга айлама дучор,  
Тўйдирма энди жонимдан.

Қалбим бир ла'ли пиёла,  
Ишкингнинг бодаси тўлсин.  
Васлингнинг гулшани доим,  
Бахтимнинг манбай бўлсин.

апрель, 1946.

МИРТЕМИР  
АМУ ҚИРГОҚЛАРИ...

• *Н Ше'р*

Эй сен, сулув дар'ё, азамат дар'ё,  
Эй сен, тентак түлқин, тизгинсиз түлқин,  
Эй сен, сахроларнинг дардига даво,  
Эй қудратли жаҳон — эй қалби жўшиқин.

Эй сен, ўлкам кўрки, юртим чиройи,  
Ойдин дийдорингни соғиниб келдим  
Она, Сирдар'ёнинг соҳилларидан —  
Қадим диёрингни соғиниб келдим.

Лойқа тўлқинларинг на хуш тебратар  
Сутдайин беғубор тун қучоғида.  
Эҳтимолки, мени гўдак чоғимда —  
Бешикда тебратган онам шундақа,

Сийнамга ел урап ҳам очиқ ёқа.  
Ойнинг кокиллари халқаю-халқа  
Паришон титрашар сув сийнасида,  
Ҳайҳот, бу дар'енинг хазинасида —

Нақадар гавҳар мўл, хирмону-хирмон,  
Дар'ё заҳматкаши янглиғ ахир ман —  
Уни олажакман теран сувлардан,  
Тугал олажакман... Эй, она-дар'ё.

Эй сен, боболарнинг сўлим диёри,  
Эй сен, асрларнинг соз шифокори,  
Қучоғимни ёйиб, юз тубан тушиб,  
Эзгу тупроғингни ўпмак истайман,

Тўқайлар устида лочиндан учиб,  
Олтин қирғоғингни ўпмак истайман.  
Тўлқинларнинг мудҳиш қучоқларида  
Мисоли олп наҳанг кечмак истайман,

Ва сенинг муборак, лойқа сувингни,  
Ха, лойқа сувингни суртиб юзимга,  
Түтиё сингари тутиб күзимга,  
Бебаҳо шаробдай ичмак истайман.

Чунки сенинг эзгу қатраларингда  
Қақраган чўлларга ҳаёт муҳайё,  
Сенинг бир қатрангни шимган инсонга  
Йўлда учмак учун қанот муҳайё.

Чунки сенинг сўлим соҳилларингда  
Узоқ боболарнинг ҳоки бор, Аму!  
Шунинг учун сенинг ҳар қатранг  
Саҳроларнинг асрий дардига дору . . .

Гирдобларнинг мудҳиш қучоқларида  
Асов наҳанг каби кечмак истайман,  
Ва сенинг муборак, лойқа сувингни  
Шароб каби тўйиб ичмак истайман.

Қорақалпогистон.  
Июнь 1946 йил

## ТҮӨНДІР

Бу ғолиблар юртида  
Тезда бүлар улуғ түй.  
Жаранглатар борлықні,  
Шодон кулги, құшиқ, күй.

Шахар, қишлоқ, овуллар.  
Гулшан каби кулгуси!  
Бахт нуридан баҳраманд.  
Қалблар блан түлгуси.

Улуг айём кунларга,  
Керак тансик түёна.  
Түйга куруқ бормоқлик.  
Бизнинг элга бегона.

Отам — олтин водидан,  
Тоғдек хирмон күтарди.  
Дохимиэзга берилган  
Ва'да, сұзсиз, ўталди.

Акам мохир машинист,  
Қүшдек учар йұлларда.  
Паровози ҳар доим,  
А'ло ишлар түйларда.

Кекса онам ишлайди,  
Кохознинг фермасида.  
У, серунум ундирап,  
Ҳар иш дақиқасида.

Үзим бұлсам у күнни,  
Тұлқинланиб кутаман,  
Түйчиларта рангба-ранг,  
Гулдасталар тутаман.

Дүстлар, а'ло үқишлиқ,  
Шудир менинг түёнам.  
Бунинг учун, балли! — дер,  
Жондан азиз юрт-онам.

Январь, 1946.

## ҚУИСАНГЧИ

### I

Она айтар: — жон болам,  
Мен ужангни белайин.  
Үндан кейин патирга,  
Тезгина ун элайн.  
Мен бүлгүнча, бир челак  
Сув келтириб берсангчи,  
Бола айтар талтайиб:  
— Бор, тошингни терсангчи!

### II

Она айтар: — жон болам,  
Уйни боллаб қизитдим.  
Мана совун, мочалка,  
Бир челак сув иситдим.  
Мактабингга боргунча,  
Бир чўмилиб олсангчи.  
Бола айтар талтайиб:  
«Иш»дан қўйма, борсангчи!

### III

Она айтар: — сен нега,  
Қилар ишинг билмайсан.  
Қатталарнинг сўзини  
Хеч назарга илмайсан.  
Китоб олгин кўлингта,  
Шўхликларни қўйсангчи!  
Бола айтар талтайиб:  
— Бу гапларни қўйсангчи.

### IV

Дарс вактида Турғуннинг  
Фикри-ёди тоғларда.  
Гул теради ҳатто у,  
Қиши кунлари боғларда.  
Бола айтар: гал сенга  
Тур доскага чиқсангчи!  
Одатича қичқирап:  
— Бу сафар ҳам қўйсангчи.

Борди доска ёнига,  
 Қора терга ботиб у.  
 Жұн хисобни ечалмай,  
 Үзок турди котиб у.  
 Хечким айтиб бермади,  
 Дүстлар айттар: бўлсангчи!  
 Ўйга кайтди шу куни  
 «Икки» блан қўйсангчи!

1945 ийл Лекабрь.

### ҚИЗИЛ БАЙРОҚ

Қизил байрок, жон байрок,  
 Сен энг яқин дўстимсан.  
 Олтин нуринг остида  
 Ўйнаб-ўйнаб ўсдим ман.

Менинг отам фронтда,  
 Сра тинмай жанг қиласар,  
 Қизил байрок қўлида,  
 Ев ҳолини танг қиласар.

Қизил байрок, жон байрок,  
 Бошли доим илгари!  
 Зиё сочгин йўлларга  
 Тонгги қуёш сингари.

### ЖИТОБ, МЕНИНГ ДУСТИМСАН!

Еш ўйноқи кўзларим  
 Шуур олар китобдан,  
 Ташиб топиб сўзларим,  
 Бахтим кулар китобдан,  
 Шунинг учун дейманки:  
 Китоб, менинг дўстимсан! . .

Варакласам бир бошдан,  
 Қувнаб, баҳрим очилгай,  
 Олтин ҳарф-сўзлардан  
 Тотли ма'но сочилгай,  
 Шунинг учун дейманки:  
 Китоб, менинг дўстимсан! . .

Ҳар саҳифанг мен учун  
Бир ҳикоят сўзлайди,  
Уқиб, олим бўлгин, деб  
Яхши ният кўзлайди.  
Шунинг учун дейманки:  
Китоб, менинг дўстимсан . . .

Болдан ширин тилингда,  
Курашлардан куйлайсан,  
Шундай чаман элимда  
Зафарлардан сўйлайсан,  
Шунинг учун дейманки:  
Китоб, менинг дўстимсан . . .

Оқ бетингга элимнинг  
Бахтномаси битилган,  
Барча кўзлар илмнинг  
Гул нақшига тикилган.  
Шунинг учун дейманки:  
Китоб, менинг дўстимсан . . .

Сени чиндан севаман,  
Мени тилга ўргатдинг,  
Хадя килиб, илм-фан,  
Ёруғ йўллар кўрсатдинг.  
Шунинг учун дейманки:  
Китоб, менинг дўстимсан . . .

Оқ бетингда отамнинг  
Қуёш каби акси бор,  
Мехрибони одамнинг,  
У ҳар қачон бизга ёр,  
Шунинг учун дейманки:  
Китоб, менинг дўстимсан . . .

Бугун сени миллионлаб  
Ёшлил олган кўлига,  
Иштиёкла киргайлар  
Фан гулшани йўлига,  
Шунинг учун дейманки:  
Китоб, менинг дўстимсан . . .

Ж. ШАРИФИЙ

## БАРҚ УРИБ КУЛАДИ ЛАЗЗАТЛИ ТУРМУШ

Колхоз даласида Күлдош тер түкар,  
Терлар танга бўлиб кирап киссага.  
Тез дамда бадавлат, бой бўлган Күлдош.  
Куч-куввати ошди уч-тўрт хиссага.

— «Үғлим ҳам улғайиб йигитча бўлди,  
Уни севган ёрига қўшмоқлик даркор.  
Келинга оқ уйлар, нақлбанд айвон,  
Куришга ишонч бор, колхоз мададкор».

Чакирилди уста, азamat йигитлар,  
Кўлда олтин коса кўтарилиди май,  
Оқ уйларда тўйлар насиб бўлгай деб,  
Пойдевор курилди ўнбешинчи май.

Орадан кўп ўтмай бошланди уруш,  
Жаннатдай хайтга юриш қилди ёв.  
Чала бўлиб колди баланд иморат,  
Ўғил кетди жангга қалбидаг олов.

Ҳамма вақт чиройи очилган Қўлдош,  
Энди кулмас, жиддий, ўйлар ўғлини.  
Ба'зан чўчиб кетар, босар вахмалар,  
— «Эй худо, мардларнинг оқ кил йўлини!».

Мамлакат томири маҳкам урсин деб,  
Хотини совғалар, ўзи берди қўй.  
Қарар чала қолган иморатига  
— «Наҳотки, йигитча кўрмасмикан тўй?»

Иморат олдига кўчатлар экди,  
Кўчатлар шундайин гуллади гўзал.  
Бўйи етган қиздай тезда улғайди,  
Бирим мева берди — айтасиз асал.

Кечаси-кундузи тинмас эр-хотин,  
Бири кетман ураг, бири ер ҳайдар:  
Ғарбга бокар, ўйлар: уруш тез битса;  
Үғил келиб олса кокили ҳайдар.

Умидлар рүёбга чикди күшдай,  
Битди қонли уруш, келди қадирдон.  
Құлдош ота хурсанд, юна кулар шод;  
Бошланди тинч ҳаёт, эл-юрг фаровон..

Энди чала қолмас ҳашамли бино.  
Келди мәрд усталар, тешалар ҹаккон-  
Ғиштлар қүшдай учар, уй күкка етар,  
Көлинчак безанар, кулиши хандон.

Бутун мамлакатда бошланди тұлқун —  
Бу қуруш тұлқини, қасбимиз тузуш.  
Ҳарбиримиз уста, минг ҳунар бизда  
Барк уриб кулади биллурдай түрмүш.

---

## МИРЛУХСИН ҒАЛАБА ВА БАЙРАМ

Накадар буюксан, нақадар гўзал,  
Нақадар дилбарсан, барқ урар юрак . . .  
Нақадар азизсан, нақадар улкан,  
Эй менинг Ватаним, байрам муборак!

Беш йиллик режанинг илк тантанаси —  
Биринчи Май яшнар озод ватандга.  
Сельмаш ишчисининг уйида сен бор,  
Жонда сен, қонда сен, сўзда сен, танда . . .

Яшнамақда дала шарофатингдан,  
Баҳор блан слиб кирдинг заб чирай.  
Нақадар қадирдон, нақадар дўстсан,  
Хуш келдинг, хуш келдинг, эй Биринчи Май!

Қалбни тешолмади ёв ўки, чунки —  
Сталин бор унда, улуғ меҳр бор.  
Ціу меҳр туфайли ўтда ёнмадик,  
Кўқдан қуламадик, чўқмадик зинҳор.

Найзани қададик ёвнинг қалбига,  
Душманни тор-мор этди ҳамламиз.  
Чунки, дилимизда яшар Сталин,  
Бир дилмиз, бир тиямиз бизлар-хаммамиз!

Бўрондек югурдик, йўлбарсдек қувдик,  
Танқчилар, тўпчилар, лочин . . . пиёда . . .  
Эй, бизни чин одам қилган мураббий!  
Бахтимизга бўлсин умринг зиёда.

Муборак элимиз топгил шараф-шон,  
Курранинг жаннати, кишилик боғи.  
Елпинар бошингда мағрур, абадий —  
Ленин-Сталиннинг ғолиб байроғи.

Накадар буюксан, накадар тұзал,  
Накадар дилбарсан, барқ урар юрак ...  
Накадар азизсан, нақадар улкан,  
Эй менинг Ватаним, байрам муборак!

146 йил, Май.

## М И Р О Б

Сой гувуллар, мироб ота тұғон очади,  
Қир бетида гир айланиб ўйнар шаббода.  
Сув бошидан бошлаб келиб оби-хаётни  
Күп чанқаган ғұзаларга тутарди бода.  
Яраштанди бу отага кийган яхтаги.  
Анор каби қизармышди офтобда түш.  
Ғұзаларга тутар эди сувнинг яхдагин,  
Нондек пишган ерлар чанқаб этар эди нүш.  
Машхұр эди Шаҳрихонда бу мироб ота.  
Эртаю кеч ишлар эди билмас қарчаши.  
Кун ғанимат, үтказмасди фурсат ва онни,  
Писанд қилмас унча-мунча зёр деган ишни.  
Кекса мироб оркасидан әргашиб желиб,  
Жұяқларда жилдирашиб оқар зилола.  
Күп тежарди, исероф қымбас пахта шарбатин,  
Зойи' кетмас бувлардан битта пиёла.

МАРУФ ҲАКИМ

## У Ч К У Н

(Ҳикоя)

Сержант Йўлдошевни тушининг авжи ширин пайтида уйғатдилар. У, ўрнидан сапчиб тураркан, кўзларини ҳали роса очмасданоқ, тимнастёркасининг ёқасини қадади ва уйқу олдидан бироз бўшатиб қўйган камарини маҳкам қисиб бағлагач, кафти блан кўзларини ишқади. У, рўпарасида турган жангчи Свистуновга кўзларини пилпиллатиб, кулиб қўйди. Унинг азалдан ғурра қовоқлари бироз шишинқираган ва кўзларининг жияклари эса қизарган эди.

— Сизни комбат чақиряпти, ўртоқ сержант—деди честь бериб Свистунов.

Сержант Йўлдошев пилоткасини кийгач, ертўладан ташқари чиқди.

Ташқари, ертўлага қараганда, ҳали анча ёруқ. Қуёш бўлса немислар турган қишлоқнинг қоқ ўртасидаги черков жомхонасининг снаряд тешиб ўтиб кетган ёриғидан оловдек ёниб турар эди. Йўлдошев, қишлоқнинг фарб-жанубидаги, куйиб яксон бўлган элеватор ва фақат мўрилари қаққайиб турган қишлоқ уйларига бир қур назар ташлагач, комбат блиндажига қараб шахдам қадам ташлаб кетди.

Мана икки ойдан ошиди, сержант Йўлдошев разведқачилар взводининг командири бўлиб ишлайди. Уруш бошларида оддий солдат бўлган Йўлдошев ҳадемай ефрейтор, кейин младший сержант, мана икки ой бўлдики, сержант унвонини олди.

Йўлдошев бу йил саратонда роса 23 га кирди. Биринчи марта, Лозовая ёнида жангга кирганда 20 ёшда эди. Ана шундан бери у уч бор яраланди ва тўрт марта мукофотланди. Бу орада шундай кунлар ҳам бўлган: немислар мудофаага ўтиб, бизнинг қисмлар нафасини рослаш учун тўхтаган ва кечалари тинмай окоп қазиб-бошлаган кезларда, Йўлдошев ниҳоят зерикар ва шунда у, ўз қишлоғини, Ворошилов колхозидаги севган қизи Пўлатойни эслар эди. У, Пўлатойдан шу кунгacha ҳар куни бўлмаса ҳам, ҳафтада икки марта хат олиб туради. Броқ негадир ўзи унга кам ёзади. Пўлатой яқинда пахта териб туриб олдирган сувратини юборган экан. Бу сувратни Йўлдошевнинг кўрсатмаган одами қолмади. Бир куни генералга ҳам кўрсатди. Қандай бўлди денг: генерал разведқачилар блан сапёrlар ротасига мукофот топширгани кел-

ган эди. У мукофотни топшириб бўлгач, мукофотланган жангчилар ан анча сухбатлапиди. Шунда қўқусдан Йўлдошевдан: «Хотининг борми?» деб сўради.

— Йўқ, ўртоқ генерал,—деди Йўлдошев.

— Бўйдоқман дегин—деди генерал.

— Бўйдоқман, ўртоқ генерал.

Генерал кулди ва үнинг елкасига қоқаркан ҳазиллашиб.

— Узбеклар ёш уйланадиларку, нега сен шу чоққача уйланмадинг?—деди.

— Уйланиш қочмайди, ўртоқ генерал, аввал урушни тугатайлик, кейин...

— Кўзингнинг тагига олиб қўйганинг бордир бўлмаса,—деди генерал.

— Бор, ўртоқ генерал, колхозда... — деди шошиб Йўлдошев ва гимнастёркасининг чўнтағидан Пўлатойнинг сувратини олиб кўрсатди. Кўрсатдию, ўзи қипқизил бўлиб кетди.

Генерал, Пўлатойнинг юмaloқ, лўппи, қораҷадан келган юзларига ва жаланглаб турган кўзларига тикиларкан: «Жуда чиройлик қиз экан. Хат ёсанг, мендан ҳам салом айт. Хўпми?» деди.

Йўлдошев шошганича комбат блиндажига киаркан, йўлак даноқ «руҳсат этинг, ўртоқ капитан!» деб қичқирди.

Капитан қандайдир бир киши блан сўзлашиб ўтиради. Йўлдошев уни қоронғида танимади. У ўзини блиндаж эшиги олдидан бир четга тортди. Шунда ташқаридан ер тўлага ёрук тушиб, ертўла анча ёришди. Бу киши полк штабининг бошлиғи майор Горбатенко эди.

Орадан 15 минутча вақт ўтгач, Йўлдошев топшириқ олиб, комбат блиндажидан чиқди. Бу галги топшириқнинг одатдаги топшириқлардан фарқи бор эди. Ҳар гал фақат «тил» гина тутиб келиш бўлса, бу сафар «тил» тутиб келиш блан бирга, иккинчи ротанинг ўнг флангига хавф тұғдираётган немис ДЗОТИни портлатиб ташлаш ҳам керак эди. Бу ДЗОТ бизнинг олдинги чегарамиздан атиги салкам бир километр чамаси нарироқдаги тепалик устига қурилган эди. Бу ишда тажрибакор Йўлдошев бизнинг олдинги чегарамиздан то тепаликкача бўлган бу масофага разм соларкан. жанговар шароитда ҳарбир қарич ернинг нақадар зўр аҳамиятга эга эканини эслаб ўтди. Бу салкам бир километр ерни бирнече минутда босиб ўтиш мумкин, лекин шундай пайтлар бўладики, бир метр илгари силжиш учун бутун-бутун кунлар ҳам камлик қиласиди.

Соат роса 24.00 да Йўлдошев ўз разведкачиларини ертўладан олиб чиқди. Булар тўққиз киши эди. Улар бирнече юз метр эмаклашиб кетишиди. Кейин, окопларни иккига бўлиб турган пасқам ерга келишгач, ўринларидан туришди ва ниҳоят ихтиётлик блан, олдинма-кетин бўлиб, яна 50—60 метр чопиб боришиди.

Кейин улар, азamat сапёrlаримиз томонидан немис миналарига белги қилиб қўйилган ерга келишди, шу ердан немис мудофааси-

нинг турли-туман иншоотлари, тим қоронғуда, әлас-әлас күзга қалинарди. Йұлдошев тепаликка бир назар ташлагач, орқада қол-гандарни кутиб, бироз тұхтади. Ҳаммаси тұпланди. У, яна бир карра ҳарбір жангчига унинг үз вазифасини пичирлаб уқтириб чиқди, үзи олдинга тушиб, худди сувда сузаётгандай әпчидлик блан олға қараб әмаклаб кетди. Шу чоқ, орқада кимдир автоматини тошға уриб олди. Йұлдошев етган ерида қотиб қолди ва немислар әшитиб қолмадимикин деган ташвиш блан орқасига қарди. Разведкачиларнинг ҳаммаси ҳам етган ерида қотиб қоған зди. Хайріят, ҳаммаёқ жимжит. Яна әмаклаб кетиши...

...ДЗОТ амбразураларига ва орқа томондан алоқа йүйларын блан пулемёт нұқтасига құққисдан ташланған гранаталар еркекни ларзага келтирди, ҳаммаёқни қопқоро тұзон қоплади. Бу қадар шиддатли ва түйқисдан бўлған бу зарбадан немислар гангиб, нима қилишни билмай қолдилар. Иш Йұлдошев ўйлаганича чиқди Немислар саросимада қочишиди. Алоқа йўли блан қочиб кетаётгап немислардан иккитасини Йұлдошев отиб ташлади, учинчисини автомаг қўндоғи блан бошига туширди. Немис ийқилди. У дарҳол немиснинг қўл-оёғини боғлади ва жангчилардан тўрттасини чақириб, асирни тездан олиб кетишига буюрди.

Шу он осмонга оқ, кўк, қизил, турли-туман рангда мушаклар этилди ва ҳаммаёқни ёритиб юборди. Кейин немислар, тартибсиз сувратда, бутун қуроллардан ўт очишиди...

Қандай бўлмасин «тил»ни олиб кетишига имконият туғдириш керак зди. Йұлдошев үзи блан қолган жангчиларни дарҳол немис траншеяларига жойлаштириди, үзи ДЗОТ га кириб кетди. ДЗОТ да бир неча немис ўлиги, абжағи чиққан пулемёт ётар зди. Йұлдошев аввал шу ерда стол устида чочилиб ётган қофозларни йиғишириб қўйнига тиқди ва бурчакда тұпланиб ётган миналарни кўриб колиб, уларни опил-тапил пулемёт ўрнатилган супачага тұпладида, ДЗОТ нинг әшиги олдига келиб туриб граната отди. Отдию үзи бир неча метрга кийикдай сакраб ер бағирлаб ётиб олди. Шу он ДЗОТ портлади. Бир лаҳзадан сүнг Йұлдошев ўрнидан турди. Унинг қулоғи чиб битган, гүё тегирмондай гувиллар, дунёни қўпориб отилаётган ўқларнинг товушини ҳам әшитмас зди. Броқ шу оннинг үзида унинг кўзи разведкачиларнинг ўлиб-тирилиб немислар ҳужумини қайтараётганига тушди.

Немислар тездан орқага чекиниши. Атрофга бир зумгина жимлик чўкди. Бирнече минутдан сүнг немисларнинг яна ҳужум қилиши турган гап зди. Бу гал, шубҳасиз тартибли суратда, яна ҳам кўпайишиб ҳужум қилиши аниқ. Йұлдошев шу пайтдан фойдаланишга қарор қилди ва қўйнидаги қофозларни олиб жангчилардан бирига берди ва асирни тезроқ олиб, жўнаб кетишига буюрди. Немис траншеяларида үзи блан яна уч жангчи қолди. Булар бирнече минут немисларни тез-тез ўққа тутиб туришди.

Бирданига мушаклар бирин-кетин учди, ҳаммаёқни аввалигидай яна қоронғилик босди. Гоҳо ёритучи ўқлар орқасида оловли

жүйрүк қолдириб, ўчиб, ўтар әди. Шу пайт Йўлдошев тепалик томонга тез чопиб келаётган бир тұда немисни пайқаб қолди. У, немисларнинг ўқ узмай, бу қадар жим келишидан шубҳаланди. «Албатта, бизнинг оз эканизмизни пайқаган, бизни ўраб олмоқчи» деб, үйлади. Кейин ўзи блан қолған жангчиларга жанг блан чекинишігә буйруқ қилди. Жангчилар траншеялардан чиқиши. Улар орқаңарига ўн метр чамаси чекинган әдик, Йўлдошевдан сал нарида мина портлади. Разведкачилардан бири, минани босиб олиб, парча-парча бўлиб кетди, иккинчиси эса қаттиқ ярадор бўлди.

Немислар овоз келган ва аланга кўтарилиган ерга қараб автоматлардан ўқ узиши. Кейин мина ота бошлидилар. Йўлдошев бу хавф ердан тезроқ чиқиб олиш учун яраланган жангчини опичиди-да, ўнг томонга тез-тез эмаклаб кетди.

Эди окаришиб келаётган тонг қоронғусида, писиб юрган немис солдатларининг қораси кўринди яна. Йўлдошев соғ қолған жангчига ярадор жангчини олиб кетишини топширилдимикин, ярадор жангчи нима бўлдикин, деган ўй ўтди. У, ўзини ниҳоят хавф остида эканини пайқаса ҳам, бу ҳақда мутлақо ўйлагуси келмади.

Бир зумда ҳаммаёқни яна жимлик қоплади. Шу лаҳза Йўлдошевнинг хәлидан асир блан қофозлар штабга топширилдимикин, ярадор жангчи нима бўлдикин, деган ўй ўтди. У, ўзини ниҳоят хавф остида эканини пайқаса ҳам, бу ҳақда мутлақо ўйлагуси келмади.

Бора-бора тонг ёриши. Йўлдошев оҳисталик блан эмаклаб орқасига қайтаркан, унинг қоқ ёнидан бирнече ўқ илондек вишиллаб ўтиб кетди. Йўлдошев бунинг қаердан отилаётганини кўрди ва ўрнидан ярим турди-да, ҳалиги томонга қараб сўнгги гранатасини улоқтириди. Шу оннинг ўзида унинг кўкрагига тошдек бир нарса келиб тегди. Йўлдошев кўкрагини чангллаб йиқилди ва ўзини билмай қолди.

Йўлдошев чуқурда кечгача ҳушсиз ётди. Кейин бироз ўзига келгач, ўрнидан туриб ўтириди ва қўлига тикилиб қаради. У, қоронғуда, қўлинин қонми ёки қон эмасми эканини пайқолмади. Ниҳоят у, қўлинин ялаб кўрди-да қон эканини билди ва а'зойи бадани зирқираб музлаб кетди. Йўлдошев шу кепатада анчагача ўтириди, кейин қўл, сёқ, ва бутун а'зосини қимирлатиб кўрди. Жойида, ҳали жойида, У орқасига қўл югуртди, қўли икки қурагининг қоқ ўртасида яна қонга дуч келди. Шундан кейин ўқ кўкрагидан тешиб ўтганини фаҳмлади.

Шу вақт бирданига кетма-кет икки бор ўқ отилди ва Йўлдошев ўтирган чуқурнинг четига тегиб, унинг бошига тупроқ сочилди. Йўлдошев дарҳол буни снайпер отаётганини тушинди. Бу ердан қиттак бош кўтардими, немис снайпери уни отиб ташлаши турган гап әди.

Йўлдошев ўзининг шу ахволга тушиб қолганига ниҳоят ғазабланди ва бир—зўр блан чуқурнинг нариги томонига, немисга яқинроқ ерга ўтиб, ўзини панага олди. Энди уни немис снайпери кўралмас әди. Унинг қўйқисдан қилған мана шу ҳаракати орқасида

оғзидан қон келди. У бироз жим ётиб, немис снайпери қаерда эканини ўйлайбошлади. Агар Йўлдошев немисни ўлдираолмас, немис уни ўлдириши аниқ эди.

Йўлдошев чуқурдан бошини сал чиқазиб, атрофни кузатгунча, не-не вақт ўтиб кетди. Қуёш аллақачон тик кўтарилиган, унинг кўкдан ловиллаб ёғиб турган ҳарорати остида снаряд парчалари блан шиша синиқлари йилтирас эди. Онда-сонда думалаб ётган ўликларнинг қўланса ҳиди димоққа келиб урди. Унинг кўз олди қоронғилашди. У автоматнинг қуёшда йилтираб турган стволига лой суркади ва бошидан каскасини олди-да, автоматига ўйгишиб, чуқурдан секин чиқазиб қўйди. Шу лаҳзанинг ўзида ўқ оллаётганини фаҳмлади. У, чуқур четидаги дўнгча орқасидан роса мўлжалга олиб туриб, немис снайпери томон узун бир очередь берди. Немис биқиниб ётган еридан бир қаричча кўтарилиди-да, йицилди. Мана шундан сўнг Йўлдошев эркин нафас олиб, ҳолсизланиб, чуқур ичига сирғаниб тушиб кетди. Энди у ўз окопига қайтсан бўлар эди.

То қоронғи тушгунча, Йўлдошев чуқурдан чиқмай ётди. Қош қорайган пайтда, кимларнингдир, шу томонга келаётганини эшитди. Улар шивирлашиб сўзлашар ва кимнидир ахтаришар эди. Улардан бири Йўлдошев ётган чуқур лабига келди-да яна қайтиб кетди. Йўлдошев буларнинг немис эканини, ўлган снайпернинг жасадини излаб юрганини тушинди. Немислар кетишди шекилли яна ҳаммаёқни жимлик қоплади.

Йўлдошев чуқурдан чиқди ва ниҳоят оҳисталик блан ўз чегарализга қараб эмаклаб кетди. У, шуқадар ҳолдан кетган эдики, бир қарич йўл босиб бирнеча минут дам олар эди. У чуқурдан икки метрлар ҳам узоқлашмай туриб, бирдан осмонга мушак отилди ва ҳаммаёқни сутдай ёритиб юборди. Йўлдошев ётган ерида қотиб қолди. Немислар, уни фаҳмлаб қолган шекилли, пулемётдан ўт очишли. Йўлдошев орқасига бурилиб, яна чуқурга қайтиб келмоқчи бўлганида, бир ўқ келиб сонига тегди. Унинг ўнг оёғи увишди. У, зўр куч блан судрала-судрала, чуқур лабига етиб келди ва чуқурга шўнғиб тушиб кетди.

Ярим кечада у чуқурдан яна чиқди. У йўлнинг қоқ ўртасига келганда, тонг отиб қолган эди. Йўлдошев шу ерда ҳушидан кетиб, ўликдай қимир этмай қолди. У гоҳ ҳушига келар ва яна ҳушидан кетар эди. Бир ҳушига келганда аллақачан қоронғи тушиб қолган, ҳаммаёқ жимжит эди. У, кўзларини чирт юмиб, яна эмаклаб кетди. У бениҳоят ҳолдан кетганлигидан жуда ҳам секин ҳаракат қиласар эди. У ҳаракатини тезлатмоқчи бўлар, лекин ҳарчанд уринса ҳам зўрга қўлларини қимирлатар ва зўрга оёғини тираб гавдасини илгари сурар эди. Броқ у, шу ҳолда бир метр ҳам илгари силжимай, яна ҳушидан кетди.

Эртасига эрталаб ҳушига келиб, адашганини, немисларнинг танкка қарши миналар кўмган өрига келиб қолганини пайқади. У

ориқдан инграб овоз чиқарди. Немислар томонидан пулемёт илди.

Йўлдошев ниҳоят ғазбланди. Агар унинг қурби етганда эди, ўрнидан туриб, немис окопларига ташланар, у аблахларни бўғиб ўлдирил эди. Шу он унинг хаёлини ўлим ваҳимаси чулғади. У ўзини ўлим блан курашаётганини тушинди ва қандай бўлмасин ўлимни енгишга қасд қилди. Унинг ўлишга хақи йўқ, ўлмаслиги керак... Хеч бўлмаса бугун тушида кўрган қизнинг соғ муҳаббати учун ўлмаслиги керак. У ўз тушини эслаб кетди. Унинг кўз олдила Пўлатойнинг «нега ётибсиз? Туинг, қани туинг» деб турган тасвири пайдо бўлди. У кўзларини катта очиб, орқасига бурилди ва зўр ғайрат блан ўз окопларимиз томонига қараб эмаклаб кетди.

Йўлдошевни, немис миналарини заرارсизлантириш учун кетаётган салёрларимиз, азонга яқин бизнинг олдинги чегарамиздан 100 метр наридан топишди. Йўлдошев ҳушидан кетиб ётар эди. Уни медсанбатга олиб келиб топширилар.

Ордан бирнеча кун ўтгандан кейин, медсанбатга ўз взводидаги жангчилардан икки киши ярадор бўлиб келди.

— Уч кун йўқ бўлиб кетдинг, биз сендан умид узган эдик.— деди жангчилардан бири.

— Уч кун, пичирлади Йўлдошев,—мени ҳарчанд ўлдиришга үринсалар ҳам, броқ ўлдиришаолмади—деди ва мийифида ғолибона қулиб қўйди.

МАРУФ ҲАКИМ

## F A Z A B

(Ҳикоя)

АЗОНГА ЯҚИН СЕРЖАНТ ОМОНОВ РАЗВЕДКАДАН ЯНА ҚУРУҚ ҚАЙТДИ.  
ҮШУ ҚАДАР ТАЖАНГ ЭДИКИ, ҲАТТО БЕКАРДАН-БЕКАР, СТАРШИНАН ҲАМ  
ҲАҚОРАТ КИЛИБ ТАШЛАДИ. БРОҚ БУ ЎЛГАННИНГ УСТИГА ЧИҚИБ ТЕПГАН  
БҮЛДИ ХАЛОС. НЕГАКИ, БУНИНГ УЧУН У ЎЗ ЖАЗОСИНИ ОЛДИ. БУЛАР ИШ  
БҮЛДИ; БРОҚ СТАРШИНАНИ ҲАФА ҚИЛГАНИ УЧУН ОМОНОВНИНГ ЎЗИ ҲАФА  
БҮЛИБ ҚОЛДИ. МАНА ШУ КЕПАТАДА, У, БОШИНИ ҚҮЙИ СОЛИБ, КОМАНДИР  
СЛИНДАЖИГА КИРИБ КЕЛДИ.

КОМАНДИР ОЛДИДА ГҮДАЙИБ ТУРАРКАН, ҲАРБИР БАРМОГИ ЎҚЛОВДЕК  
КЕЛАДИГАН ҚҮЛЛАРИНИ КҮРСАТИБ, НИМАДАНДИР ҲАФСАЛАСИ ПИР БҮЛГАН  
КИШИДЕК, ГАМГИН СҮЗЛАРДИ:

— БҮЛМАЙДИ, ЎРТОҚ КАПИТАН, СРА БҮЛМАЙДИ. ЭНДИ МЕН ЭПЛОМ-  
МАЙМАН, ҚҮЛМИДАН КЕЛМАЙДИ... ЭНДИ БУ ИШНИ БОСИҚРОҚ ОДАМ ҚИЛ-  
МАСА... БИРИСИ КУНИ БҮЛСА, БИРОР ЕРИ ЗАХА ЕМАСИН ДЕБ, ФАҚАТ ХИ-  
ҚИЛДОҒИДАН, МАНА БУНДАЙ ҚИЛИБ, ИХТИЁТЛИК БЛАН УШЛОВДИМ...  
ПАДАР ЛА'НАТ, АЯГАННИ БИЛМАДИ, ЎЛИБ ҚОЛДИ. МЕНДАМИ АЙБ? КЕЧА  
БҮЛСА, АВТОМАТНИНГ ҚҮНДОҒИНИ ОБМОТКАГА ЎРАБ ОЛУВДИМ... АВВАЛО,  
ҚҮНДОҚ КАСКАГА ТЕККАНДА ЖАРАНГЛАБ ШАРПА ҚИЛМАСИН ДЕДИМ, ИК-  
КИНЧИДАН САЛ ЮМШОҚРОҚ ТЕГСИН ДЕВДИМ... ЎЗИДА АЙБ, БАЧЧАГАРНИНГ  
БОШИГА ҚҮНДОҚ БЛАН АВАЙЛАБ ТУШИРАМАН ДЕБ ТУРСАМ, ЮРГАН ЙÜЛИ-  
ДА УХЛАБ ЮРГАН ЭКАНМИ, БИРДАН БОШИ ЁНБОШИГА ОҒИБ КЕТМАСМИ...  
УНИ ҲАМ ТАШЛАБ КЕЛИШГА ТҮГРИ КЕЛДИ... УША ПЕСОЧНОЕДАН КЕЙИН  
ҲАММА ИШ ЧАЛКАШ БҮЛИБ КЕТДИ. ҚАЧАН РАЗВЕДКАГА БОРМАЙ, ЎША  
ҚИЗНИНГ СОЯСИ МЕН БЛАН БИРГА, ИЗМА-ИЗ ЮРАДИ. АЖОЙИБ ҚИЗ  
ЭДИ... МЕНИНГ ҲАМ ЎШАНГА ЎХШАГАН ҚИЗИМ БОР...

ОМОНОВ НИМА ҚИЛСАНГ, ШУНИ ҚИЛ, ДЕГАНДАЙ КАПИТАНГА ТИКИЛДИ.

— МЕН СИЗГА НИМАНИ ТОПШИРУВДИМУ, СИЗ НИМАЛАРНИ ДЕЯПСИЗ?—  
ДЕДИ КАПИТАН ЗАРДА БЛАН.—

— «ТИЛ» КЕЛТИРИШ КЕРАК ДЕСАМ, БУ АЛЛАҚАНДАЙ ҚИЗ... СОЯСИ  
ИЗМА-ИЗ ДЕЙДИ!—ДЕДИ ПИЧИРЛАБ.

ОМОНОВ «ҚИЗ» МАСАЛАСИДА ИШ ПАЧАВА БҮЛИШИНИ СЕЗДИ ВА ДАР-  
ХОЛ БУНИ КАПИТАННИНГ ЭСИГА ТУШИРИШГА ТИРИШДИ:

— БУ ҲАҚДА МЕН СИЗГА ДОКЛАД ҚИЛУВДИМ... БУНИ ПЕСОЧНОЕ ҚИШ-  
ЛОГИНИ ОЛГАНИМИЗДА КҮРУВДИМ. ОҒИЛГА КИРСАМ, РАМАҒДА ЖОН БҮЛИБ  
ӘТГАН ЭКАН... ЁН ИККИ, ЁН УЧ ӘШЛАРДА... ҲАММА ӘГИ ҚОН...  
БИР КИШИ ЭМАС, БИР НЕЧТАСИ БҮЛСА КЕРАК...

— БУНИНГ «ТИЛ»ГА НИМА АЛОҚАСИ БОР?—ДЕДИ КАПИТАН.

ОМОНОВ БИРДАН ГҮДАЙИБ, ҚИСИҚ ҚҮЗЛАРИНИ КАТТА ОЧАРКАН:

— ЎЗИМ ҲАМ БИЛМАЙ ҚОЛДИМ, ЎРТОҚ КАПИТАН,—ДЕДИ ВА НИМАНИ-

дир ўйладида кейин давом этди.—Ўйлаб қарасам, ўртоқ капитан. Мен энди нима десам экан... Немисни күрдимми, ўзимни йўқотаман, ғазабим қайнайди, дарҳол ўша қиз кўзимга кўринади... Шу кунрача топшириқларни ниҳоятда совуқонлик блан бажариб келаётган бўлсам, энди бундай қилолмайман. Мана бугун ҳам яна шунаقا бўлди... Ниҳоят басавлат, ўзи ҳам менга бир яримта келади, шарпа қилмасин деб, яна хиқилдоғига қўл урипману, граната блан чеккасига сал тушириб қўярманми... бир вақт елкамга олай десам, қўллари шалпиллаб ётибди.

— Топшириқни яна бажармапсиз-да?!—деди дўқ блан капитан

Омонов бўздай оқарди, дармони қуриди. А'зойи-бадани бўшашиб кетди. У фақат узун ва бақувват бўйини кенг елкаларининг ўртасига яшириди ва гуноҳкорона овоз блан деди:

— Нима қилай, ўртоқ капитан? Ўшанда қизни қўлимга олдим. Оғилдан олиб чиқаётганимда, у кўмкук, шишадек тиниқ кўзларини очдида менга тикилди. Мана шунда мен унинг норасида кўзларидагаваб оловларини пайқадим... Кейин юмди. Шундан сўнг у, кўзларини қайтиб очмади... Уз қўлим блан кўмдим... Қабри устиди қасам ичувдим...

Омоновнинг томорига юмaloқ бир нарса келиб тиқилди. Кўзлари ялгираб кетди, нафаси бўғилди-да, сўздан тўхтаб қолди.

— Боринг, дам олинг!—деди капитан.

Омонов гўё эшиитмагандай, негадир иккиланиб тураверди. Бир зумдан кейин шаҳдам бурилди-да, блиндаждан чиқиб кетди.

Кейин, бир лахза ўтмай, у яна шошганича қайтиб кирди.

— Ўртоқ капитан,—деди у, бўғиқ товуш блан,—бир нарса эсимдан чиқибти. Ҳалиги, айтганча, бу кунгисини олиб келувдим...

— Қани олиб келганингиз қаерда?—деди капитан шошиб.

Омонов дудуқлана-дудуқлана деди:

— Санбатда. Тўғри ўша ерга олиб борувдим, докторлар бир бало қиласмикин девдим, бир сўраб кўрсангиз. Нима бўлди экан.

Капитан унинг сўзини бўлди:

— Мен сизга тушуналмай қолдим, нима қилсам бўларкин сизни? Е пиёдага ўтказиб юборайми-а?

Омонов баркашдек юзларини кулгига тўлғазиб, капитанга қарди ва деди:

— Жуда соз бўлади, ўртоқ капитан. У ерда немис учун жавобгарлик ҳам камроқ... Мен ўзим асли пиёда бопман. Энди разведка ишлалмайман... Броқ ўзимни, пиёдада юриб, советай. Разведка бўлса, кейинчалик бўлар, яна қайтиб келармиз... Ўзим ҳам шуни сиздан сўрамоқчи эдим. Қетсам бўладими?

— Боринг!—деди капитан.

Омонов чиқиб кетгач, капитан ўйлаб қолди. У ўзига: «Йўқ, бунга бироз дам бериш керак... Пиёдада бундайлардан кўп, броқ разведка учун бунақасининг топилиши қийин» деди. Кейин телефон трубкасини олиб, санбатга телефон қоқди. У ердан, Омонов тутиб келган немисни ўлди деб жавоб беришди.

АСКАД МУХТОР

## ЎНИККИ ОЙ

(Славъян эртаги асосида)

- Кимни январь қизиктирап?  
— Барчамизни.  
Уша ойда ўтказамиз арчамизни.  
— Февральничи, биласизми?  
— Бўлмасамчи!  
Том бошидан сувлар оқар томчи-томчи.  
— Март ойини қўрганмисиз?  
— Келабошлар  
Шимол ёқдан чугур-чуғур қалдирғочлар.  
— Апрель ойи эсингизда бордир озрок?  
— Шафтоли ҳам ўрук гули бодроқ-бодроқ.  
— Май ҳақида сўрамайман  
— Сўраманг ҳам.  
Бирин-кетин келар икки улуғ байрам.  
— Июнь ойин унумтанизи, қадирдонлар.  
— Кизғин пайт: бошланади имтиҳонлар.  
— Июльничи?  
— Эсимизда хушбўй боғи,  
Шириш-шакар меваларнинг пишган чоғи.  
— Августничи?  
— Дехқонларнинг армонлари,  
Лим-лим тўлар омборлари, хирмонлари  
— Сентябрь ҳам сизга...  
— Асл максадимиз.  
Сентябрьда очилади мактабимиз  
— Октябрьчи?  
— Шу-де ойнинг куз чоқлари  
Сарғаяди дараҳтларнинг япроқлари.  
— Ноябрьчи?  
— Қолишмайди биридан ҳам,  
Шу ойдадир яна битта улуғ байрам.  
— Декабрьчи?  
— Ҳамма ёкни муз қилади,

Деразага ҳархил гуллар чизилади.  
— Демак барин кўрганисизлар бирин-кетин,  
Аммо хечким барин бирдан кўрганмикин?  
Барин бирдаи кўрганмисиз?  
— Ие-ие!  
Келармиди бари бирга бутун куйи?  
— Ўн икки ой бир вақтда хеч келмаган.  
Е бири ҳам бир-икки кун кеч келмаган.

Июльдан сўнг май келганин кўрганим йўк,  
Ой тугамай ой келганин кўрганим йўк.  
Аммо бурун бунда бир киз турган экан,  
Ўникки ойнинг барин бирдан кўрган экан.  
— Ие, ие, бир ҳижоя қилмайсизми?  
— Адолатнинг эртагини билмайсизми?  
— Эшифтабмиз, айтиб беринг!  
— Айтсаммикин.  
Эски турмуш эртагига қайтсаммикин.

Бурун замон бир тул кампир бўлган эмиш,  
Юзи-кўзи ғазаб блан тўлган эмиш,  
Бўлар экан унинг эрка арзандаси,  
Суз айталмас бу кишлокнинг бир бандаси,  
Ёвуз кампир кўп бадавлат бўлган экан,  
Хизматнинг киз—Адолат бўлган экан.  
Адотлатнинг отаси йўк, онаси йўк,  
Турай деса турар жойи — хонаси йўк.  
Хечким унг ќулиб бокмас шафқат блан,  
Мехнатини тақдирламас раҳмат блан.  
Кампир уни қайтакларат, тепкилатар,  
Арзандасин кеча-кундуз эржалатар,  
Адолатхон, асло одом олмас экан,  
Кишин-езин ишдан сра толмас экан.  
Ялангоёк ўтин тошир қахратонда,  
Тер арткали вакти бўлмас сараторонда,  
Шидир-шидир сувлар оқса баҳорларда,  
Адолатхон гилам ювзар анжорларда.  
Куз шамоли барг тўқади килиб ўни,  
Адолатхон сүғиради ҳовуз бўни.  
Сахар туриб хайдаб кетар кўйлаши,  
Сунгра келиб тозалайди уйларини.  
Хечким унг ќулиб бокмас шафқат ялан,  
Мехнатини тақдирламас раҳмат блан.  
Арзандаси атлас-кимхоб кийганида,  
Новват блан парвардалар еганида,  
Шум кампирнинг назаридан қўрқиб-пусив.

Адолатхон нон тишлайди юзин түсиб,  
Бой кизлари байрам килар пайт-пайт  
Адолатга на байрам бор ва на хайт.  
Ба'зан кампир хурсандчилик пайларда,  
Ба'зи катта байрамларда, хайитларда,  
Адолатни урмас эди, тегмас эди.  
Арзандаси рашк килар, севмас эди.  
Адолатни йўқ килсаю шу замонда,  
Ўзи ёлғиз эрка бўлса хонадонда.  
Шу мақсадда эрка бир кун ётиб олди,  
Хилла блан касалликка ўзин солди.  
Ташқарида изғирин ёл эсар эди,  
Қиши совуғи теккан ерин кесар эди.  
Онани ҳам, табиби ҳам сўкди касал,  
Хилла блан кўз ёшини тўқди касал.  
Хонадоннинг остин-устин қилди кампир,  
Хизматкорлар калтакни ҳам еди бир-бир.  
Адолат ҳам кечалари ухламади,  
Арзанда киз хизматидан тўхтамади.  
Хеч мувофик дори-дармон топилмади,  
Арзанданинг сра оғзи ёпилмади.  
Қаймоқ деди, қаймоқ топиб келтирдилар,  
Янггоқ деди, янггоқ топиб келтирдилар.  
Майиз деди, қовун деди, асал, анор,  
Арзанданинг истагани бўлди тайёр.  
— Яна кўнглинг нима истар, тилло кизим,  
Ширин кизим, ҳарнарсадан а'ло кизим.  
— Кўпдан бери тансик томок кўрганим йўқ  
Кўк ялпиздан сомса килиб берганинг йўқ.  
— Бўлар, кизим, ҳарнарсанинг вакти-жойи,  
Кўк ялпизни кайдан топай январь ойи.  
— Бир ялпиз ҳам топилмаса сўраганда,  
Адолатга муҳаббатинг зўр эканда?  
Улдирмоқми мақсадингиз яккалатиб,  
Колдирмоқми Адолатни эркалатиб?  
Арзандаси дод деб ўзин урди ҳарён,  
Кўк ялпизни қайдан топсин, кампир ҳайрон.  
Аммо дарҳол Адолатни ҷақирди у,  
Ялпиз топиб келгин дея бақирди у.  
— Январь ойи кўк ялпизни қайдан топай,  
Изғиринда қайга бориб, қайга чопай?  
Она-бала кичкирдилар унга шу чоқ:  
— Кўп гапирма, ол саватни, ҳаром томоқ

Ярим кеча, изғиринда излаб ялпиз,  
Адолатхон чикиб кетди ўзи ёлғиз.

Совук бўрон тўзғир эди қиши елидан,  
Қорга ботиб дам тизидан, дам белидан.  
Адолатхон кўз очолмай юрди ҳамон,  
Котиб қолди биёбонга чиккан замон.  
Коронгида бир жонивор овоз қилмас,  
Изғиринда парранда ҳам парвоз қилмас.  
Биёбонни босиб ўтди, тоза ҳориб,  
Тўхтади у бир ўрмонга етиб бориб,  
Ўрмоннинг ҳам дарахтлари яланғочлар,  
Совуқликдан карсиллайди қайрағочлар.  
Қора ўрмон даҳшат блан унга боқар,  
Ичкарида шовқун солиб дар'ё оқар.  
Дар'ёнинг ҳам кирғоғида қор блан муз,  
Қаҳратонда қандай ўссин бунда ялпиз.

Тураг экан боши қотиб у танглиқда,  
Катта гулхан ялтиради яланғлиқда.  
Алангаси дарахтларга чирмашади,  
Тутунлари осмон блан бирлашади.  
Атрофида тўпланишиб аллакимлар,  
Оксоколли бир кексанинг сўзин тинглар,  
Санаб кўрса ўн иккита ғодам экан,  
Ҳаммалари бир-бирига ҳамдам экан,  
Кекса тўрда подшо каби ўлтирипти.  
Оксоколи этагини тўлдирипти.  
Кекса айтар:

Түн шамолин  
Изғитаман,  
Жаҳон бўйлаб  
Кор бўронин  
Тўзғитаман.

Шу орада Адолатни кўриб қолди,  
Аҳволини сезиб ундан сўраб қолди:  
— Нега келдинг, ҳай кизалоқ бу бўронда?  
Сават блан не қиласан бу ўрмонда?  
— Мени бунда юбордилар кўк ялпизга,  
— Ким юборди, қайси золим, айтгил бизга?  
— Хўжайним, арзандаси касал эди,  
Тилагани доим қанду асал эди,  
Мана бугун ялпиз сомса тиладилар,  
Ялпиз топ, деб, мени уйдан кувладилар.  
— Келтиринглар ўт ёнига ўтқазамиз,  
Кенгашайлик қизни қандай қутқазамиз?  
— Буродарлар, ошнамиз ку ўзимизнинг!

Орамизда ким кўрмаган ушбу қизни?

— Мен кўрганман сув бўйида кир ювганин;

— Мен кўрганман далаларда мол қувганин.

— Том бошини шуваганда кўрганим бор;

— Қопга ўтин тўлдирганда кўрганим бор;

— Мен кўрганман хаizonларни супирганда.

— Мен кўрганман хирмон пойлаб ўтирганда.

— Мен танидим, — деди кекса, — ушбу қизни.  
Аммо кайдан тониб берсак кўк ялпизни?

— «Эй ҳурматли оға!» — деди бир қанчаси  
Чолга караб сўз бошлади ўртсанчаси:

— Қарши бўлмас акамлар ҳам, укамлар ҳам.  
Бериб туринг ўрнингизни менга бирдам.

— Жуда тўғри оғайнимиз Майнинг сўзи,  
Январь оға нима дейди энди ўзи?  
«Майли» деди, чол ҳам очиб чиройини,  
Бир соатга бериб турди ўз жойини.  
Май ўтириди бу ўринга подшосимон,  
Бахор бўлиб яшнаб кетди бутун ўрмон.  
Май айтади:

Яшина олам,  
Очил гуллар,  
Ҳунебўй хидлар  
Тарқатингиз  
Майнин еллар.

Адолат ҳам саватини олиб кўлга,  
Бахмал каби сой бўйидан тушди йўлга.  
Ялпиз деса, ялпиз тўла, тул деса гул.  
Сават хушибўй ялпиз блан тўлди буткул,  
У ўн икки буродарга раҳмат айтиб,  
Шод қўшиқлар айта-айта кетди қайтиб,  
Ўйга қадар ёй ёритди унинг йўлин,  
Гул-чечаклар безаб борди ўнгу-сўлин.  
Кўйган замон остонаята оёгини,  
Яна совуқ қор босипти ҳар ёғини,  
Боягидай изгирин ел эсар эди.  
Киш совуғи теккан ерин кесар эди.

Кириш блан кичкирдилар жампиру-қиз:

— Қайда эдинг, харом томок, қани ялпиз?!

Ўйнинг ичи- ялпиз хиди блан тўлди,  
Жампир блан арзандаси ҳайрон бўлди,  
Кўк ялпизни тўрга ёйиб ташлади у.

Күрганларин бир-бир айтабошлади у.  
Кампиру қыз буни тинглаб боши котар,  
Ишюнмаса, қаршисида ялпиз ётар.

— Сенга улар бошқа нарса бермадими?  
Е берса ҳам бизга олиб келмадингми?

— Мен уләрдан бошқа нарса сүрганим йўқ  
Кўк ялпиздан бошқа нарса кўрганим йўқ.

— Ахмок! Бирдан ўникки ой кўрган ахмок!  
Келиб-келиб бир кўк ялпиз сўрган ахмок.  
Арзандаси Адолатни карғаб кетди.  
Онасидан ортироқ у таҳқир этди.

— Бу пасткашини алдабтилар тоза боблаб,  
Узим бўлсам келтирадим қоплаб-қоплаб;  
Биттасидан бир қоп олма ғолар эдим,  
Анорларни босиб-босиб солар эдим.  
Биттасидан ковун-тарвуз тилар эдим,  
Қисқаси мен не олишни билар эдим.

— Кани менинг, ақиллигим, ўзинг кетгиш.  
Улар сени алдаюлмас, тезрок етгиш.

— Ҳай онажон, иккиавимиз югурайлик,  
Кўни-кўшни турганича улгурайлик.  
Апил-тапил чикиб кетди кампиру-қиз,  
Адолатхон уйни пойлаб колди ёлғиз.  
Ташкарида изғирин ел эсад эди,  
Киши совуги теккан ерин кесар эди.  
Кампиру-қиз кўз очалмай юрди ҳамон,  
Қотиб колди биёбонга чиккан замон.  
Коронгида бир жонавор овоз қилмас,  
Изғиринда парранда ҳам парвоз қильмас.  
Биёбонни босиб ўтиб, тоза хориб.  
Тўхтадилар бир ўрмонга етиб бориб.  
Қора ўрмон даҳшат блан бокар эди.  
Ичкарида катта дарё окар эди.  
Туардилар бош қотириб, кўп танглиқда,  
Катта гулхан ялтиради яланглиқда,  
Алангаси дарахтларга чирмашади.  
Тутунлари осмон блан бирлашади.  
Атрофига тўпланишиб аллажимлар,  
Оқ соколли бир кексанинг сўзин тинглар,  
Санасалар ўн иккита одам экан,  
Хаммалари бир-бирига ҳамдам экан.  
Кекса тўрда подшо каби ўлтирипти,  
Оқ соколи этагини тўлдирипти.  
Шу орада у буларни кўриб колди,  
Хайрон бўлиб «не керак?» деб сўраб қолди  
Кизи деди:

— Мева беринг бизга қоплаб,  
Мана қанор, тұлғизингиз буни боллаб.

— Мен сизларни танимайман, күрганим йүк.  
Мен дунға хұжайинман, қилмангиз дүк.

Ойлар айтди:

— Танимаймиз сизларни биз.

Күрмаганмиз бунинг каби қызларни биз.  
Январь айтди:

Тун шамолин  
Изгитаман,  
Жақон бүйлаб  
Кор бүронин  
Түзғитаман.

Корли бүрон түзғиб кетди, қронғи туң.  
Йұлларни ҳам бүрон күмиб кетди бүтүн.  
Кампиру-қызы адашдилар, музладилар,  
Туны блан кишелокка йұл изладилар.  
Шундан бери шум кампирнинг үзи ҳам йүк  
Қызы ҳам йүк, зақарханда сұзи ҳам йүк.  
Адолат ҳам күрмай зулм захматици,  
Яйраб-яйраб қилас эмиш меҳнатини.  
Ҳали-хали баҳтли экан, бардам экан.  
Ұн икки ой доим унга ҳамда экан.

## ҲАМИД ҒУЛОМ

### ВАТАН ЭСЛАСА

Менга дединг: ўлим зарурат,  
Гул умрни узади ногох.  
Үнга қарши чора йўқ, фақат  
Келганида, деб қоламиз оҳ!..

Пўк, азизим, ўлимлар борки,  
Юз саналик умрдан улуғ:  
У — дун'ёнинг шавкати, кўрки,  
Чунки жанг ва ижодга тўлуг.

Истар эдим, Валиев каби  
Ватан тупроғига қўйсам бош;  
Истар эдим, Набиев каби  
Ёд этилсам гўёки куёш!

Қарғамаса меҳрибон онам,  
— Заб ўлди... деб ёрим кулмаса!  
Ўғилларим ёд айлаган дам,  
Эл олдида изза бўлмаса!

Дастурхонлар устида мени  
Эслаганда меҳрибон дўстлар,  
Бир совуклик босиб ўртани,  
Ерга караб қолмаса кўзлар! ..

Ҳаммадан ҳам истар эдимки,  
Шу ота халқ, шу она Ватан  
Унутмаса тамоман; балки:  
— Ўғлим эди, деб қўйса ба'зан! ..

## СЕНИНГ МАҚТОВИНГ

Күкимга яркираб күёш чиқади,  
Бошимга меҳрибон баҳт қуши құнар;  
Айрилиқ тоғини висол йикади,  
Күнгүл гулзоримда чечаклар унар.

Чунки сен келасан күёшдай кулиб,  
Чунки сен келасан толе' қушидай,  
Чунки сен келасан чиройға түлиб,  
Шоирнинг тонг өфи күрган тушидай.

Узокдан товшингни әшитганим он,  
Үнитилар күйингда чеккан ташвишим.  
Йироклар, яқинлар, ер ва осмон  
Мени табриклайди гүё ўз кишим.

Сен блан ўтган кун мен учун байрам,  
Ўсади юрагим, яшнайди ўйим.  
Нозанин илхомим бўлади ҳамдам,  
Сен блан ўтган кун — энг улуғ тўйим.

Шодликсан, севгисан, қўшуксан, куйсан  
Вафосан, ҳаёсан, ҳуснсан, ҳаёт...  
Ёшликсан, орзусан, маст килган ўйсан,  
Энг дилбар ше'римсан, — бутун коинот! . . .

А. РАҲМАТ, Я. ЧЕПИГА

## СОҚОВ БОЛА

Бизнинг эшелонимиз немислардан озод қилинган бир станцияда тұхтади ва биз шу ерга тушдик. Водокачка ёнидаги сершох қайын дараҳтлари соясыда овқат қилиш учун тұпландик. Биз ўтирган ердан беш-олти қадам нарида ёши 13—14 чамасыда икки бола ишламакда эди. Улардан бирининг қопқорайыб кетган камзулининг күкрапатында қызыл Юлдуз ордени, иккىнчи сининг күкрагида эса, «Жасурлик учун» медали ялтираб күриниб турады.

Биз бу ёш қаҳрамонлар блан сүзлашиш учун, уларни ўз ёнимизга, биз блан бирга овқат қилишга чақырдик. Қызыл Юлдуз ордени таққаны, күриниша қовоғи солиқ бола, кулимсираб бизга қаради ва икки құланиң күкрагига құйиб, та'зим қилды. У, бу блан ўзининг миннатдорчилегини билдириди. Биз дархол тушундик: бола соқов экан.

Иккінчи бола, бизга орден блан қандай мукофотланғанликларини сүзлаб берди.

Серёжа Астахов ва Володя Бережной уруш бошланмасдан илгари темирийл ұнар мактабида ўқыр эдилар. Немислар жуда тез келиб қолгани учун ҳам, уларнинг мактаби мамлакатнинг ичкари томонига күчирилмай қолған эди. Серёжанинг отаси фронтта кетди. У, онаси блан қолди.

Күнлардан бир куни, Серёжа құшни ўртоқлари блан ўйнаб, уйға қайтиб келганды, онасини ташвишланиб, хафаланиб ўтирганини күрди. У, онаснинг ёнига борганды онаси уни құчоқлаб товушнинг борича ҳұнграб йығлайбошлади. Немис коменданти Серёжага тезликда комендантуға етиб келишни буюрган—чақыриқ қофози юборған экан.

— Мен немислар учун ишламайман, ўлдирсалар ҳам бормайман,—деди Серёжа.

У онаснинг құлдан қақыриқ қофозини олиб, ўртоғи Володя Бережнойнинг ёнига юрганыча кетди. Ўртоғи Володя ҳам унга немис комендантиның худдуи шундай қақыриқ қозоғини күрсатди.

Болалар узоқ вақтгача сүзлашиб ўтирди. Сүнгра Серёжа уйға қайтиб келди ва онасига Володя Бережной блан бирга уларнинг қишлоқдаги қариндошлариникига кетажагини айтди.

Иккінчи куни улар шаҳардан жуда узоқлашиб кетген экан.

Улар фақат кечга яқин қалин ўрмон блан ўралган бир кичкинагина қишлоққа етишиб келди. У ерда бирнеча кун ўткандан ке Серёжа Володянинг отасини кўрди ва уни партизан отрядида эканни билди.

Орадан икки ой ўтди. Серёжа блан Володя партизан отрядининг энг яхши ва синалган, ишончли разведкачиларидан бўлаб колишиди. Улар ўрмонлар ичидағи ҳечким билмайдиган сўқмоқ йўлларни, маҳфий хилват жойлабни, чуқур форларни, худди ўрмон қушлари каби сайрашни, портлатиш ва қўпориш ҳунарини ўрганиб олган эдилар.

Кунлардан бир куни Серёжани партизанлар отрядининг штабига чақирилар. Отряд командири Серёжага:

— Тулпорим, ишлар қалай, разведкадан сўнг дам олдингми?— деган саволни берди ва уни эркалаб қарши олди.

— Мен чарчаганим йўқ—деб жавоб берди хотиржамлик блан Серёжа.

— Сен менинг сўзларимга яхшилаб қулок сол ва айтганларимни эсингдан чиқарма—деди ва Серёжани ўзига яқинроқ келишга имо қилди—Ўрмон ичидағи ялангликни, я'ни «Стадионни» биласанми?

— Ха, жуда яхши биламан—деди Серёжа.

— Шу бугун кечаси, ўрмон ичидағи ўша ялангликка олтида парашютчи тушади. Улар блан бирга самолётдан яроғ-аслача ва ўқ-дори ҳам ташланади, яроғ-аслаҳаларни форга бекитиб, сўнгра парашютчиларни ўша маҳфий йўллар блан Мостовойнинг уйига— отрядига олиб боришинг керак. Тушиндингми?—деб сўради командир.

Серёжа командирнинг сўзларини дона-дона қилиб тақрорлади.

— Мостовойдан хат олиб, хатни бу ерга, менга олиб келасан, бирон фалокат бўлмасин, хат мутлако немисларнинг қўлига тушмаслиги керак. Сен разведкачиларимиз ичидаги энг ишончли бўлганинг учун ҳам, бу нозик вазифани сенга топшираётиман. Башарти хат немислар қўлига тушгундай бўлсами, ишимиз хароб бўлади. Гап шундай, сен ҳечқандай қурол олма! Гўё сен Криллов қишлоқли деҳқон боласисан. Бу тўғрида Бережнойнинг катта бувисини ҳам огоҳлантириб қўйилди.

— Ҳаммадан ҳам муҳумроғи—деди командир, овозини жуда пасайтириб ва ердаги чучмомани юлиб олди,—сенинг маҳфий исминг (паролинг) чучмома, агар ўрмон ичидаги сенга бирон одам кўриниб қолса, сен «буғун ҳаво жуда яхши бўлибдими» деб қўяссан, агар сенинг бу сўзингга; «яхши бўлганда қандай, қуёш ўрмон устида турибди» деган жавоб бўлса, тушунавер. Улар ўзимизники бўлади.

Командир Сережанинг елкасига қўлини қўйиб, унинг кўзига тикилди ва:

— Ҳўп, ўғлим, қани йўлга тайёрлан, парольни эсдан чиқарма, —деди.

Серёжа топшириқни такрорлади ва чиқиб кетди. Кечка яқин мон ичидаги стадионга етиб борди ва худди чучмома териб юргандай ўрмондаги майдонни аста-секин күздан кечириб чиқди.

Шун ойдин. Ҳаммаेқ худди ҳаётдан асар йўқдай, типтинч эди. Серёжа қалин ўт устида ўтириб, атрофларни кўздан кечирав, улаб қолмаслик учун кўзларини ишқалар эди. Уйқу кучлилик қўлдими, у бироз мизғиб қолди. Аммо бирнеча минутдан сўнг қўрқини ишида үйғонди ва кўзи олдида аллакандай нарса тургандай бўлди. Шунда ўрмон ичи унга жуда ҳам қўрқунчли бўлиб кўринди.

Ниҳоят самолёт моторининг овози, унинг уйқусини очиб юбарди. Самолёт ўрмон ичидаги яланглик устида бир минутча айланиб юрди-да, яна учиб кетди.

Серёжа тонг ёришаётган пайтда ўрмон ичидаги ялангликни кесиб ўтди ва шабнам тушган ўтларда изини қолдириб, кечаси парашютчишлар тушган томонга етиб борди. Фор бўйида уни калта камзулди, чипта кавуш кийган ва қўлида катта ойболтаси бор бир юл кипи кутиб олди.

— Салом ота!

— Салом йигитча! Йўл бўлсин,—деди чол.

— Ҳугун ҳаво жуда яхши бўлибдими? Чучмомаларни қарангга,—деди Серёжа.

— Яхши бўлганда ғандай, қуёш худди ўрмон устида тургандай—деди ўбл.

Чол дарҳол пайқади. Серёжа ҳам чолнинг юзида аллақандай ўзариш ҳосил бўлганини сезди.

— Юр, ўғлим, бизникига, бориб дам олгин, менинг ишим зарур,—деди чол.

Қуролланган етти партизан оғир қадамлар ташлаб хилват ва сўқмоқ йўллардан юриб, Мостовойнинг отряди бормоқда, улардан юз қадамлар чамаси илгарилаб, йўл кўрсатиб Серёжа кетмакда.

Уларни партизан отрядининг командири Мостовой кутиб олди. У Серёжани кўтариб, узоқ эркалади. Кучли ва катта қўли блан, унинг пешонасини силади.

Эрталаб, кичкина хитой қоғозга ёзилган хатни олиб, Серёжа Астахов қайтиб кетди. У Богданово қишлоғига келганда, автомашиналарнинг гувуллаган овозини, хотин-халажларнинг дод-фар'ёд чекаётганларини ва аҳён-аҳён отилиб турган ўқ овозларини эшилди.

— Бу немис итваччаларининг жазо отряди бўлса керак,—деб ўйлади Серёжа. У чапга бурилди, ўрмон ичидан борди. У ўрмон ичидаги кичкина анҳорчадан ўтмакчи бўлиб турганида унинг олдида худди симёғочдай ғўдайиб, автоматларини ўқталганлари ҳолда беш немис солдати турарди.

«Қочсаммикан» деган хаёл Серёжанинг бошидан ўтди.

Энди қочиб бўлмайди, чунки беш автомат унинг кўкрагига ўқталиб турибди.

Одамни кўриб, бироз жим тургандан сўнг ҳужум қилган оч бўрилар каби, немислар ҳам бир минутча хўмрайиб турганларидан

кейин Серёжани ўраб олиб, тинтий бошладилар. Бирдан, бир немис бақириб қолди. Шунда уч немис Серёжага қараб ташланди. Болалар нозик томоғини немисларнинг ифлос панжалари қиса бошлади, Серёжанинг кўзлари қинидан чиққандай бўлиб, катта-катта очилди. У, ўзининг нозик қўлларини томоққа ёпишган ифлос қўлларга узатар ва ерда типирчиланар эди. Шу вақт бирин-кетин икки мушт унинг бошига тушди, у хушдан кетган ҳолда ерда бирнече марта юмаланди.

Немислар ерда ҳолсизланиб ётган Серёжанинг оғизларигача тинтиб кўришди. Ҳар қанча қидирсалар ҳам, унинг оғзидаи хатни топаолмадилар.

Серёжани жазо отрядининг штабига ҳайдаб келиб, ундан сўроқ қиласбояшладилар.

Улар ҳарқанча сўраса ҳам, Серёжа чурқ этмади.

Шунча сўроқлардан кейин ҳам ҳеч иш чиқазаолмаган бадбуруш немис офицери қўлидаги ингичка ёғоч ҳассача блан этигининг қўнжига бир икки урдида, қалин қошларини чимириди. Бу майор фон Вальдманнинг «отилсин» деган, ҳаммага ма'лум ишораси эди.

Шу вақт майор Фон Вальдманга унинг муовини мурожаат қилди.

— Жаноб майор, мен сизга қуйидагиларни айтишни, яъни бу рус боласини, ҳаммага ибрат бўлиши учун, тилини кесибни сўрап эдим. Майли айтмаса, айтмасин, жазосини берамиз—дедида у ҳам майор каби ишора қилди.

Ялангоёқ, бош яланг, узун йиртиқ кўйлакли бу болани қоровул блан ҳайдаб аллақаёққа олиб кетдилар. Серёжанинг юзлари кўкарган ва сўроқ вақтидаги калтак зарбида пешонасидан оқсан қон унинг кичкина бетларida котиб қолган эди. Унинг ёрилган лабларининг оғриғи яна ҳам азбларди. Боланинг кўкрагига «Партизанлар блан алоқада бўлган ҳар бир кишининг тили мана шу боланинг тили каби кесилажак» деган сўзлар ёзилган тахтача осилган эди.

Немис солдатлари уйма-уй юриб, зўрлик блан ҳайдаб келтирилган одамлар мактаб биносига қараб бормоқда. Серёжани мактаб залидаги тош зинапоянинг бурчагига тикка қилиб, турғизиб қўйган эдилар.

Майор зинапояга чиқаётганида Серёжанинг лаблари қалтиради, кўзини қаттиқ юмди шу онда унинг кўзларидан беш-олти томчи ёш бурни ва юзидан юмалаб ерга тушди. Аммо боланинг авзойи бирдан ўзгариб кетди. У эгилган бошини бир юқори кўтардида, узундан узоқ уҳ тортиб олдинга интилди. Чунки унинг олдида бошқалардек Володя Бережной ҳам тиззаси блан чўкка тушиб ўтирап эди.

Фон Вальдман бир қадам олдинга ташланди ва қўлидаги ҳасса ёғоч блан соқов болани кўрсатиб:

— Ҳамма партизанлар ҳам, худди мана шундай жазога мубтало бўлажак,—деди.

Хотинлар бошларидаги рўмолларининг учи блан кўз ёшларини

артдилар. Майор қотма қўллари блан ҳассани қаттиқ ушлагани  
да, ранги гоҳо бўзариб, гоҳо оқариб сўзида давом этарди.

Шу вақт аламон ўртасидан кучли ҳуштак овози эшитилди.  
Волдя Бережной тиз чўкиб ўтиргани ҳолда майорни қоқ пешона-  
сидан отиб ташлади ва Серёжанинг кўйлагидан тортди. Биринчи  
ўқ овозидан сўнг аламон ичидан автоматдан суринкасига отилган  
ўқ овозлари эшитилди.

Мактабга қараб ҳар томондан партизанлар югуриб келарди.  
Жаллодлар эс-ҳушини йўқотиб, шошилиб қолди. Қасос олучилар-  
нинг мўлжаллаб отган ўқи уларга бориб тегарди. Юзлари оппоқ—  
оқарган ва конга беланган, соқов бўлиб қолган Серёжа немислар-  
дан қандай ўч олинаётганини ўз кўзи блан кўриб турарди.

Каунас 1941 йил. Ноябрь

### Ш. СА'ДУЛЛА

## ОЙНОЗИК

(Очерк)

Торни черта-черта бармоқлари мута бўлган бахши, Ойбарчин хақидаги қўшиғига созлагач дўмбирасини тўсатдан шундай сўзлар блан бошлайди:

Мен ўтмишдан сўйлайин,  
Ойбарчинни куйлайин,  
Достон айтай Ойнозикдан,  
Пахтаси мўл бой Нозикдан.  
Шерободда туғилган қиз,  
Шунда ўсган, гувоҳи биз,  
Ойбарчиндай савлати бор,  
Колхоз деган давлати бор,  
Бой колхознинг у эркаси,  
Қулоғида бор сиргаси,  
Сочларида кумуш попик  
Ўзи тилла қиз—Ойнозик...

Бахши қизни Ойнозик деб атайди. У, дўмбирали черта-черта қизнинг мақтовини адо қилолмайди.

Юзи қораҷадан келган, ўрта бўй, бошида енгилгина рўмол, бўйни тўла нуқра баргак, устида қизғим чопон, оёғида ковуш—Ойнозик қора ўтовдан чиқиб аzon блан далага боради.

Ойнозик ким? Нима учун унинг номи Ойнозик? Нечун бахши унинг тўғрисида юракдан куйлайди? Нечун уни Ойбарчинга таққослайди?

Ойбарчин кўчиб келган эл Шеробод яйловлари эди. Ҳатто унда Алломиш қамалган зиндан ҳанузгача мавжуд. Алломиш ва Ойбарчи дистонлари қўнғирот эли ва юрти блан боғлиқ. Ойнозикчи? Бунинг ҳам асл наасаби қўнғирот—Ойбарчин эли. Қишлоғи эса Фамбур деб аталади.

— Биз Ойбарчин авлодимиз!—деб гапиришади улар.

«Ойнозик» бахшининг ўз қўшиқларига созлаган оти. Аслда эса ~~сўйи~~ ўзга—Нозикой Бўриева.

Бу аёлни Фамбур қишлоғидагилар эмас, бутун Шеробод, бутун Сурхондарё водиси ва ҳатто бутун Узбекистон билади.

1945 йилда у, Ленин ордени блан мукофотланди. Унинг шуҳра и ҳар гектар ердан 64—65 центнер тоза ипак пахта бергани блан майдан водийга ёйлди.

Нозикой Бўриева бунча ҳосилни қандай қилиб олди? Пахтакор аёлнинг тарихи нечук?

1945 йил.

Нозик Бўриева бошлиқ 6 одам 3 гектар ерга меҳнатини сингдиришга киришди. Звено бошлиғи Нозик, ўзининг звено бошлиғи бўлган икки йиллик иш якунларини ўйлаб чиқди! Ютуқларни бир паллага, нуқсонларни иккинчи паллага солиб, ақл тарозусида тортиб кўрди. Муваффақиятларни ошириш, нуқсонларнинг илдизини кирқиш йўлларини ўйлади. Ўйлай-ўйлай бир нуқтага келгач, ишга тушди. Иш шундай бошланди:

Ғўзапоя юлиниши блан, ер трактор блан ҳайдалди. Кетидан чиллада яхоб суви берилди. Нозик айтганча, яхоб суви берилганда кесак майдаланади, қурт-қумирсқа ўлади.

Звено а'золари тинимни билмайдиган кишилар эди. Улар чумомиллардек уйдан далага гўнг ташишди. Дала бир сидра гўнг блан қоплангаёт, устидан тупроқ тўкилди. Бу блан тупроқ гўнгни бекитиб, ўтигининг ҳамма кучи ерга сингди, ер ҳам бу қудрат шарбатини эмисб, яхши етилабошлади.

Кўклам келмоқда эди. Бу энг муҳим ва асл пайт эди. Бир соатни қўлдан бериш—бир пуд ҳосилдан бебаҳра бўлиш деган гап эди.

Кеч ишдан қайтаркан, Нозикой колхоз раиси Болтаевга мурожаат қилди:

Юринг, Яланг Отага бир чиқайлик!

Раис, узоқ йиллардан бери уйқуда ётган Яланг Ота тепасига кўз ташлади. Бу тепа ҳар икки сұхбагдошга алланечук жозибадор кўринди.

— Юр, қизим,—деди раис.

— Шу тепа тупрогидан еримга тўксам, нима дейсиз?

Нозик ерига ёндошган бу тепа, қулоғидан аллаким тортгандай ва у, уйқидан турмоқчидай бўлди.

— Жуда соз!—деди раис, раисгина эмас, тепанинг ўзи ҳам худди шундай дегандай бўлди.

Тепа жуда катта бойлик—хазина эди. Шунинг учун ҳам унинг тупроғини қўлида уқалаб кўрган киши:

— Азот бўлиб кетган-а! — демай, иложи йўқ эди.

Эрта тонгдан кечгача, колхоз қишлоғи тепага келиб, уни оғдарди, қопларда, замбилғалтак ва носилькаларда далага ташишди.

— Уч йилда тепани кемириб ташлаймиз,—деди Нозикой.

(Дарҳақиқат, тепа келгуси йил тамом ташилиб, сўнг ярим гектардан мўл, янги зўр ер очилади).

Кўклам келди. Звено ерига отоқли тракторчи Рўзиев пўлат отини ҳайдаб кирди. Ер, яна икки бор от плуги блан ҳайдалди.

Шеробод ерларининг ўзига хос хусусияти бор. Ранги қизириш тупроқ — қаттиқ, лекин ўзи яхши, серунум.

Бунда ишнинг кўзини билган одам муродига етмай қўймайди.

Нозик Бўриева ерларни ҳайдатиб, ҳар ҳайдашдан сўнг, келганда, өткалоқни ээдиргани мола солдириди. Мартнинг ўнсаккитига олдилар, қолганлар экилган чигит устига чанглаб гўнг солиб бордилар. Гўнг солинганда, чигитнинг усти ёмғир ёққанда қотиб қолмайди, бу гўнг чигитнинг ўсицига имкон туғдириш блан, унга куч ҳам беради. Тез ундиради ҳам.

Чиндан ҳам фўза тез кунларда униб чиқди. Звено, ер зўрлигидан иккитадан фўза қолдириб, бир ярим кун деганда ягана қилиб чиқди. Апрельда ягана кетидан оқсой солиниб биринчи чопиқ ўтказилди.

Кунлар исиди, ер қизиди. Фўза сув талаб бўлиб қорайганда агат олиб, азот сепилди-да кетидан сув берилиди. Сув шундайича бостирилиб эмас, балки жилдириатиб, агротехника кўрсатган най усулида қўйилди. Бунга 3 кун вақт кетди. Ернинг нами 80—85 сантиметр чуқурликка етди.

Тўғриси, фўзанинг парвариши жуда зўр ва қийин бўлади.

Сувдан сўнг бироз вақт ўтгач, культиватор, оқсой солиб 20—18 сантиметр чуқурлиқда чопиқ ўтказилди. Ер қизиб, об-ҳаво фўзани чанқатар ва шунга қараб об-тобида сув бериш керак эди. Шарбат суви ҳам шу зайилда фўза баданига сингдирилди. Намлик ўлчаб турилди ва шунга қараб фўзанинг сувга қонганлиги аниқланди.

— Ер —кўримсиз, меҳнат талаб, серchanқоқ ва ўтлоқ. Ажриқ ва печак ўтлар таг-томири блан юлиб олимаса фўзага маҳкам ёпишиб олиб, бўғиб ташлайди.—Нозик Бўриева ерида ёввойи ўтларга жой бўлмади.

Фўзани кўз қораочуғидай асрароқ, чақалоқ сингари парвариш қилмоқ керак. Нозик Бўриева 5 бор чопди, 6 бор сугорди, 5 марта культивация, 5 марта оқсой солди. Икки бор чилпиш ўтказди.

Август ойида бўйчан фўзаларга суперфосфат сепилди. Бу чора фўзани ўсишдан кўракка — ҳосилга ётқизди.

Пахта ерига маданий ва маҳаллий ўғит сепилар экан, ҳар доим ернинг хусусияти, ўғитнинг кучи, сепишнинг ма’лум майдонга бир текис сепилиши каби агротехника чораларига қаттиқ амал қилинди.

5—ничи чопиқ ўтказилар экан, фўза шоналарини тўкиб юбармаслик учун кетман дасталари калта қилиниб, юпқа чопиқ ўтказилди.

Звено фўзани доим кечаси сугориш тажрибасидан фойдаланди, чунки сув кундуз исиб кетган бўлиб, кечаси об-тобига келади.

Яхши парвариш натижасида ҳар тунда 25—30 тадан 60 дона-гача кўрак ҳосил қилган фўза ўткан йилга қараганда 6 кун илгари теримга тайёр бўлди—пахта 15 августдан очилабошлиди.

Пахта териб адо қилиб бўлмайдигандай бўлиқ. Бу—Нозикнинг баҳти эди. У ипак пахта териб чарчамади. Ипак пахта ҳам ҳосилда, ҳам теримда ва бошқа парваришларда амеркан пахтадан икки ҳисса ошиқ туради. Нозик ва шериклари сезонда 4000 дан 4800 килограммга етказиб ипак пахта теришиди. 600 гача ет-

келиб меҳнат куни ишлашди, звено 24000 сўм қўшимча даромад оли. Колхоз ҳар меҳнат кунига 1310 грамм ғалла ва яна бошқа хия махсулот улашди.

Нозикой Бўриева фидокорона меҳнати учун колхоздан мукофотлар олиб турди. Зўй, 2 рўмол, газлама, 1.500 сўм пул, чой ва ҳакозалар унинг турмушига яради.

Будар ҳаммаси—1945 йилнинг киссанси ва унинг самарали хиссаси.

Узбекистон пахтакорларининг III қурултойида бўлиб, ўртоқ Сталинга ёзилган мактубга қўл қўйиб қайтган Нозик Бўриева бу нил ишга янада қаттиқроқ берилди. У, область пахтакорлари кенгағида: бу йил ҳар гектар пахта майдонидан саксон центнердан пахта бериш мажбуриятини зиммасига олди.

Нозик Бўриева бу пазифани бажариш ишига киришар экан, аввалгидай—ўтган йил тажрибаларига мурожаат килди. 1945 йилда пахта майдони 20—25 сантиметр чуқурликда ҳайдалган бўлса, бу йил 28—30 сантиметр чуқурликда ҳайдатди. Шудгорғатигига, ер остида гектарига 30 тоннага етказиб маҳаллий ўғит солди, чигитлар устига сепгани ҳар гектар ер бошига 6 тоннадан гўнг омборини вухдуга келтирди.

Бунга қандай эришди?

Нозик звено бошлиғи бўлган «Социализм» колхози Шерабоддан атити ярим чақирим нарида, Шерабодда эса, гўнг кўп, алла маҳаллардан бери унда-бунда гўнг тепалар пайдо бўлиб қолган.

Нозид Яланг Ота тепасини қиртишлаш блан чекланиб қолмади, у, колхоздаги 80 эшакни ишга солиб, бола-чақаларни ҳашарга чақирди. 5 кун муттасил Шерабоддан маҳаллий ўғит ташиб ерига тўқди. Бундан ташқари, майдонга фосфор солди, иш кўнгилдаги-дек бормоқда.

Шундай қилиб, Нозик Бўриева бу йил янги сорт уруғ экди.

— Бу йил ҳам сўзим устидан чиқаман,—деди Нозик,—мен блан курашиб кўрадиганлар майдонга чиқсан.

«Комсомол» колхозининг донгдор йигити Қўшоқ Жумаев, узенти Нозикойнинг чақиригини эшишиб:

— Мен беллашаман,—деди.

Икки орада юқори ҳосил учун қизғин кураш бошланиб кетди. Ким енгади?

Буни кузда биламиз.

ЮСУФЖОН ҲАМДАМ

## СОВЕТ ГРАЖДАНИМАН

Совет гражданиман, чиндан фахрим зўр,  
Ҳайкирсам, дун'ёни бўйлар овозим.  
Улуғ ватанимнинг осмонларида,  
Уфуқдан-уфуқка етар парвозим.

Менинг ҳукмимдадир темир қал'алар,  
Водилар, денгизлар, кўллар ҳукмимда.  
Шарқдан-Фарбга етган у, пўлат йўллар,  
Мехримдан жон олган чўллар ҳукмимда

Ҳаммаси менинки, ватанимники;  
Ватанки, мен унинг кўзида мужгон,  
Кўксисда қалқонмац, кўкида лочин,  
Боғида боғонман, постида пособон.

Совет гражданиман, чиндан фахрим зўр.  
Фурурим олдида тоғлар на писанд.  
Дўстка меҳрим баланд, ёвга қаҳрим зўр.  
Жангдан ғолиб чиқдим, киличим баланд.

Юрсам, йўлларимда гулдан поёндоз,  
Учсан, булат ошиб, қуёш ҳамдамим  
Юзсан денгизларда тўлқин жўр овоз  
Аср мазмунига тентдир жар дамим.

Совет гражданиман, меҳнатдан хушвақт  
Мендадир букилмас, синмас иродада.  
Умрим достонининг сарлавҳаси баҳт.  
Баҳтки, баҳтномамда бўлмиш ифода.

Совет гражданиман — ҳукуқ эгаси,  
Ҳаётим нур блан топгандир ҳаёт.  
Одамзодга одам ҳаққини бериб,  
Ота бўлиб, доҳим қўйиб берган от.

Совет гражданиман: коммунизмнинг —  
Иўлида карвонман, йўловчисиман,  
Муқаддас манзилга тикиб кўзимни,  
Янрой қўшигини куйлавчисиман.

Совет гражданиман, содик фарзандмайд  
Мен блан фахр этар, шонли мамлакат.  
Чунки у берган онг, у берган юрак —  
Унинг меҳри блан тўлган катма-кат.

Букундан порлоқdir эртанинг тонға,  
Кўзимга ташланар улуғ келажак,  
Улуғ келажакки, умид журтаги,  
Наслим баҳорида гуллаб кулажак,

Букунги отилган ҳар дадил қадам,  
Эртанги кун учун пойдевор куарар.  
Сталин идроки чизган чизикдан  
Кешуси тонгларнинг күёши юарар.

---



М. БОБОЕВ

## А С Л Ѕ Р

Сен ҳам, асл ёрим, ватан ишқида  
Бўлибсан фидои, қилмадинг жафо;  
Висол баҳорида, хижрон қишида.  
Йўлинг садокату, шиоринг вафо.

Мана озод Ватан, яна улуғвор,  
Музaffer байроғи ғолиб кўлида.  
Салобати ортган ўша арслон,  
Мағрур қадам босар яна йўлида.

Кўрдим, меҳрим конди, эй сўлим шаҳари:  
Ганиш хиёбонлар, гўзал боғ, уйлар.  
Ўша, ёшлигимиз, шомдан то саҳар,  
Ўзига банд этган қўшиклар, куйлар.

Битди интизорлик туш, ё бир хаёл,  
Ёки ҷўкиб ўтган бир каро тундай.  
Мен худди баҳору, сен худди бир боғ,  
Висоль, иғ тонгида кўрсатдик чирай.

Мана сирдош олма, кўк майса, чаман —  
Софиянб эсланган эски висолгоҳ.  
Муқаддас ва'данинг қўшиклари шан,  
Тўқилган хижоси юрақларда жо...

Вафо сўзин ҳар тил айтмолади,  
Фақат асл юрак, уни мусафро  
Гулнинг барғи каби сақлайолади,  
Шуни сенга айтсан — кам бўлир баҳо.

Яна боғимизда ўша шўх еллар,  
Ғунчаларни ўпид, очар бандини.  
Яна суввлар олкар, кутглайди гуллар.  
Булбул такрор қиласр вафо аҳдини...

Мана тепамизда ўша тўлун ой,  
Ўша юлдузчалар—юз минг чечаклар.  
Осмон юзминг кўз-ла кулар эркалар,  
Севинчим дун'ёдай, дилга бўлмас жой.

Энди она Ватан озод кўйнида,  
Фалаба номидан кўтарайлик жом:  
Халқнинг туркираган бахти йўлида,  
Ҳизматга тайёрмиз ҳар саҳар, ҳар шом!

---

Ба'зан мисра'лар ҳам келади равон,  
Ба'зан тун оқариб күп қилади хит.  
Энди илхом тұлиб бұлганда тұфон,  
Үғлим тура келиб берар халакит.

Иккиси ҳам шириң, жондош, бебахо,  
Билмайман кайбириң этишімни тарқ.  
Үртага күяман меҳримни танҳо,  
Шунда жангоҳ бўлиб қолади юрак.

Үғлимнинг севгиси, ше'римнинг ишқи,  
Иккави бир йўла қалбга тирмашар.  
Иккави камолот учун интилиб,  
Мен блан истиқбол кўкида яшар.

## У Л Ф А Т Л А Р

Бир улфатим бор әди,  
Қылдым майшат — базм.  
Оқибат шул бўлдики,  
Унутилди ше'р — назм.  
Яна бир дўст ортдирдим,  
Онлар ўтди кулкида.  
Хеч нишони қолмапти,  
Мендан умр мулкида.  
Учинчи ўртөк топдим,  
Ўргандим илму химмат,  
Катта-кичик юлдида,  
Қозондим обрӯ, киммат.  
Ўтказардим йилларни,  
Тотув яшаб уч ўрток.  
Келажак — истиқболни.  
Уйламасдим мен броқ.  
Умр ўтарди... бир кун

Ҳасса туттан яланғоч,  
Кўп қийналган, кўп хароб,  
Кириб келди эҳтиёж:  
«Салом! бир илтимос бор:  
Сенга топдим бир улфат,  
Таништирсам, дўст бўлсанг,  
Унга қўйсанг муҳаббат,  
Номинг ўчмас дун'ёда,  
Яшайсан эркин, хуллас!  
Этасан ўзингни хам  
Мендан балодан халос.  
Улуғларнинг хаммаси,  
Уни севгандар факат.  
Номини айтсан сенга,  
Номидир ҳалол меҳнат».  
Қабул қилдим талабин.  
Меҳнат менга ёр бўлди.  
Базмимиз яна ширин.  
Чунки улфат чор бўлди,  
Меҳнат бўлиб ишбоши  
Етказгандада тилакка,  
Умр қадрини билдим  
Танилдим келажакка.

---

АБДУЛЛА ТОЖИБОЕВ

## ТИКЛАНГАН ГУМБАЗ<sup>1</sup>

Иккинчи парда

Учинчи манзара

Ез. Зияалик ва шақшин айвон. Деворларида турли-тұман шикаст ҳатлар, өзүвлар, әм садақ осиб турған пақтавонларыннег сувратлари бор. Бу қадым Шарқ рассомларының чизған расмлары. Айвондан ичкарига кирадыған әшник бор. Бу хонниң жос уйи. Парда очилғанда Бұғдо гилаң устида ўғирады. Унның каршиисида мусофир кийиміда иккى айғоқ турады.

- Бұғдо — Хүш, тағин нима бўлди?
- I—Айғоқ — Ҳушшерлик йўқ бизда, тақсирим, бугун кечаси ҳам уч тўп одам қал'адан чиқиб кетди.
- Бұғдо — Кайси томонга қараб?
- I—Айғоқ — Тоққа қараб.
- Бұғдо — Рустамга қўшилибди-да, бўлмаса. Ҳаммаси әркамлармикин?
- I—Айғоқ — Аввало ҳаммаси паранжилик эди, қал'адан ташқари чиқиб олгандан кейин, тугал әркак бўлиб кетди.
- Бұғдо — Кўрганинг яхши бўлибди. Эндиги иш паранжиликлар блан бўлсин. (*Иккинчи айғоқка*) Аnavи девонанг ким экан, аниқладингми?
- II—Айғоқ — Ўшанда бекар бўшатган әканмиз, кейин изини тополмай қолдик.
- Бұғдо — Қандай қилиб?
- II—Айғоқ — У ҳам мени сезган экан, қурғур, ҳийласини жуда ҳам ошириб юбирди да. Бозорга кирди-ю, маддоҳликка бошлаб юборди, ўқиган газаллари арабчами—форсчами, тушуналмадим. Даррав аламон тўпланди ва унинг гапига тушуниб олди, ҳам уни қуршаб садақа берабошлади. Мен бўлсан, тўпирлаган аламон ўртасида қамалиб қолиб кетдим.
- I—Айғоқ — Ўша пайтда чап бериб қочган экан-да.

<sup>1</sup> Боши 3-соңда.

- II — Айғоқ — Ҳа, айни ўша пайт.  
 Буғдо — Хүш, қайтадан құлға тушириш хаёлингда борми?
- II — Айғоқ — Албатта. Болғасиу кураги блан тутиб оламан.  
 Буғдо — (Овозини ўзгартириб) Ҳа, темирчи эканми? Ени қандай билдинг?
- II — Айғоқ — Қулидан танидим. Худди ҳар бармоғи сўйидаш келади. Ҳар кафти худди мана шунча.  
 Буғдо — (Бошини чайқаб) Тушундим. Тоққа қурол юбориб турган ўша экан-да бўлмаса.
- II — Айғоқ — Худди ўшанинг ўзи.  
 I — Айғоқ — Балонинг биттаси ўша эканда, ҳа?  
 Буғдо — Шак йўқ. (Ўйланиш) Албатта ушлаш керак! (*Тусини ўзгартириб, салмоқ блан*)  
 Тариф бўлиб сочилса, товуқ бўлиб теринглар,  
 Ўрлак бўлиб қочса гар, қарчигай бўлиб қувинглар,  
 Қочса ўтга айланиб, тошқин бўлиб босинглар,  
 Кутқарманглар ҳайтавур...  
 Бу эл бошини узмай, гавдасин босиш оғир...
- I — Айғоқ — Тоққа кетиб қолмаган бўлса.  
 II — Айғоқ — Йўқ, у ҳеч ҳам кетмайди, менинг билишимича...  
 Буғдо — Тўғри, у кетадиганлардан эмас. (*Пауза*)  
 Иккавинг икки кўзимсан, ишонарим фақат сиз. Энди ҳуш'ёр бўлмасангиэ, иш ёмон. (*Ичкарига кириб аёл кийимлари ва икки паранжи олиб чиқар*)  
 Мана кийимларингни ўзгартиришга тўғри келади, душманнинг ўз қувлигини ўзига ишлатиш керак, уқдингларми? (*Ҳар икки айғоқ, кийимларини ўзгартириб, бошларига паранжи солади ва юзларига сачвон тутади*)  
 Йўлларинг бўлсин, боринглар. (*Икки айғоқ зиналардан аста-аста тушар*. Ундан кейин иккиси иккисёққа бурилиб, тез-тез юриб кетар. Буғдо ёлғиз, зинага суялиб, ўйланив сўзлар) Чексиз Хитой юртини қарам қилиб олиш бундан енгил бўлган эди. Бу қандай асов эл? Қачангача шувдай қолар экан? (*Ўйланар*) Зарб остига олиш керак бўлади, елкаси убдан яғир бўлмай туриб, тумшуғи тоза ҳам пачақланмай туриб, нўхтилаш қийин, бош эгмайди, кўнмайди шундай... (*Шошқин юриб, посбон киради*).
- Посбон — Тақсир... (*Бош эгади*)  
 Буғдо — (*Тепада туриб, оҳиста*) Хоним қалай?  
 Посбон — Қуллуқ, соғ-омон.  
 Буғдо — Келиб кетучилар кўпми ҳали?  
 Посбон — Оқсоқ қизлар келиб туради.  
 Буғдо — Қиз деганинг эркак бўлиб юрмасин яна?  
 Посбон — Йўқ, тақсир, мени кўриб юрганим ва билганим нуқул бўтакўз, қорасоч қизлар.

- Буғдо** — (Мазах қилиб) Ўшаларниң биронтасыга ҳуштора бўлиб қолганга ўхшайсан-а?
- Посбон** — Йўқ, тақсир, кўрганимни айтяпман халос.
- Буғдо** — Соқ бўл бола! Юзидан пардасини олмай, бирон қиз ҳам ўтмасин, уқдингми?
- Посбон** — Хоним кўнмаса, нима қиламан, тақсир?
- Буғдо** — Сен, хонимиз амри шундай, деб туриб ол.
- Посбон** — Ҳуб бўлади, тақсир.
- Буғдо** — (Пичирлаб) Мастуранинг тошга босган изи ҳам сенга аён бўлсин, билдингми? Нимаики сезсанг, оқтиромай томдирмай менга келиб айтиб турасан. Бор, эсингдан чиқарма. (Посбон бош эгиб кетар ичкаригига эшикдан хон чиқади. Икки хизматкор олтин курси олиб келиб қўяди ва қайта кетади. Хон ўтиради)
- Хон** — Эрон элчилари ҳали ҳам келганлари йўқми-а?
- Буғдо** — Аллаёр, хоним! Ҳали еталгани йўқ.
- Хон** — Улар ўтиб олгунча, мен ўтган кўприкни бузмасинлар, деб айтиш керак эди.
- Буғдо** — Бузилмайди, хон, эрта блан чопар кетди. (Эмтиқкан ҳолда чопормон кириб келади ва боз эгади)
- Чопормон** — Қуллуқ бўлсин, ҳукмдор.
- Хон** — (Кўтарилиб) Не бўлдия?
- Чопормон** — Тутқун ўзбеклар кўнмаяпти.
- Хон** — (Бақириб) Кўнмагани нимаси тағим?
- Чопормон** — Ишламаймиз дейди, хон учун битта ғашт ҳам қўймаймиз дейди, нима қилай.
- Хон** — (Қаҳр блан) Ишламаймиз дейди? Хон учун? Адабияни бермайсанми ахир?
- Чопормон** — Мен бермаган азоб қолгани йўқ, ҳукмдор. Тўртасини яланғоч тилиб олдим. Жўшиб-жўшиб қонлари оқди.
- Хон** — Бошқалари кўрдими шуни?
- Чопормон** — Кўрганда қандай. Бу жазодан кейин, энди ишлайсизларми, деб сўрасам, биттаси ҳам ун чиқармайди, бошларини чайқайди халос.
- Хон** — Тез анави устасини бошлаб кел. (Чопормон кетади, хон Буғдога қараб) Пайқаяпсанми, Буғдо, бу эл бош эгмайман деяптику, ҳа?
- Буғдо** — Пайқаб турибман, жаноб, пайқаб турибман. Атрофга кўз ташласам, ҳар ерда бир учқун ётган сингари. Озгина шамол турса бас, ловуллаб ёниб кетади.
- Хон** — (Қадалиб) Шундайми?
- Буғдо** — Шундай, жансоб. Тоғдаги Рустам тўдасини толқонламай туриб, бу ердагиларни бўйин эгдирим қийин.

- Хөн** — Үндай бүлса, буларнинг қонидан шўрва қайнатиші ва гўштларини итларга ташлаш керак. Шунда Рустам ҳам тоғдан тушиб келади ўзи.
- Буғдо** — Гапингиз тузук, жаноб. Лекин, орқасини ҳам ўйлаб қўйишингиз керак.
- Хон** — Бу нима гап тағин?
- Буғдо** — Улуғ хон, ўзбек қизини олма — деб айтган эдим, кўнмадинг..
- Хон** — (Сўзини кесиб) Яна ўша гап...
- Буғдо** — Кечиринг, жаноб, бошқа...
- Хон** — Хуш?
- Буғдо** — Мастиурани ўзга ёққа олиб кетиш мумкин эмас, биласиз. Ўлишига ризо, лекин, бунисига кўнмайди, тўгрими?
- Хон** — Тўғри айтаяпсан, кўниши қийин.
- Буғдо** — (Яқинлашиб) Ўз ерида, ўз элида кўркам сарой солдириб, алдаб олмоқ керак бўлади. Агар ундан фарзанд кўрсанг, ўзбек юртига ўшани хон қилиб кўтарасан. Ўшандагина бу асов эл, бош эгиши мумкин.
- Хон** — Ҳа, ёв янни елкамизга кўтариб, ўйнатамиш дегин?
- Буғдо** — (Чўчиб) Ҳа, сарой ҳам солдиринг, учқунларни ҳам учуринг, я'ни бир ўқ блан икки қуённи кўзланг, демоқчиман жаноб...
- Хон** — (Буғдога жавоб бермоқчи бўлганда, Чопормон олдида Фармон кириб келади, хон унга бурилади) Юқори чиқ, уста. (Ўзи курсига ўтирас, Фармон тўрга ўтади)
- Фармон** — Нега чақиртирдинг, хон?
- Хон** — Ҳалқингга бўлишгин деб чақиртирдим.
- Фармон** — (Кесатиб) Қандай бўлишмоғимни хоҳлар эдинг, хон?
- Хон** — Элингда эс қолмабди,  
Эртани ўйлар бир жой йўқ.  
Кўл-оёғи бўғовда,  
Лекин, яланг кўксини  
Ўққа тутар, ҳайиқмас,  
Шамширларим яланғоч,  
Лекин, элинг чекинмас.  
Эси бор эл ҳеч шундақа бўларми?
- Фармон** — Ўзинг адл туриб айт,  
Бийлигингни кўрсат, хон,  
Ёвга-ёвмен, демаса,  
Эл номуси не бўлар?
- Хон** — (Мазах блан) Жон қийматми, ё номус?  
**Фармон** — Ўсадирган эл учун  
Ори-номус қимматроқ.  
Ўчадирган эл учун  
Албатта, жон қийматроқ.

- Хон** — (Газаб блан) Ор-номус деб юриб, жонидан айрилали, дегин-а?
- Фармон** — Ҳа, шундай. Бу, ор-номуснинг енггани бўлади.
- Буғдо** — (Четга) Ҳа, тилингга бигиз қадалгур!
- Хон** — (Ўйланниб) Заҳарлик сўз, лекин, бема'ни... (Ўрнидан туриб)
- Шаҳар халқи унамапти амрингга,  
Фишт қуийшдан бош тортибди биракай,  
Халқинг блан сўзлаш, кўндири, кенгаш бер.  
Мендан хайр бўлмас, яхши тушинтири.
- Фармон** — Фишт не учун керак экан?
- Буғдо** — Улуғ хоннинг қайлиги учун, я'ни маликамиз учун олтин гумбазлик оқ сарой солиш керак. (Ёлғондан кулиб) Энди уқдингми, уста йигит?
- Фармон** — Уқдим, ҳа. Халқим кўнмаган юмушга менинг -кўнишчмни қайдан билдингиз, хўш?
- Буғдо** — (Рангини ўзгартириб) Улуғ хонга хизмат этгинг келмайдими, а?
- Фармон** — Этолмаслигимни аллақачан айтганманку.
- Хон** — (Хайқириб) Менга қара ҳей...
- Фармон** — Қараб турибман. (Баттар қадалар)
- Хон** — Ақлга кел эй, йигит:  
Менинг енгган еримнинг-  
Куни мен учун ботали,  
Тонги мен учун отади.  
Керак бўлса, итлари ҳам мөн учун ҳурар.  
(Яқинлаб) Айтгандим-ку бир марта,  
фе'лимни унитдингми?
- Фармон** — Осмондаги ёриғ кун  
Ўз юрар йўлин билади.  
Унинг юзар денгизи ҳам ўзгacha,  
Унинг чиқар гумбази ҳам ўзача.  
Кун маконин гўзал солган, (Осмонга қараб)  
Барча юртга еткиза солган уста ҳам ўз фе'лини ўзи билса керак. (Хонга қараб)  
Баланд кўкнинг устаси ҳеч ким блан кенгашмас.  
Энди, итлар тўғрисида бўлса... (Сал тикланиб ва ҳар сўзини салмоқлаб) Ит—ҳар қачон ит...  
унда номус деган бўлмайди, у хон учун ҳуриши ҳам мумкин.
- Хон** — (Газабланиб) Гапни қисқа қил, амримга бўйни сунасанми, ё йўқ?
- Фармон** — Йўқ, жаноб, йўқ... Мен ит эмас!
- Буғдо** — Демакки, севган ҳунарингдан безибсан-дэ?
- Фармон** — Юртим учун, ўзим учун безмас эдимку-я..
- Хон** — Чопормон!
- Чопормон** — Ҳа, тақсир. (Бош эгади)
- Хон** — Уч марта!
- Чопормон** — (Бурилиб, бақиради) Ҳо, довулчилар!

(Иккии довулчи шошқин ириб, қатор туришар)  
Уч марта! (Уч марта довул урилади, қилич таққан ўн жалод ҳозир бўлади, та'зим этади) —

Хон — (Чопормонга) Қамоқдаги ўзбекларниң биттасини ҳам қолдирмай ҳайдаб кел. Қаршилик қилганларни эса ҳозир ўнлаб-ўнлаб калласини уз!

Чопормон — Хўб, тақсир. (Кетар)

Хон — (Жаллодларга) Ҳозир бўлинг!

Жаллодлар — Хўб бўлади, жаноб! Қиличимиз қонсираган, жаноб. (Қиличларни ялангочлаб туришар)

Хон — Буғдо, қамоқдагиси қанча эди?

Буғдо — Уч минг қадар шекиллик.

Хон — А? Оз бу... Бутун аскар отлансин, қарри демай, ёш демай шаҳар ҳалқини ҳайдаб келсин. Бурқиб қон дар'ёси оққанини ўз кузи блан кўрсан бу уста йигит...

Фармон — Сабаби не, жаноб? Бу не учун?

Хон — (Чатнаб) Ҳа... Сенинг мени танишинг учун...  
(Буғдога) Қани, Буғдо!

Буғдо — Ҳозир, жаноб (Кетабошлиди)

Фармон — (Буғдога қўл кўтариб) Тўхта.

Буғдо — Не демакчисан?

Фармон — Ўйланив олай, фурсат...

Буғдо — Ўйлан бўлмаса.. (Хон блан Буғдонинг кўзларни Фармонда. У эса оғир хаёлда)

Хон — (Бесабр) Ўйланив бўлдингми?

Фармон — (Оғир бурилиб) Бўлдим.

Буғдо — Жавоб қил, ундай бўлса,

Фармон — Кўндишмай,

Буғдо — Кўндирасан ҳем-а?

Фармон — (Оғир) Билмайман. (Қўллари боғлиқ ўн кишини Чопормон ҳайдаб киради. Ўн жаллод улар ёнига етиб боради ва қиличларига қўл солади. Хон блан Буғдонинг кўзлари Фармонда)

Буғдо — Кўтар (Киличлар кўтавилади, Фармонга қараб) Кўндирасанми, жавоб бер уста!

Фармон — (Ноилож) Ҳа.

Буғдо — Эй жаллодлар, боратуринг, (Улар кетар)

Фармон — Улуғ ҳукмдор, сен ҳам боратур, мен ҳалқим блан ўзим сўзлашаман. (Рангги оқариб, устунга суюниб қолади. Хон блан Буғдо аста чекинади, чиқиб кетади. Чопормон кетган ёқдан тутқун ҳалқ кирабошлиди. Кўпларининг гавдасида таёқ излари, қамчи излари, яғринлари кўкарган. Булар орасида кўйлаклари пора-пора ва елкаси қон, оқсоқол Қатрон ҳам бор, ҳамма бурилиб Фармонга қарашар)

Қатрон — (Овози титраб) Фармон!

- Фармон** — (Кўзини очиб) Ота! (Чўчиб бўйнидан қучади) Шурлик отам! (Йигламсирайди)
- Катрон** — Йиглама болам, душманинг олдида йиглама, куз ёшингни кўрсатакўрма, енгдим деб ўйламасин.
- Фармон** — Усти-бошинг нега бунча қон?
- Катрон** — Туқсан-туғишганлар олдида қизормай ўлсам, узбек деган номимга кир юқтирумай ўлсам, не кўрсам ҳам розиман. (Пауза) Сен бу ерга қандай келиб қолдинг?
- Фармон** — Чақиртирган экан.
- Катрон** — Сенга не қил дейди у?
- Фармон** — Бош эг дейди, кўнинглар, дейди.
- Катрон** — (Совуқ) Сен нима дединг, ўғлим?
- Фармон** — Кечир, ота, кўнамиз дедим.
- Катрон** — (Чекиниб) кўнамиз дединг? (Халққа бурилиб) Эшилдингларми, халойиқ?
- I — Овоз** — Ҳа, эшитиб турибмиз.
- II — Овоз** — Номард...
- Катрон** — Ҳўш, отангни қанчага сотдинг? Кун куйдирган, қиров босган оқ соқолим ва оқ соchlаримни ҳам сотдингми? Баҳоси не бўлди айт!
- Фармон** — Ота, қулоқ сол...
- Катрон** — (Сўзини кесиб) Сўзлама эй! (Халққа бурилиб) Эй, халойиқ!  
Қози ўзинг, адл, билик ўзингда,  
Гуноҳкорга ҳозир жазо тайин эт,  
Ўрнак бўлсин кейин чоқда айтарлик,  
Мана шундай номард ўғил отаси—  
Мени ҳам қўша жазола, ҳеч аямай... (Халқ индамас)  
Нега ҳечким чурқ этмайди? Аяйсизми? (Каттиқ)  
Ё сўзимга ишонмайин турибсиз?  
Бир худонинг номи блан қасам ичаман,  
Пайғамбарнинг номи блан қасам ичаман,  
Машойихлар номин айтиб, қасам ичаман,  
Ёруғ кувнинг шу'ласи блан,  
Ҳам танамдан оқдан қон блан  
Қасам'ёд этаман, ишонимг. (Халқ ҳали ҳам индамас)
- II — Овоз** — Улканимиз ўзингсан,  
Улуғимиз ўзингсан,  
Жазони ҳам ўзинг бер.
- Катрон** — Тузук, ўзим берайин жазо... (Икки кишининг белбоғини ечиб олиб, бир-бирига боғлаб эшади ва тузоқ қилиб ўғлининг бўйнига солади)  
Болам, ўз отангни меҳрсиз дема, раҳмсиз дема. (Елкасига қўл ташлаб)  
Эсингдами, касал бўлдинг ёшликда?  
Сен тўшакда ётар ёдинг бедармон,

Узоқ тунлар киприк қоқмай, уйқусиз  
Бошиңг силаб ўтирадим қошингда... (Йиғлам-  
сираб)

Әлғиз ўғлым учун мени өлгин деб,  
Күзларимдан ёш тинмайин кечалар,  
(Құкка құл үзіб)

Даргоҳидан тилаганман эгиб бош..  
Болагинам оқламадинг тузимни,  
Үз жонингни аяб, этдинг номардлик...

Фармон  
Қатрон

Фармон  
Қатрон

Фармон  
Зайнаб

Қатрон  
Зайнаб

Қатрон  
Зайнаб

Зайнаб  
Қатрон

Зайнаб

Қатрон  
Зайнаб

Қатрон

Фармон  
Зайнаб

— Құрққаним йўқ, ота, жон аяганим йўқ.  
— (Кесиб) Қўрқдинг, аядинг.

— Қўрққанингдан сўнг, отангни ҳам сотдинг.

— Сўзимга қулоқ сол, ота.

— Йўқ. (Овозини ўзгартириб)

Ҳеч бўлмаса ўлар чоқда отангни сийла,  
Сўзимга сўз қўшмай, сабр эт, ҳурмат қил бироз.  
Менинг блан сўз талашма кетар пайтингда...  
(Халқа омирона)

Қани, тортиңг, бас... (Зўрга икки ғодам яқинла-  
тади, инкави сиртмоқнинг икки учини ушлайди)  
Бу жазога ризо бўл!

— Розиман, ота, (Сиртмоқ тортилай деб турганда,  
тўхта деган аёл овози эшишилади. Бу Зайнаб)

— (Кўз ёшлари блан халқни ёриб чиқар) Тўхтанг  
(Қатронга) Қатрон, Фармон менинг ҳам фарзандим ахир. Нега унитасан?

— Не демакчисан?

— Уч марта ота, деди, уч марта сўзлагани қўйма-  
динг. шу ҳам одилликка ётадими?

— Ҳа, адллик... сўзласа, гуноҳи ортади.

— (Икки кишига) Олинг!

— (Кат'ий) Олманг! (Зайнабга)

Зайнабим, аралашма! Эр бийлигни аёл бузадими?

— Йўқ ҳали

— Қўйбўлмаса. (Икки кишига) Тортиңг! (Улар торт-  
моқчи бўлади).

— Тўхтанг, дейман. (Қатронга)

Қаттол, Қатрон, қулоқ сол,

Фармон ўлса, куйиб кул бўлар,

Мастура бор унинг ортида...

У ҳам келсин бу ерга,

Бирга ўлсин келин ҳам.

— (Заҳарханда) Мастуранг ким?

Хонга берган қизингми?

— Нималар деяпсан, Қатрон?

— Хонга қиз раво кўрган—сен, мен—боламни унга  
бермайман деялман.

— Ота!

— Хато деяпсан, Қатрон.

- Овоз — Катрон түғри...
- Овоз — Катрон одил.
- Овозлар — Түғри, адл сўз...
- Зайнаб — (Халқа) Ундаи бўлса, менга ҳам жазо...
  - Дор қурине, дорга тортинг! (*Катронга*)
  - Мен қизимга ишонаман, ишончимни шундай кунда синайман. Шунинг учун парвариш қилганиман. Агар сен ишонмас экансан, ўзинг бил. Қайнатиб, шўрвасини ич, менга деса.
- Катрон — Сенинг қўйларинг ҳам бўрига олдирмайди шекиллик.
- Зайнаб — (Аччиқ блан) Мен қўй туққаним йўқ, ўғил блан қиё туққаниман. Рустамим қандай бўлса, Мастирам ҳам шундай.
  - Қайсиси гуноҳкор бўлса, жазосини бирга тортаман.
  - Тағин қандай мазохинг бор? (*Пауза*)
- Катрон — (Кийналиб) Зайнаб... Ранжима, Зайнаб!
  - Мазах қиладирганим сен бўлсанг, мазах қилмайдиганим ким бўлади? Хаёлимни эзган, юрагимни парчалаган бу ҳодиса қаршисида тоқатим тоқ бўлди. (*Овози титрар*) Сен нимага ишонсанг, мен ҳам ўшанг ишочайнин.. Фақат ранжима, Зайнаб.
- Зайнаб — Ундаи бўлса, ўз фарзандингга ҳам ишон, Фармон номусини сотадиган йигит эмас. (*Халқда ҳаяжон*)
- Овозлар — Кампир ҳақ... Фармонга ишонамиз.
- Катрон — (Оғир ва кескин) Олинг бўйнидан. (*Фармоннинг бўйнидаги сиртмоқ олинади*)
  - Айт, қани, не билганинг бор?
- Фармон — Туғишганлар! (*Энтикиб қолади*)
  - Ўлишга шошилиш керак эмас. Тўкилган қон, ўчган умр бунисиз ҳам етгулик-ку. Бунисиз ҳам найзаларнинг тифи, қиличларнинг дами ҳар ўзбек юрагига қадалиб турибдику, ахир.
- Овозлар — Тўғри, рост..., ҳақ гап...
- Фармон — Демак, ажал блан олиш! Ғайратингга, номусингга ҳийла ва ақлингни қўшабил! Бекорга ўлиш—миқтилик эмас. Аввал ёвингни ўлдир.
- I — Овоз — Шунинг учун кўндингми?
- Фармон — Мен кўнмаганда, мен розилик бермаганда, қутирган ёв қанча-қанча одамнинг қонини сувдай оқизмоқчи эди. Мана шу турган қоракўзлар армонда қирилиб, кетар эди. Бу кенг оламнинг бутун қарға ва қузғунлари кўқимизни булат сингари босиб, айланаб, шовқун солиб, ўликларимизни бўлишар ва кўзларимизни чўкиб ер эди. Хўш, бу ақлдан бўладими, а?
- Катрон — (*Паузадан кейин*) Болам, саройни ким учун соламиз? Ўша саройни ўртаган хон учунми ё? Бу ен-

гилганлик эмасми? Бундан қирилиб кетган яхши эмасми?

- Фармон — Тоғдан тұғон тошиб оқсаю, тилсиз бир оғат босиб келса, саройларни қулатса, боғларни қийратса, үша тұғон үтгандан кейин нима қылар әдик, оғайни? Умрдан умид узиб үтираармидинг, ё бұлмаса... (Пауза)
- Зайнаб — Йүқ болам, қайта яшар әдик, құзғолар әдик.
- Фармон — Тоғлардан тош учиреб, Чинорларни құлатиб, Қаттиқ бүрсон тез келса, Вайрон әтса нетардинг? Қани сүйла, оғайни... Үтираармидинг ҳаётингни, келажатингни үйлемай? (Отасига) У ҳам енгилганлик бұлармили, ота?
- Катрон — Сүзла, болам.
- Фармон — (Овозини ўзгартириб) Енгдим деган қаттол хон ҳам үша соқов ва сүқур оғатларнинг бири; шунга күра, ҳаётдан безолмаймиз, умрдан кечаолмаймиз. Ойна күлдай ҳовузлари бұлмаса, жаннат мисол чорбоғлари бұлмаса, муноралик саройлари бұлмаса, ўзбек эли—эл әмас. Хон учун әмас, ўзимиз учун бұлади сарой... (Ердан тупрок олиб) Туғилған ернинг тупрогини, энді қайта бузилмасдай, аччиқ тер блан ийлаб, узоқ авлодлар учун олтин гумбаз, олтин сарой солсак дейман. Імөур ювмас, офтоб тапти ололмас ва ўт күйдирмас, ажыб сир блан бүялади бу сарой. Учтан құш ҳам бир айланиб қарамай, савлатига қизиқмай, тепасидан үтальмас. Узоқ әллардан сафарга чиқсан корвонлар савоб учун яна бир келиб, унинг бағрида тунамай ва тавоғ этмай кеталмас. Шундай бұлади у сарой... (Хамма балқығандай жим, Фармон тиз чүкади) Хүш, сени арzonга сотибманни, ота? Энди ҳарқандай жазога тайёрман.
- Катрон — (Овози титраб) Бошынгни күтар, болам. (Турғизади) Сүзла, болам, сүзинг қолмасин.
- Фармон — (Узини дадил олиб) Элнинг қулаган гумбазини қайта тикласак, дейман. Қайнар булоқдай қайнаган ғайратимизнинг му'жизаларини оламга яна күз-күз қылсак, дейман.
- Овозлар — Боракалло... Ҳақ гап... Тұғри... Рост... Жойида...
- Фармон — (Зайнабға яқынлашиб) Она, бу қарор Рустамға ҳам тез етса әкан, у ҳам билса...
- Зайнаб — Еткізгайман, болам. (Қошиға келиб) Сен күтарған у олтин гумбаз, Үша күннинг жарчиси бұлсисин, Узоқ-яқын туғышған халқни, Озодликка чорласин тугал...

- Фармон** — Яхши айтдинг, соз айтдинг, она!  
 Ўша гумбаз күтарилиган кун,  
 Жилваланиб қуёш тиғида,  
 Сүнгги жангга аломат бўлсин.  
 Ўша куни букилган беллар,  
 Ва қон бўлиб кетган елкалар,  
 Қадни ростлаб күтарсан қурол.  
 Озодликнинг баланд гумбазига  
 Ўша куни чўзилсин қўллар.  
 Ва очилсин ўша кун йўллар.
- I — Овөз** — Шаҳид ўлган туғишганлар руҳи ҳам  
 Қанот қоқсин ўша куни бошларда.  
 Ва айлансан олтин гумбаз устида,  
 Учиб юрсан туғилган ер кўкида...
- Катрон** — (Кўл кўтаради) Ё омин. (*Ҳамма қўл кўтарида*)
- Овозлар** — Омин... Омин... Ё илоҳи омин.
- Катрон** — Ё илоҳи омин... Халқимнинг ниятини бергайсан,  
 Муродига еткизакўргайсан, эй парвардигори олам...  
 (*Ҳамма фотиха қиласди*)
- Фармон** — Фазабларингга ҳам, марҳаматларингга ҳам розиман,  
 Кўришгунча, хайр бўлмаса ..
- Овозлар** — Хайр, омон бўл, соғ бўл! (*Халқ чиқабошлар, Фармон то ҳамма чиқиб бўлгунча орқаларидан ҳурмат ва севги блан қараб турар*)
- Фармон** — (*Мехрибон ва мулоийим*) Яхши эл сан... Қиши каби  
 қаҳрликсан ва ёз каби меҳрибонсан. Юрагинг ҳам  
 кўз гавҳарингдай мусаффо... Севаоласан ва ўзингни  
 севдираоласан. Сендан туғилганимга минг шукур...  
 (*Чопормон киради. Фармонга қараб қолади*)
- Чопормон** — Уста! (*Фармон бурилиб қарап*) Элингни кўндиридингми?
- Фармон** — (*Кескин*) Сенга не керак? Хонингни чорла!  
 (*Чопормон ўқрайиб, ичкари кетар. Кўп ўп май, хон ва Буғдо чиқади*)
- Хон** — (*Гердайиб*) Сўйла уста, не бўлди?
- Фармон** — Кўнди элим...
- Буғдо** — Соз...
- Хон** — Ўзинг ишга тез кириш, уста, ҳарқачан хон учун  
 сарой солаётганинг эсингда бўлсин.
- Фармон** — Хўб, киришаман. Хонга сарой солиш керак-у, яна  
 шошилмайин бўладими?
- Хон** — Не дединг, уста? Уқмай қолдим.
- Фармон** — (*Эзилиб*) Кечиринг, жаноб... Усталарнинг ба'зи-  
 ба'зида хонлар уқиб ололмайдирган сўзлари ҳам  
 бўлиб туради... (*Бир-бирига сўзсиз тикилиб қолади*)

## ИККИНЧИ ИНТЕРМЕДИЯ

Ойдин кече. Чап томонла йўғон қайрагоч. Бу—Мастура турган уй эшигигиан тўсіб туради. Қайрагоч тагида пособч юрибди.

Пособон — (Ўйланиб) Юрт Буғдони қув дейди, ёлғон... У-шум. Шумларнинг ҳам каттаси. Унинг қирқ кўзи, қирқ қулоли бор. Ҳамма нарсани кўриб, ҳамма нарсани эшитиб туради. Буғдо ернинг усти блангина эмас, ости блан ҳам хабарлашиб туради. Менга айтади: Кўрмаган, билмаган бўлиб юр, броқ ҳаммасини билиб, кўриб юр, киприк қоқма... Бу қандай қув одама? Соқол—сочи сутдай оқ, юраги бўлса кўмирдан ҳам қора. Обба, ла'нати-е... Қандай онадан туғилди экан ўзи? Биламан, хон қайтгандан кейин (Чўчиб) Мастура блан Фармонни ўлимга тутиб бермакчи. Ҳа, шумлик, шумлик... Сулув Мастура сўнгги марта кўзларини жовдиратиб, уларнинг олдида, менга қараб хайр деса-я... (Тўхтаб) Не деб жавоб бераман унга? Қўрққанимдан индаялмай қолсам а! (Дадил) Йўқ, қўрқмайман. Жуда қахри келса бошимни олар. Менинг жоним уларницидан ортиқми? Кўз ёшларимни оқизиб туриб, инграб туриб, ўлан айтиб, хайрлашаман. Посбонда ҳам юрак борлигини, армон блан кетаётган икки ёшга кўрсатаман. (Оғир хаёл ишида бизга малум ўланни айтади)

Онаси ўлган оқ бўта  
Эртаю кеч бўзлади,  
Инграб келган овози  
Юрак дардин қўзгайди.

(Иккинчи тарафдан гул териб келаётган Мастура блан Зулайхо пособонни кўриб, тўхташар, ўлан давом этади)

Бўзла-бўзла, мунгдошим,  
Тушунаман зорингга.  
Инграшайлик қўш етим,  
Мен борайин ёнингга.  
(Сўзсиз ўлан)

- Зулайхо — Мастура, қандай зорлиқ сўзлар...  
Мастура — Мен бир йўла эшиган эдим, онаси ўлганда тўқиган экан.  
Зулайхо — Шоир эканда бўлмаса...  
Мастура — Шоир. (Кулиб) Баландроқ олавер. (Яқинлашар)  
Пособон — (Чўчиб) Не дединг, Мастура?  
Зулайхо — Баландроқ олавер, деяпти.  
Пособон — Мен ҳали ўлан айтдимми?  
Зулайхо — (Кулади) Уйқидамисан ўзинг, пособон?  
Пособон — (Кулиб) Балки... Тушимда сулув қизларни кўриш, алла қачанлардан бери менга одат. (Кулишади)

- Зулайхо** — Балки рост... Мушукнинг тушига нуқул коса тўла сут кирав эмиш. (*Кулки*)
- Мастура** — (*Яқин келиб*) Фармонни кўрдингми?
- Посбон** — Ҳа, кўрдим.
- Мастура** — Қачан, қаерда кўрдинг?
- Посбон** — Ҳали келган эди, ўткизиб юбордим, уйда.
- Мастура** — Раҳмат, чироққинам. (*Бир гулни ҳидлатиб, ўтиб кетар*).
- Посбон** — (*Ўтиб бораётган Зулайхони ушлаб*) Сенинг отинг Зулайхо эмасми?
- Зулайхо** — Ҳа, Зулайхо. (*Сабабини сўрагандай тикилади*)
- Посбон** — Сенлар бизни ёмон кўрасизлар, ростми?
- Зулайхо** — Албатта рост, ҳали гумонинг ҳам бормиди?
- Посбон** — (*Кўрқандай чекиниб*) Кечир Зулайхо. Гумоним йўқ... Бизни бутун халқ ёмон кўради, мен буни яхши биламан. (*Бош эзгиб*) Сўқаберинг, қарғанг, илож йўқ... (*Зулайхо ўтиб кетади, унинг ортидан посбон ҳам кетади*).

Парда.

### Учинчи парда

#### Тўртинчи манзара

Кечак. Хон бўлмасивинг ички кўриниши. Бўлма турли-туман ҳалқларнинг асил-буюмлари блан эйнэтланган. Ўртада—икки чорбурчаклик тошлар устида шам'донлар ёниб туриби. Тўрда хон ўтирадиган ўрин ипак гиламлар блан безагилга, икки томонига иккита яланғоч шамшир қадалган. Қаршида мисдан қуюлган азоб тангрисининг ҳайкали. Ҳайкал олдида одам чаноги, чаноқнинг икки кўзидан бир-бираiga ўралиб, тилларини ўйнатиб турган икки илон кўриниши. Парда очилганда, хоннинг узоқ сафардан қайтиши ҳурматига қоқилган довул сурони эшитилади. Хон блан Буғдо кириб келади, хон ғазаб тангрисининг ёнига келиб, уви ўпар, кейин бироз чекиниб, қўл қовуштириб, ибодатга юз тутар. Буғдо ҳам шуни такрор қилас.

- Хон** — Улуғ әгам, тилагимни қабул эт,  
Мададингга суннаман ҳар замон.  
Сермаганим ўзинг берган у шамшир,  
Сенинг ўзинг бажо этар ҳукмимдир,  
Бу сафар ҳам одам қонин кўп тўқдим..  
Сенинг учун тўқдим, сенга инониб.  
Сени туққан улуғ куннинг ботарига етгунча,  
Ер юзини енгсам эди ўзимники әтгунча...  
Мен бор ерда сен борсен,  
Сен бор ерда мен — кучлик...  
Икки оёқ ва бир бошим бор ҷоқда,  
Топинаман бир ўзинга, худойим!  
Менга берар мададинг ҳам қуватинги кам этма...  
(*Тиз чўкиб, бошини эгар*)

- Буғдо** — Менинг ҳам тилаганим — улуғ хоннинг тилагани. Тилаганимни қабул эт, тангрим! (У хон блан бирга бош эгар, хон тургандан кейин турар)
- Хон** — (Салмоқ блан, бориб ўрнига ўтирас) Ўтирас, Буғдо. (Буғдо ўтирас) Қулогим сенда.
- Буғдо** — Сен кетгандан бери, улуғ хон, икки ердан элчи келди.
- Хон** — Қаерлардан?
- Буғдо** — Хитой ва Ҳиндистондан.
- Хон** — Оёқ олишлари қалай?
- Буғдо** — (Жонланисиб) Бу йўли ҳам жуда жонларини қийнабди. Хитой элчиси, юзингни кўриб — зиёрат қилиб қайтанин деб, уч ой сарғайиб ётди. Узоқлаб кетди деган хабарингни эшигандан кейин, кетишга йўл тутди.
- Хон** — (Хурсанд) Яхши жўнатдингми?
- Буғдо** — Майдачудасини ҳисобга олмагандা, ҳар қайсисига қирқ ўзбекдан қул қўшдим.
- Хон** — Ўзлари нима олиб келибди экан?
- Буғдо** — (Кўтарилиб) Хитоидан юз нор туяга ортилган ипак келди. Тўқимлари олтин, чанг юқмас, икки тулпор келди, фақат қанотлари йўқ, лекин биринчидан қолишмайдиган югурик...
- Хон** — Ҳиндистонданчи?
- Буғдо** — Улар ҳам унча қашшоқ эмас. Қирқ филга олтинкумуш ва асиш тошлар юклаб келди.
- Хон** — Уларга Маастурани кўрсатдингми? Сулув хоним қаршисида элчилар бош эгдиларми?
- Буғдо** — (Ранжисиб) Кўрсатдим, жаноб.
- Хон** — Нега рангинг ўзгарди, Буғдо, нима бўлди?
- Буғдо** — Билмай қўяқолсанг тузук эди, улуғ хон.
- Хон** — (Кесиб) Айт, яширасанми?
- Буғдо** — Кўрсатишга кўрсатдимку-я... Мен — бу маликамиз деб таништирсан, ул: „малика эмас, асирамен“ дегани... Элчиларнинг тушунмагани обрў бўлди. Кейин кўп сўзга солмай, ҳангомани бошқа ёққа буриб юбордим, хон.
- Хон** — Оббо шум қиз, ҳали ҳам кўнмасдан юрибдими?
- Буғдо** — Кўнмайди, жаноб.
- Хон** — Нега кўнмайди, нега? (Ўқрайиб қараайди)
- Буғдо** — Кўнглида ўзга одам бор, бу гўзалнинг кутгани бор.
- Хон** — (Салмоқ блан) Буғдо! Сен бошдан шу ишга қаршисан. Эсингни эртароқ йиғиб ол, бошинг бекор учуб кетмасин, сен ҳам охир менинг қиймалайдиган одамимсан.
- Буғдо** — (Бош эгиб) Бошим — босган изинг садағаси, хон. Сен керак қилсанг, ўзим ҳам кесиб бераман.

- |       |       |   |
|-------|-------|---|
| Хон   | Бүгдо | Броқ, сөзганимдан тонмайман.  |
|       |       | — Нима сездинг, хүш?  |
|       |       | — Сафардан чарчаб қайтдинг, ҳукмдор, бугунча ётиб дамингни ол.  |
|       |       | — (Ёқасидан тортыб) Дам ол, дейсанми? Сезганларим ёлғон, дегин бундан күра...   |
|       |       | — Сенга келиб қўшилганда, ўзингдай ёш эдим. Шундан бери қанча замон ўтди. Қанча ёлғонимни тутдинг, хон (Хон уни итариб солар, Бүгдо ўзинн тутуб қайта ўтирап.) Ёлғон эмас, улуғ хон.  |
| Хон   | Бүгдо | — Айт бўлмаса. Яширмасдан тугал айт.  |
|       |       | — Айтаман, ҳукмдор. Фақат менинг кенгашимсиз жазо бермасликка ва'да эт.   |
|       |       | — (Паузадан кейин) Яхши.  |
|       |       | — (Сир қилиб) Мастуранинг севгани Фармон.   |
| Хон   | Бүгдо | — Фармон? Анави, устани айтяпсанми?   |
|       |       | — Ҳа, ўшал уста, жаноби хон. Севгани ўша уста бўлиб чиқди. (Хонга яқинлашиб, яна сирлироқ) Ўзим пайқаб юрар эдим, анигини билиш учун икки кўзимнинг бири ўшаларда бўлди, бир куни кечқурун...   |
| Хон   |       | — (Сўзини бўлиб) Бас... Ишондим сенга. (Паузадан кейин) Сен не жазо буюрар эдинг, хўш кенгашингни айт.  |
| Бүгдо |       | — Менинг кенгашим: сарой битгунча сир берма, хон.   |
| Хон   |       | — Ичингдан эзил, дейсанми? Йўқ! Кўкрагимга кўйдирги бўлган бу сулув қизнинг юрагини эзмоғим керак.  |
| Бүгдо |       | — Унда сарой битмай қолади, ҳукмдор.  |
| Хон   |       | — Битмаса менга нима, саройдан нима хайр менга? Ё унга йилки қамармидим, қўй-эй...  |
| Бүгдо |       | — Бунда ма'ни бор, ҳукмдор. Ақлингни ғазабинг еагмасин. (Үйланиб) Менинг билишимча, сарой солдирганинг бу халқ орасида анча шуҳратга сабаб бўлади. Бундан кейинги қарам қилмоқчи бўлганинг эллар ҳам юввош бўлади. (Яқинроқ келиб) У вақт, ҳукмдор, орқангга қарамай—олдинга юрасан, олисинг яқин бўлади. Мана, гумбаз битмай қолсачи, оламга кулки бўламиз, халос. Мен айғоқчилар хабаридан шу натижага келдим, хон. |
| Хон   |       | — Тузук. (Үйланиб) Лекин, Мастурасиз битмай қолшининг сабаби нима?  |
| Бүгдо |       | — Анави уста йигит ишламай қўяди да ахир.   |
| Хон   |       | — Нечун, ишламай қўяди, хўш?  |
| Бүгдо |       | — Синаб кўрдим, кўзим етди, ҳукмдор... Уч кун бўлди Мастурани зиндонга ташладим. Ўшани эшитгандан буён уста, ётган еридан бўшини кўтаргани йўқ  |
| Хон   |       | — Ҳали ҳам кўнмай юрибдими?   |

- Буғдо — Кўнмак уёқда турсин, тили сўзга келмайди.  
 Хон — (Баджаҳл) Тили сўзга келмаса, тили блан бошини қўшакес. Ундаң ўзга уста қуриб қолибдими, бу ерда?  
 Буғдо — (Эгилиб) Кечир, хон, яна жаҳлинг оловланмоқда. Фармон кўп элларга донғи кетган уста, биз учун унинг қургани-қиммат.  
 Хон — (Уйланиб) Чақирип бўлмаса.  
 Буғдо — Бугунми?  
 Хон — (Қизиб) Ҳа, шубугун, ҳозироқ...  
 Буғдо — Чақирираман, жаноб. Фақат кетини ўйла, ошиқма. Бу йўли ғазабингнинг тизгинини менга ушлат. (Ялингнан овоз блан) Бўладими?  
 Хон — Ҳо, қув Буғдо, бўлади-бўлади. (Буғдо чиқиб кетаётганда Чопормон келади)  
 Чопормон — Ё ҳукмдор, эшигингга уста йигит келибди, хонни кўрмайин кетмайман, дейди.  
 Хон — Кирсин, тез кирсин.  
 Буғдо — (Хонга яқинлашиб) Ё жаноб.  
 Хон — Тағин нима?  
 Буғдо — (Ялиниб) Айтганинг эсингда турсин, хон.  
 Хон — Бас, бас... (Фармон кирап, хон овозини ўзгартириб) Кел, йигит! (Фармон шам'донлар ёниб турган тошга суюниб турар) Мен ўзим чақиритроқчи эдим, яхшики ўзинг келиб қолдинг. Гумбазни қачан битирасан?  
 Фармон — Эгаси бўшатилганда, жаноб.  
 Хон — Эгаси ким?  
 Фармон — Мастира.  
 Хон — (Салмоқ блан) Хато айтасан, уста йигит, эгаси мен бўламан.  
 Фармон — Хоннинг сўзи ҳам икки бўладими? У учун деган эдингку бошида?  
 Буғдо — Хон блан хоним бир киши эмасми, йигит?  
 Фармон — Йўқ, бир эмас.  
 Хон — Буғдо, чақирип бўлмаса, бўлакман деса ўзи айтсин. (Буғдо кетар) сен бўлса, йигит, бундан кейии унинг номини тилингга олма.  
 Фармои — Оламан жаноб, Мастира мен учун туғилган қиз, шуни айтайн деб, излаб келдим атайин...  
 Хон — Йўқ, мен учун туғилган!  
 Фармон — Хон! (Яқинлашар)  
 Бундан ўзга хиёнатинг каммиди?  
 Элчилар-ла қирқ ўзбекдан қул кетди.  
 Инграй-инграй йўлга тушди шўрликлар,  
 Инграб қолди қанча есир ва етим...  
 Ел совурган кул ётар бу шаҳар ўрнида...  
 Йиглаган юрт кўз ёшидан кўллар ҳам тўлди...  
 (Совуқ)

- Хон** Энди менинг севганимни оламан, дейсан.  
**Хон** Жонимни ол, хон, аяма! Лекин ёрни бермайман.  
**Фармон** — (Энкайиб) Элинг учун, еринг учун не сүрасанг,  
**Хон** мен берсам, Мастурадан кечасанми?  
**Фармон** — Кечгани қалай?  
**Хон** — (Охиста) Мастура блан күэма-күз туриб: „Энди  
**Фармон** сендан кечдим“ дейсан. Бұладими?  
**Хон** — Бұлади хон. (Кийналиб) Фақат сен менга ўз сев-  
**Фармон** ганидан кечаолиш ҳунарини ўргат.  
**Хон** — Үндай ҳунар бормикан?  
**Фармон** — Бұлмаса қандай кечайин?  
**Хон** — (Захарлик) Элингни севганинг учун кечасан.  
**Фармон** — Ер севалмаган юрак, ални севаолмайди, хон. Мен  
**Хон** элизмини ёр севгандай севаман. Ёрни эса, элизмайд...  
**Мастура** Балиқ сувсиз яшалмагандай, мен Мастурасиз ҳеч...  
*(Пауза, Мастурани әргаштириб Бүғдо кирип  
 келади, Мастура Фармонни құчоқлада олмоқчи.  
 Лекин ўзини зұрға тутади, оғир-оғир хон ол-  
 дига юради).*  
**Хон** — Бу уста сенсиз яшалмайман, деялти. Сен нима  
**Мастура** дейсан, Мастура?  
**Хон** — Мен ҳам шундай, улуғ хон. Фармонсиз ерда мен  
 офтобсиз гулдай сұламан. (*Тиз букиб*)  
 Раҳминг келсин, ая, хон.  
 Мени ёрдан айирма,  
 Азоб берсанг, бирга бер,  
 Бирға ўлдир, бирга күм...  
 Сендан ўзга тилак йўқ! (*Пауза. Хон ўзидан-ўзи  
 бўғилгандай, ерга чўкар, яна туриб*)  
**Хон** — Тур, Мастура. (*Мастура турар*)  
 Тилагингни бердим ёринг блан бирга яша. Қанча  
 қаттол бўлсам-да, сени кўриб әриб кетдим...  
*(Титраб) Аллақандай кўзга кўринмас ва узулмас  
 ипак-ип блан менинг қўлларимга тушов солган  
 әдинг... (Қадалиб) Оғанг Рустам ҳам шу туфайли  
 омон юрган эди. (Қаттиқ) Энди мен ҳам бўшал-  
 дим, энди қайта келиб яна тилак сўраб юрма.  
 Тирноқларимдан оққан қон кўзингга олсв бўлі б  
 кўринса, ётанангни титратса, уволи ўзингга бўлсин.  
**Мастура** — (*Такаббур*) Оғам, жигарим... Агар у бекувват  
 бўлса, шунча одамларни әргаштириб отланармиди?  
 Майдонда кучлик хонни тўсармиди? Ўлим блан  
 олишаётганини ўзим ҳам яхши биламан.  
**Хон** — Мастура! Сўзга келганда, оловдан баттарсан,  
 жавобларинг тез отилган садоқ ўқидай, юракка  
 тўғри қадалади. Мен тилагингни бермай ўтириб-  
 маними? Ёки мени ҳали ҳам қаттол демоқчимисан?  
**Мастура** — Хон!  
**Хон** — (Сўзини бўлиб) Бўлди, Мастура. Яна эсингга солай:*

Шамол тургандаги ўт блан ўйнашма, яралық арслон блан ҳазиллашишни қўй. (Пауза) Уста, сен ютдинг, мен бу ўйинда ютилдим.. (Титраб) Ютилдим, Мастура энди сеники. (Уқрайиб) Энди не дейсан?

- Фармон  
Хон
- (Сал эгилиб) Не дейишими хоҳлар эдинг?  
— (Калтираб) Саройни битказ, гумбазини ўрнат, тезроқ бўлсин. Кўрган сайин тўлқунланган кўнгил тинчидиган бир аломати, хосияти бўлсин, уқдинигми?
- Фармон  
Хон
- Адл сўзладинг, хон... Мен ҳам худди шу мақсадда тез битиргайман.  
— Боринг! (Кўлини кўтариб, кейин қулагандай чўрт-ўтириб қолади, Фармон блан Мастура кетар)
- Буғдо
- (Ўз-узига) Эй яратган, хон қаҳридан сақла, унинг чидамига, чидам қўш, меҳр бер. (Хон азоб ицида, ўз-ўзини тутмоқчи, лекин ёрилиб жетгудай. Бошини аранг кўтариб Мастура чиқиб кетган эшикка қараб қолади. Кейин ўт ёнган кўзларини зўрга турган Буғдога ташлар).
- Хон  
Буғдо  
Хон
- Сен нимадан қўрқдинг, Буғдо, менданми?  
— (Оҳиста) Ҳа, жаноб... Тусинг ўзгариб кетди, хон.  
— Ўтири, кекса дўстим, кел. (Буғдо ўтиради) Шунча ёшга етгунча, бандасига сир айтган эмасман. Эй менинг узангидош, шеригим, сен ҳам эшитган эмассан.
- Буғдо  
Хон  
Буғдо  
Хон
- Рост, хон эгам.  
— Биласанми, Буғдо, менинг тангрим—қай тангри?  
— (Бошини чайқаб) Тушунмаяпман, улуф хон.  
— Ҳа, тушинмайсан... (Пауза)  
Менинг тангрим — тошқин блан довул, аёз блан ёнгин. Муз блан қуюнинг тангриси. Мен ёшлигимдан мана шу қаҳр ва ғазаб тангрисини хоҳлаганман. Шунинг учун ёшлигимдан дарбадар бўлдим, чатқол тоғини оралаб, қоя тошларни қучоқлаб юриб йиғладим... ўзингга ўхшаб, эй тангри, кўкрагимга қаҳр қўй, деб, тилак тиладим. Тилагим қабул бўлди.
- Буғдо  
Хон
- Қаҳр тангриси қаерда бўлади, ҳукмдор?  
— Мен қаерда бўлсам, у ҳам ўша ерда бўлади Мана ҳозир у менинг ёнімда. (Кўкрагига уриб) Ичимда. У қаҳр ва ғазаб оловини ёқиб турибди (Туси бузилади, жин чалгандай сакраб ўрнидан туради. Буғдо ҳам туради) Кек олмасанг, йиғлатмасанг,  
Ёндираман ўзингни, дейди у тангри...  
Жонингга ёв бўламан, ўч олмасанг, дейди у тангри...

Бүгдө  
Хон

Бүгдө

Хон

Айтчи, Бүгдо! (Яна унинг ёқасини бўғиб, тортар)  
Кимдан олай ўчни мен,  
Тангримни қандай юпатай? (Кейинроқ чекинар)  
Жўна ҳозир олдимдан,  
Севгани блан ўтиргандир шум сулув,  
Шундай қилки, туни блан йигласин,  
Кўзларидан ёш ўрнига оқсин қон,  
Ёри ҳам бирга инграсин, бўлмаса, сабр эталмам...

- Не буюрасан, ҳукмдор?  
— Ўзинг эсла, ўзинг топ,  
Тополмасанг ўйимни,  
Умид узгин ҳаётдан.  
Фазабимнинг оғусин,  
Ва қаҳримнинг оловин  
Ўз бўйнингга олакел,  
Сендан олгум ўнимни...
- Куллуқ, жаноб... (Тез кетар, хон ёлғиз уёқ-  
буёққа чўчиб кўз ташлайди, қўлини чўзис, эшик  
томонга боради, ундан ҳурккандай чекинади, ўз  
ўрнига қайтаётганда, тангри шаклига кўзи ту-  
шади, икки қўлини унга чўзган ҳолда, аста-аста  
юриб келади).  
— Кечир, тангрим, гина қилма қулингга,  
Енгалмадим шум сулувнинг юрагин.  
Қайсар уста асли синай, демади,  
Кучлик экан уларнинг ҳам тангриси...  
Қўрққани йўқ фазабимдан иккиси.  
Юрагига сочалмадим заҳримни.  
Бўронимдан ҳайиқсан йўқ икавлон,  
Бири бирин севаман деб турибди,  
Бири учун бири ўламан, дейди,  
Эшитдингми, улуғ тангрим?  
Севги учун юрак керак, меҳрибон,  
Ундей юрак менда йўқку, биласан,  
Сенинг қулинг бўлганда,  
Ва қаҳрингни олганда,  
Юрагимнинг мәҳрин тамом эзганман,  
Ва отганман тийран жарнинг тагига,  
Тўғри сулув учун мен ҳам хуморман,  
Қучоғимда бўғиш қўлдан келади,  
Юлиб, чайнаб, еб қўйиш ҳам келади,  
(Бошини чайқаб)  
Фақат, фақат севалмайман у каби... (Пауза)  
Оҳ, кечиргил... Эй яратган, кечиргил!  
Ўкунимайман тангриларнинг ичидан  
Сени танлаб, сени хоҳлаб олганга,  
Ўлгунимча сенинг қулинг бўламан...  
Кўкрагимга қаҳрингни қуй, яна қуй,  
Одам этма, амринг бажо этмасам.

Сулув қизнинг тилагини бердим мен,  
Баланд гумбаз ва оқ сарой битганда,  
Севганини қатор қўйиб ёнига,  
Иккисин ҳам бошин олар менинг шамширим ..  
Кечир, эгам! (Қотиб қолар, кейин Буғдо киради,  
унинг кетидан қора латта блан ёнилгач олтин  
товоқ кўтарган жаллод келади. Иккави ҳам  
қўрқа-қўрқа қадам ташлаб уй ўртасида тўхтар)

- Буғдо — (Яқинлашиб) Улуғ хон! (Хөн эшитмас, қаттиқ  
роқ) Улуғ хон.
- Хон — (Бурилиб) Келдингми, Буғдо?
- Буғдо — Келдим, ҳам олиб келдим.
- Хон — Нима олиб келдинг?
- Буғдо — Ғош.
- Хон — Бош? (Ялт этиб қараб) Кимнинг боши? Қанин?
- Буғдо — (Жаллодга) Олиб кел! Жаллод хон олдига ке-  
либ, бир тиззасини букиб, лаганини тутуб  
турар)
- Хон — (Лаган устидаги қора латтани олиб ташлар,  
лаганда Зайнаб она боши кўринади) Ҳа, она-  
сининг бошими?
- Буғдо — Шундай, хон.
- Хон — Тузук, Буғдо, ўйлаганим топибсан,  
Менга қарши ўғил туқкан,  
Жуда қайсар қиз туқкан,  
Тилин тортмас, бўйни эгмас,  
Душманимнинг бири эди, бу кампир...  
Яхши жойлабсан, Буғдо!
- Буғдо — (Хурсанд эгилар)  
Сен ризо — тантри ризо, хоним!
- Хон — Хон совғаси — қиймат совғадир,  
Асл мато ташла юзига. (Буғдо оқ ипак ёнади)  
Мастурага олиб бор ўзинг,  
Кўрсатганинг учун ёрингни  
Хон юборган кўрмана дегин...
- Буғдо — Хуб бўлади, улуғ хон.

Парда.

### БЕШИНЧИ МАНЗАРА

(Кеча. Мастуранинг бўлмаси. Қандиллар ёқилган. уй ёргуғ. Парда очил-  
ганда Мастура кашта тикиш блан машғул. Унинг ёнида чўзилиб ётган Фармон  
кўринмар).

- Фармон — Нима тикаяпсан, Мастура?
- Мастура — Онамнинг ҳангомасини...
- Фармон — Онамнинг ҳангомасини?
- Мастура — Ҳа.

- Фармон** — Мен эшитмаган қандай ҳангома?  
**Мастура** — (Кулимсираб) Мен аввал тикиб бўлай, кейин онам  
блан бирга кўрасан.
- Фармон** — (Тўлқунланаб) Йўқ, ҳозир айт.  
Бугунги тун — баҳт туни,  
Олтин қанот хаёлинг  
Олиб учсин мени ҳам,  
Ёлғиз қўйма ҳечқачон.  
Юрагингдан туғилган,  
Тўлқунланган гўзал куй,  
Менинг ҳам куйим эмасми? (Сочидан упар)
- Мастура** — Мен эса сенинг қанотларингда учишни севзман...
- Фармон** — Тушун, Мастура...  
Баландларга толмай учгали  
Ёлғиз сенсан менинг қанотим.  
Мададгорим, ўзингсан, ёлғиз,  
Сени кўрсам, кўзимни босган  
Сур пардалар тумандай учар...  
Ўшапда мен аён кўраман:  
Миноралар, баланд уйларнинг  
Кун тифида ярқирайди гумбази...  
(Мастурани қучоқлаб ўзига тортади)  
Айт, Мастура.
- Мастура** — (Нечундир бироз ўйланар, кейин юзи очилиб.  
теран нафас чекар. Бир қўлини Фармоннинг бўй-  
нига ташлаб, аста-аста сўзлар). Майли, айтай..,  
(Пауза).  
Тун .. Ойдин тун... Читирламас барглар ҳам,  
Оlam тугал ухлар сукут ичида...  
Фақат, хаёл оғушида bemажол  
Онам шўрлик ўтирибди боғида.  
Онда-сонда хўрсинар ҳам уҳ тортар,  
Кўзларидан мўлдир-мўлдир томар ёш,  
Ва тўкилар марварид тоши сингари,  
У сен блан мени йўлар шу замон,  
Ўшал пайт учиб келиб бир булбул  
Чарх уради севган гулин ахтариб,  
Ва сайрайди оҳанг солиб зору-зор,  
Босиши учун юрагининг оловин  
Қанотила ўзин-ўзи елпийди.  
Ундан кейин, учиб бориб у булбул  
Тўғри қўнар онагинам қўлига...  
Ёнган чўғдай ялтираб ёш томади  
Ёулбулнинг ҳам икки гўзал кўзидан.  
(Фармонга қараб) Кўпдан бери юрагимдан  
Шу ҳангома олган жой...  
Сени блан қўшилган кун ҳурмати,  
Атай шуни бошлаб эдим чизгали...
- Фармон** — (У ҳаи қадалиб, ҳаёлчан)

Ажиб гүзәл ҳәәл әкан, Мастурам...  
Ана ўзи, мен ҳам күрабошладим,  
Айтганингнинг айнимабди ҳеч бири...  
(Кулимсираб)

Күрасанми, күэз ташлачи, азизим,  
Жилваланар ажиб гулзор, гул, райхон.  
Ҳаммасидан баланд битта гул ҳам бор,  
Ана, учиб келди ошиқ булбул ҳам,  
Онага боқ! Күэз ёшлари қуримай,  
Гул ва булбул томон қараб жилмаяр,  
Нур ўйнайди юзида, боқ Мастура, күрасанми?

Мастура — Күриб турибман, жоним. (Пауза)

Мен онамнинг устига  
Қизил ипак кийгизаман гулранглик,  
Бошидаги рўмолини бўлсачи  
Кўкимтири ой нурларидан тикаман,  
Шундай ажиб суврат бўлур бу кашта...

Фармон — Соз, жуда соз... (Иккави ҳам кулимсираб узоқларга қараб қолар). Шундай қилиб ўтирганда, онамиз кириб келсая...

Мастура — Нима қиласар эди, севинганидан юраги ёрилиб кетармиди?

Фармон — Аввал мени, кейин сени қучиб-қучиб ўпарди.

Мастура — Йўқ, аввал мени.

Фармон — Йўқ, мени.

Мастура — Майли, аввал сени ўпақолсин. Фақат, тезроқ келса экан (Пауза. Иккави ҳам ҳәәл ичиди жисм)  
Зулайҳо нега кечикди экан?

Фармон — Тополмасдан юргандир.

Мастура — Кечаси қаерга ҳам кетар эди, дейсан? (Фармоннинг қўлини юрагига босиб, бетоқат) Юрагим шув этиб кетди. Бу нимаси, Фармон?

Фармон — Қаттиқ уриб турибди.

Мастура — Худди бирав эзғилаётгандай.

Фармон — Севинарсан.

Мастура — Йўқ... ўхшамайди. (Пауза. Зулайҳо кирап, Мастура сакраб турар) Онамни топдингми, жоним?

Зулайҳо — Йўқ. Хон чақиртириб кетибди.

Мастура — (Овози қалтираб) Хон? Нега?

Зулайҳо — Ма’лум эмас. Кутдим, кутдим. Келмагандан кейин юрагимга қўрқунч тушабошлади. Кейин сизларга айтайин деб келдим. (Фармон ҳам яқин келар)

Мастура — Фармон, нима ўйлайсан бу ҳақда?

Фармон — Сабр этайлик, кутайик. (Қучоқлаб обориб ўрнига ўтқазар, бари ўтирас).

Мастура — (Жуда бетоқат) Қанча вақт ўтди, кўп кутдикми. Зулайҳо?

Зулайҳо — Ҳозир ўтиридикку, ахир.

Мастура — Менга бўлса, худди бир йил утгандай.

- Зулайхо — Сабр эт, Мастура. (*Пауза*)  
 Мастура — Фармон, қалтираб кетаяпман-а. Ортиқ кутишга тоқатим йүқ. (*ўрнидан турар*) Хонга бораман, онамни ўзим излайман.
- Фармон — (*Сакраб турар*) Бұлмаса сен кут, мен борай. (*Бош кийимини кияди*)  
 Мастура — Йүқ, мен бораман, Фармон. Хон күзига қайта күриниш сен учун хатар.
- Фармон — Сен учун хатар әмасми?  
 Мастура — Майли...
- Зулайхо — (*Теразага күз ташлаб, ҳавлиқиши ичиде*) Мастура! (*Фармон ва Мастура бурилар*) Деразага қарангларчи!  
 Фармон — (*Теразуга қараб*). Икки одам ўтди.  
 Мастура — (Яна икки одам ўтди).
- Зулайхо — (*Құрқиб*) Булар ким әкан Мастура?  
 Фармон — Балки ўәзимизнинг одамлар...  
 Мастура — Аста-аста қадам босиб келмакда, одам әмас, худди азройил ўтгандаи.
- Зулайхо — Рост...
- Фармон — (*Бесабр*) Мен билиб келай. (*Чиқабошлар*).  
 Мастура — (*Чиқармай*) Чиқма, Фармон, кутайик. (*Пауза*)
- Зулайхо — Эшитяпсизларми?... Киришмакда-я.  
 Фармон — Эшитиб турибман.  
 Мастура — (*Чидамсиз*) Ким бұлса ҳам тезроқ кирса әкан, нима бұлса ҳам тезроқ күрсак әкан.
- Фармон — Сабр, дейман, сабр.. (*Икки шамширлик одам ва Буғдо киради. Булар ҳайрон*).  
 Буғдо — Бевақт келганимиз учун сұқманг!
- Фармон — Сұқмаймиз, айтавер. Нега келдингиз?  
 Буғдо — Мастура! Севганингга құшилғаннинг шарафига улуғ хон савғо юборди, шуни топширгани...
- Мастура — (*Илгари юриб*) Үқдим, үқдим. (*Құзи чатнаб*) Қайда? Қани? (*Эшик томонға қараб, шу замон товоқ күтарған жаллод кирап ва құлидагини Мастурага тутар, Мастура қотиб қолади, Зулайхо латтани олиб ташламоқчи*)
- Мастура — (*Овозини ўзгартириб, Зулайхонинг құлинини қоқар*)  
 Очма, Зулайхо!  
 Билмайсанми, не бор бунда?  
 Олтин лаган ичиде,  
 Оқ шойининг остида.  
 Бир элнинг юраги ётибди,  
 (*Оқ шойига юзини суреби*)  
 Ҳали у урушдан тұхтагани йүқ,  
 Ҳали у жинлак ҳам совигани йүқ (*Фармонга*)  
 Тинглачи, Фармон!
- Фармон — (*Хурмат блан пешонасини текизиб, оқ шойининг сиртидан ўпар*. *Кейин қулоқ солар*) Рост...

Худди арслон юрагидай урмоқда. . (Үртадаги хонтахта устига обориб қўяди, Мастура эргашиб боради ва оқ шоий устидан кашта тикилган рўмолни қаватлаб-буклаб ёнабошлайди.)

- Мастура — Мұҳаббатим... Қувончим...  
Ёш чоқдаги армоним...  
Шу каштага тикилган,  
Шу каштага чизилган,  
Бари, она, сен учун...  
Қайнаб оққан марварид ёшим...  
Қонли юрак, ўтлик қасосим...  
Шу каштага тугал тикилган,  
Шу каштага тугал чизилган,  
Бари ҳам, она, сен учун...  
(Аста-аста ёнапар. Кашта тикилган оқ шоий рўмоллар ажойиб, гўзал аломатга айлонади. Буғдо ва одамлари ағрайиб қолишар, кўзлари Мастурда. Мастура эса, кўз узмай бош эгпб турар)  
Сизлар нима кутасизлар бунда?

- Буғдо — Хон савғосини қандай қадрлаётганингни тамоша қилмоқдаман, Мастура. (Мастура ўзини ўнглаб олади ва бутун баданига ўт тушгандай тўлғаниб, Буғдо қаршисига бориб тўхтар) Хонинг меним қандай йиғлаганимни тамоша қил дегандир, ростми? (Буғдо индамас) Қара, Буғдо, менинг кўзимда ёш кўрасанми? (Қадалиб қарар)  
Буғдо — (Беихтиёр қараб) Йўқ... Йўқ...  
Мастура — Агар кўрмаганингни-кўрдим деб борсанг, гўрингда тўнғуз қўлгин, алжиган чол!  
Бир-бирига қадалиб қолишар)

Парда.

### Тўргинчи парда

### Олтинчи манзара

Кундуз. Янги битган гумбазлик саройининг бир томони нақшин безакларда ярқираб кўринар. Майдонда аскарлар-посбонлар ҳам иморат қураётган ўзбек усталари. Улар чарчаганларига боқмай, ўзлари яратган ажойиб саройга камол меҳр блан қарашмокда. Ҳамманир кўзи юқорида. Олдинги қаториа турганлар орасида — Катрон, Зулайхо, Мастуралар бор. Фармон гумбаз тепасида сувгги ишларни битирмакда.

- Зулайхо — (Бир қўли блан Мастурани ушлаган, кўзи юқорида) Мастура! Қандай баланд манора! Фармоннинг қандай қилиб боши айланмай турган экан-а?  
Мастура — (Кўзи юқорида) Боши айланса, баланд кўкни севармиди у? У юқорилаган сари қувват олади.  
Зулайхо — Ҳозир нима қиляпти?

- Мастура** — Ҳозир гумбазнинг уртугини олади.
- Зулайхо** — (Кувониб) Тезроқ олса экан! (Пауза). Ана... ана, олди! (Жуда шод) Худди булат остидан чиқкан қуёшдай ярқираб, ёруғлиқ тўймакда.
- Катрон** — (Марок блан) Боракалло, болам, кўп яша.
- Овозлар** — Боракалло, Фармон! Узоқ умр кўр!
- Мастура** — (Ўзига-ўзи) Эл тилаги қабул бўлиб, узоқ умр кўрсинг у... (Кўзида ёш кўринади)
- Катрон** — (Мастуранинг қўлидан ушлаб) Қизим, бу қандай кўз ёши янга?
- Мастура** — (Кулимсираб) Ёп борми кўзимда, ота? Қўзини артиб, қўлига қараб) Бу — севинч ёши, ота!
- Катрон** — Севин қизим, бугун севинадирган кун.  
(Юқори қараб салмоқ блан)  
Топтолган ер—тупроғи  
Юксалди мана қайтадан.  
Кулаган олтин гумбази  
Яралди мана янгидан.  
Энди яна қуламаслик учун яратдик.  
Ҳар томони аччиғ терга, қайноқ ёшга ийладик.  
(Бошқаларни кўрсатиб)  
Қара, қизим, ҳамманинг ҳам кўзида бир қувонч бор.
- Мастура** — (Кўп кўзларга қараб), Қандай яхши кўзлар...
- Катрон** — Қанча-қанча кўзлар мана шундай (Олисга қараб)  
Анов тоғлардан, ўрмонлардзин кирпи қоқмай қараб турибди, ҳаммасининг юраги бир хил уради...
- Мастура** — Ростми, ота?
- Катрон** — Рост.
- Мастура** — Сиздан бир тилагим бор, ота.
- Катрон** — Айт, болам.
- Мастура** — Бир кезлар Фармонга ишонмай, ўлимга буюрган эдинг, ростми, ота?
- Катрон** — (Ранги бузилиб) Рост.
- Мастура** — Шундай экан, энди фотиҳа бер ўғлингга, отажон!  
Тоғлардаги, ўрмонлардаги жам'и ўзбек дуога қўл кўтарсин, болангга узоқ умр тила, отажон!
- Катрон** — (Мастурага оталиқ меҳри блан узоқ тикилар ва пешонасидан ўпар, кейин бурилиб тепага қарар) Болам!
- Фармон** — (Тепадан) Лаббай ота!
- Катрон** — Қўлингни оч, элингнинг дуосини ол! (Катрон қўл очади, бутун юрт унга қўшилади) Ота тилагини қабул эт, эй қодир мавлон! Душманга ўлим бер, ёшларга умр бер, туганмас файрат бер, обрў бер, эл тилагини қабул эт, эй парвардиғор.
- Овоз** — Омни!
- Катрон** — Меҳнатини яксон қилма, армонда қўйма, қисқа тун бер, узоқ кун бер.

- Мастура** — Омин!  
**Овоэлар** — Ё омин! (Хамма фотиҳа қилар, шу пайт бир түп аскар блан чолормон келади).
- Чолормон** — Хон келмоқда, тарқанғ! (Найзаликлар одамларни ҳайдар, ҳамма кетар. Ёлғиз қолган Мастура янги саройга кириб йүқ бўлар) Гиламни тұшанғ, (Тез гиламлар тұшайдилар. Довулчилар ҳурмат! учун довул қоқадилар. Хон блан Бугдо келади. Аскарлар найзаларини баланд ушлаб, бир тизларини чўкиб қарши олишар).
- Аскарлар** — (Бир овозда) Улуғ хоннинг қадами хайрлик бўлсин.
- Буғдо** — (Хон номидан) Айтганларинг келсин.  
 (Аскарлар тураси, Буғдо хонга қараб)  
 Саройинг битди, ҳукмдор! Муборак бўлсин!
- Хон** — (Совуқ. Баландга қараб тураси, кейин Буғдога)  
 Бери кел, Буғдо! (Буғдо яқинлашар) Бу саройнинг эгаси ким, Бугдо, биласанми?
- Буғдо** — Албатта биламан, хон эгам, ўзингсан.  
**Хон** — Тепага қара! (Буғдо қарайди). Олтин гумбаз<sup>3</sup> ярқираб, кўзларнинг нурини ўғирламоқда. Ҳудди узоқлардан менга қарши ёв чақираётгандай баланд... Кўраяпсанми, қандай шумлик!
- Буғдо** — Тўғри дейсан, хон, эгам! Туси қандай совуқ!  
 Бир нимаси етмай тургандек.
- Хон** — Тўғри пайқабсан, Бугдо! (Бўлиб-бўлиб)  
 Қутириб эстган ел етмай турибди,  
 Елда гуруллавчи ёнгин етмай турибди,
- Буғдо** — (Кўрқиб) Нима деясан, хон, эгам?  
**Хон** — Кўзларимга фақат ёнгин кўринади. Қулоғимдан бўроннинг инграган овози кетмайди... (Овози қалтираб)  
 Гумбазинга ёлқинлардан туғ қадаб,  
 Тангрим учун ўч олсам, деб турибман.  
 (Яна юқори қараб) Анаビルар ким?
- Буғдо** — Уста йигит блан Мастура шекиллик.  
**Хон** — (Туси бузилиб) Мастура... уста йигит... Улар ҳам узоқларга қараб турибди... (Қутуриб).  
 Ўт қўйунглар, ўт! Армонларига эришсин, бирга ёниб, гумбаз блан бирга қуласин!
- Буғдо** — Сабр эт, ҳукмдор, сабр эт. Жазолаш учун олдингга олиб тушай. (Икки қуролли йигит блан саройни айланаб кетар, қайтиб келар, ғазаб блан юқори қараб) Эй уста, пастга туш!
- Фармон** — (Тепадан) Йўқ, тушиш мумкин эмас.  
**Буғдо** — Хон амри.  
**Фармон** — Вақтим йўқ.  
**Хон** — Нима деяпти?  
**Буғдо** — Тушмайман деяпти, хон, эгам!

- Хон** — (Бақириб), судраб туширинглар бўлмаса.  
**Буғдо** — (Кийналиб) Эшиклари берк, хон, эгам.  
**Хон** — (Кутуриб) Бузинглар, қийратинглар.  
**Фармон** — (Тепадан) Оввора бўлманг, жоҳил хон! Бу—хон саройи эмас, қон саройи... Эшиклари очилмайди.  
**Хон** — Садоқчилар буён! (Бир тўп садоқчилар хон ёнига келиб қизилар)  
**Мастура** — (Тепадан) Ана, ана... Тоғдан юлдуздай оқиб келади.  
**Фармон** — (Қувониб) Шамширларини қара, яшиндай ярқираб келади. (Пастдагилар ҳайрон, тинглашар)  
**Мастура** — Аван қуюн нима, Фармон?  
**Фармон** — Қалин одам тӯзони. Булутдай қуюлиб яқинлашмоқда.  
**Хон** — (Захарли) Нима кўряпти булар?  
**Буғдо** — (Тепага) Эй, нима кўряпсизлар? Келаётган ким?  
**Фармон** — Уч шамширин чопгучилар келмоқда. Эрк олакелмоқда. Кўз туting!  
**Хон** — Эй Мастура! Баланддан қуламай туриб, сўнгги тилагингни айт!  
**Мастура** — (Жуда шод) Эрк! Эрк...  
**Хон** — (Буғдога) Бирорни чақиряптими у, ё, мендан тилак тилаяптими?  
**Буғдо** — (Юқорига ишора қилиб) Чакирипти, хон, эгам. Кулимсираб, кўз тикишларини кўрмаяпсанми?  
**Хон** — (Кутуриб) Садоқ! (Садоқчилар отади) Қуладими?  
**Буғдо** — Йўқ, хон, эгам.  
**Хон** — Яна. (Садоқчилар яна отади) Қуладими?  
**Буғдо** — (Титраб) Йўқ... Ҳукмдор!  
**Хон** — Тегмадими?  
**Буғдо** — (Чекиниб) Тегди, тегди...  
**Хон** — Нима бўлди?  
**Буғдо** — (Хонга сифиниб) Ҳукмдор... Сақла мени, ҳукмдор. (Садоқчилар чекинабошлар)  
**Хон** — (Чўчиб аскарларига бурилади, Титраган овоз блан) Айтсанларчи, не бўлди? Тушинтирад жон борми? (Посбон тепага қараб қувонади, югуриб хон ёнига келади.)  
**Посбон** — Ажаб бўлди, хон, ажаб... Иккавининг танаси кўк мармар тусига кириб, қотиб қолди. Мангалик қуламас учун бир-бирин қучоқлаб қотиб қолди. Кўзларида қўвонч чўфи сўнган йўқ, ҳали ҳам олисларга қараб туришмоқда. Сулув қизнинг қора сочлари елда таралиб, уста йигитнинг бўйнига ўралмоқда. Ботар куннинг шу'ласи манглайн упиб ўтгандай, қаранглар, отилган садоқ ўқлари сарғайиб олтин

- Хон бўлди. (*Қўлини кўтариб*) Бу қандақа тамошо? Бу қандақа ажиб ҳол?
- Хон — (Кўзи чатнаб, юқори қарап. *Кейин посбонга*) Сен кимсан, эй ёш йигит?
- Посбон — Танимайсанми, хон? Мен ёшлик қўшуқчиси... (*Карнай овози, ва ҷалингган чапакларнинг сурони яқинлашар. Хон ва ғодамлари ҳам қулоқ солар.*)
- Хон — Бу не сурон, не овоз?
- Посбон — (Дадил ва байрон) Бу Рустамнинг сурони! Туққан ерни бўшатгали,  
Қонни қон блан ювгали,  
Йўлбарслардан от миниб,  
Яшинлардан қамчи ушлаб,  
Сени излаб келмоқда, улуғ хон. (*Карнай ва сурнай жуда яқин қолди. Хон аскари блан иккинчи томонга сурилаборади. Уз ўрнида қолиб юқорига ҳурсанд кўз ташлаб турган фақат посбондир. Сахнадан қувилган ҳалқ қайта киради. Ҳамманинг кўзи юқорида, ҳамма гумбазга меҳрибон боқар. Сурон кучаяди, хон аскари блан кўринмай кетади, посбон қўлини гумбазга кўтариб*)  
Мастура!
- Сен кўзладинг, мен отайин,  
Севги ёвин қулатайин,  
Ранжима мендан сулув қиз!  
(Хон кетган томонга садоқ тутуб мўлжал олади. Тенага мароқ ила қараган Қатрон, Зулайҳо ҳалқ ичида кўринади. Қуролли одамлар сахнага тўлабошлар, ҳамманинг кўзи гумбазда).

Олмаста, 1944 йил.

Қозоқчадан таржима: *Миртемирнаки*

## БЕКМУРОД ШОИР

Халқ ўртасида кўпдан бери ўз асарлари блан хизмат этиб келаётган, лекин яқинда танилган халқ шоирларидан бири Бекмурод Журабой ўғлидир.

Бекмурод шоир 1888 йилда Нурота райони Қўтир қишлоғида камбағал дәҳқон оиласида туғилган.

Бекмурод ёшлигига ўз қишлоғи ва қўшни қишлоқларга келиб, халқ ўртасида достон ва термалар айтиб юрган халқ шоир-достончиларининг достонларини тинглайди. У, шоирликка жуда қизиқади. Унинг шоирликка бўлган ҳавас ва қобилиятини сезган Қурбон бахши уни шогирдликка олади. Бекмурод, Қурбон бахши кўлида тарбия кўради.

Ёш Бекмурод устози Қурбон бахшидан бирқанча достон ва термаларни ўрганади. 2 — 3 йил тарбия кўриб, мустақил достончи шоир бўлиб етишади.

Бекмурод шоир ижодига устози Қурбон бахшининг ўргатган достонлари ва амакиси Мулла Нурназар қиссалари катта та'сир кўрсатган.

Бекмурод дәҳқончилик ҳам бахшилик касбини давом этдиради. У халқ ўртасида: «Бекмурод жиров» ва «Жиров бобо» номи блан машҳур бўлади.

Бекмурод бахши ўз достон ва термаларини 6 — 7 куй блан дўмбира ёки қўбизда куйлайди. Ҳозирда Ўзбекистонда яшовчи бахшилар ичида қўбиз блан достон айтиучи достончини билмаганимиз учун ҳам Бекмуроднинг ижоди алоҳида аҳамиятга эга.

Бекмурод шоир репертуарида бўлган достонлор шулар: «Ал-помиш», «Кунтуғмиш», «Қиронхон», «Аҳмаджон» ёки «Якка Аҳмад», «Гўрўғлиниң туғилиши ва болалиги», «Райҳон араб», «Ҳасанхон» («Даллихон»), «Гўрўғлиниң Авазни олиб келиши», «Авазхон», «Қундуз блан Юлдуз».

Бекмурод шоир 1930 йилда колхозга киради. Колхозчилар орасида достон айтиб, уларни ботирлик, ватанпарварлик, меҳнатсе-варлик руҳида тарбиялайди.

Бекмурод шоир Катта Қўрғон сув ҳавзасини қуришда ҳам актив қатнашди. Қўлига кетман олиб ишлади. Сув ҳавзасини қуручи колхозчилар эса, Бекмурод шоир қўлидан кетманни олиб, ўрнига дўмбирасини тутқизар эдилар. Бекмурод шоир ўз сан'ати блан ҳам колхозчилар орасида олқишига сазовор бўлар эди.

15 ёшда душман ўпкасин сиқкон,  
20 да бошига давлат күнған.  
Туркманинг элига бошлаб хон бўлған,  
Қўриб нечов онинг қилғон ишини  
Шундан ҳаржимининг ҳам кўнгли тўлғон,  
Та'рифини айтканминан етолмас,  
Ботирликка бундан одам ўтолмас.  
Бошдан оёқ юнинг қилғон ишини,  
Кеча-кундуз ёсса, киши битолмас,  
Бир умрига душманминан чайқашган.  
Нечамен олишган отин айтмасдан.  
Айтганинан соф бўлмайди сифати.  
То ўлгунча душманминан айқашган.  
Ер юзинда кўймай кўрган шахрини  
Душманларга доим тўккан заҳрини  
Икки боласи ҳам 40 йигитнинг  
Олиб берган ҳаммасига парини.  
Нечовлари юзга чиқмай ётканди,  
Неча бир хуф'я бўлган сўзлари  
Эши тамиз қулоқминан, кўрмадик,  
64 достон қиб та'рифин битканди.  
Шулар ҳам дейишади қўйғон битолмай,  
Оник айтиб та'рифига етолмай,  
Неча бир хуф'я бўлган сўзлари,  
Ташлаб кетган ўхшар баён этолмай.  
Жойин айттар тов бошинда Кўргон, деб  
Айтиб бўлмас дейди они ўлган деб  
Агар шоир бўлиб айтса та'рифин,  
Хозир ҳам айтади — хозир бўлғон деб».

## ОЛТИН БАЛИҚ

(Эртак)

Бурун замонда Лочин шаҳрининг подшоси тушига олтин балиқ кириб, ўнгидаги унга меҳр қўйиб қолди ва вазирларига буюрди:

— Олтин балиқни топиб келмасаларинг, ҳаммаларингни ўлдирман.

Вазирлар эир югуриб, дар'ё лабига бордилар, унда узоқ овқилдилар, аммо олтин балиқни тутишнинг иложи бўлмади.

Шу шаҳарда ота-ўғил камбағал балиқчи яшар эди. Бу хабар улар қулогига етганда, чол ич-ичидан суюниб, ўлади: «Олтин балиқ менинг тўримга илинса, подшодан асл ин'омлар олар эдим». Чол, шундай деди-ю, дар'ё бўйига бориб, тўрни сувга ташлади. Тўрга олтин балиқ илинди. Балиқчи чол суюнди:

— Уғлим, балиққа қараб тур, мен шоҳга хабар қиласай.

Чол кетди. Бола қолди. Олтин балиқ болага ёлборди:

— Хой, яхши бола, — деди у, — мени шоҳ қўлига тутқизма, ўлдиради.

Бола балиқнинг гапирганига ҳайрон қолиб, уни дар'ёга қўйиб юборди:

— Бор, эркин сузиб юравер!

Тезда шоҳ етиб келди.

— Қани олтин балиқ.

— Дар'ёга қўйиб юбордим, — деди балиқчи бола.

Шоҳнинг жаҳли чиқиб, ер тепинди. Унинг лашкарлари болани маҳкам ушладијар.

— Уни олтин балиқ кетидан дар'ёга улоқтиринг, балиқларга ем бўлсин! — деб буюрди шоҳ.

Болани дар'ёга улоқтиридилар. Тўлқинлар уни узоққа олиб кетди.

Чол ҳўнг-ҳўнг йиғлаб, дар'ё лабида ёлғиз қолди.

Дар'ё қутурар эди. Бола кўзини очганда, аллақандай эгасиз кичик қуруқликда — оролда ётар, ёнида уни қутқарган, ундан салтироқ навқирон йигитча турар эди.

— Кўзингни оч, дўстим, — дерди у.

Улар дўст бўлишди. Дўстлар худди бир ёнгоқнинг икки палласига ўхшар эдилар.

Икки дўст овқат излаб, нари кетишди.

Қирғоққа каттакан боғ ёндашган эди... Ёш балиқчи дўстидан нарида боғ кезиб бораркан, қўққисдан кичкина оролнинг эгаси Алвости учради.

— Ассалом, — деди бола.

— Ҳап, саломинг бўлмаса, бир ялмаб ютиб юборар эдим, — деди Алвости ўқрайиб. Сўнг ёш балиқчини қоронғу ертўлага олиб кирди.

— Марҳамат, истаганингча овқатлан.

Балиқчи жуда оч эди. У сўради:

— Хўш, бу марҳамат эвазига мен нима қилиб бераман?

— Бир соатлик хизматимни қилиб берасан, — деб жавоб қилди Алвости.

— Хўп, — деди бола.

Улар арқон ва қопчиқ олиб, бир қудуқ лабига бордилар.

— Белингга боғла, — деди Алвости арқонга имо қилиб, — қудуққа тушасан.

Бола арқонга осилиб, қудуққа тушди. Қирқ қулоч келадиган қудуқнинг ичи кенг бўлиб, таги каттакан ҳазина эди. Алвости-нинг амри блан балиқчи асл тошлар ва гавҳарларни қопса солиб берди. Алвости қопни тортиб олди-да, қудуқ оғзига тош там-балади.

— Арқонни ташланг, амаки, мен чиқиб олай! — деб қичқирди балиқчи.

Алвости уни мазах қилиб, қаттиқ кулди-да, йўлига кетаверди. Балиқчи бола зим-зиё қудуқ ичиди қолиб кетди. Чиқишнинг иложи йўқ эди. У ҳазинани кезиб юриб, одам суюкларини кўрди. Балиқчи буларнинг қудуқдан чиқолмай ҳалок бўлган бахтсизлар эканини билиб, қўрқиб кетди.

Орадан беш кун ўтди. Бола оч ётаверди.

Қимматли тошларни сотиб қайтган Алвости қирғоқ лабида ўлтирган ёш йигитга йўлиқди.

— Ассалом, — деди йигитча.

— Ҳап, саломинг бўлмаса, бир ялмаб ютиб юборар эдим. — деди Алвости. — Юр, мен блан!

Йигитчани эргаштириб кетди. Улар каттакон ертўлага кириб бордилар.

— Марҳамат, — деди Алвости, — истаганингча овқатлан.

— Айтингчи, бу марҳаматлар эвазига мен сизга нима қилиб бераман? — деб сўради йигитча.

Алвости тезда қимматли тошларни олиб савдогарларга элтиши керак эди.

— Бир соатлик хизматни бажарасан, — деди.

— Хўп, — деди йигитча.

Туш пайти эди.

Улар арқон ва қоп олиб, қудуқ лабига бордилар.

Йигитча арқонга боғланиб, қудуққа тушди ва излаб юриб, ҳушсиз ётган балиқчи дўстини топди.

— Тур, мен келдим, — деди у.

Балиқчига жон кирди. Йигитча қўйнидан дармон давосини чиқариб, балиқчига едирган эди, у қувватга кирди.

— Энди қопга кир, — деди йигитча. Сўнг юқорига қараб, — тортиңг! — деб қичқирди.

Бетоқат кутиб турган Алвости суюна-суюна, арқонни тортиб олди-да, орқалаб жўнамоқчи бўлди. Бу чоқ уни қимдир хиппа бўғди ва дас кўтариб, қопга тиқди.

— Улдирма, сўрайман, — деди Алвости.

— Қудуққа тушасан.

Қопга солингган Алвости қудуққа тушурилди. Йигитча уни кутиб турар эди.

— Ўзинг қазиган гўрга ўзинг кириб ёт! — йигитча шундай деди-ю, арқонга боғланди. — Торт!

Теъза у ер юзига чиқди. Дўстлар топишиб, нари кетишиди.

Улар Алвости қайиғида сузиб, катта ерга чиқдилаар. Даشت... Уларга бир подачи йўлиқди. У деди:

— Шоҳимиз баҳтсизликка учраган. Унинг дун'ёга довруғи кетган яққа-ю ягона сулув қизи, туғилган кунидан бери гунг бўлиб юради. Шоҳ, ким қизимни бу балодан халос қилса, уни ўшанга қаллиқликка бераман, деб бутун ўлкага жар солдириди. Шундан бери қизни гапиртиргани кўпдан-кўп ошиқ келди, аммо шартини удда қўлолмади, бошидан айрилди. Қиз бечора ҳамон гунг.

Икки дўст баҳт синаబ кўрмоқчи бўлиб, шаҳарга киришиди. Шоҳга қудуқ-дазинадан олиб чиқилган асл гавҳарлардан ҳадъя этиб, тилакларини баён этдилар.

— Хўп, — деди шоҳ.

Қиз қасрига яқинлашганда йигитча балиқчига деди:

— Аввал мен баҳт синаబ кўрай. Агар омадим келиб, гапиртираолсан, ўлжани тенг бўламиз, хўпми?

— Хўп.

Балиқчи кўнди. Йигитча қасрга кирди.

— Қайт, ҳалок бўласан, — деб қичқириб қолишди канизлар.

Йигитча писанд қилмай, тўғри малика олдига кириб борди-да, деди:

— Салом, келинойи!

— А! — Малика ғазабидан қичқириб юборди. Бу унинг биринчи марта оғиз очиб, гапирмоқчи бўлиши эди.

— Мен сизни дўстим балиқчи йигитга олиб бергани келдим.

Малика ғазабланиб, тўлғонди, аммо бир оғиз ҳам гапирмади.

— Ризо бўлинг! — деб буюрди йигитча.

Малика индамади. Йигитча қилич суфуриб, уни чопгани ташланди, қўрқкан малика қаттиқ «Вой-дод!» дея додлаб юборгани эди, дод зўридан икки бошли илон унинг оғзидан отилиб ерга тушди. Йигитча илонни чолиб ўлдирди.

— Розиман, — деди малика ва узугини чиқариб берди.

Шоҳ узукни кўриб, ўзида йўқ хурсанд бўлди ва қизига қўшиб, тулпорини ҳам тақдим этди.

Шаҳарда ўйин-кулги, тўй-тамоша бошланди. Қиз блан йигитлар тулпорда дар'ё ёқасига бордилар.

— Энди хайрлашамиз, — деди йигитча.

— Нарсаларни бўламиз, — деди балиқчи. — Отни ҳам, қизни ҳам ўзаро баҳам кўришамиз.

— Раҳмат, — деди йигитча. — Қиз ҳам сеники, от ҳам сеники, давлат ҳам. Сенинг яхшилигингга мендан қайтгани ҳозирча шу. Омон бўл!

Шундай деди-ю, у олтин балиқ қиёфасига кириб, сувга шўнғиб кетди.

— Омон бўл! — деб қичқириб қолди балиқчи ва унинг бир маҳал ўзи қутқазиб юборган олтин балиқ эканини англади.

Сўнг тулпорга миниб, ўз элига қараб от чоптириб кетди. Қирғоққа қўнгандан, ўғлини эслаб, йиғлаб ўлтирган чол отасини кўрди.

— Ассалом, ота, — деди бола чолни бағрига босиб.

Ўғлим, — деди суюнганидан кўз-ёш тўкиб чол. У ўғлини ва келинини ўпди.

— Қўша қаринглар.

Улар балиқчи уйида узоқ умр кўриб, мурод-мақсадларига етдилар.

Е. Э. БЕРТЕЛЬС

СССР Фанлар Академиясининг  
корреспондент-а'зоси.

## УНИТИЛИБ КЕТГАН Х АСР ШОИРАСИ

Ўрта Осиё халқлари адабиёти тарихига доир бизгача етиб келган энг қадимги тазкиралардан бири Саидиддин Мұҳаммад Ауфийнинг<sup>1)</sup> «Лубобал-албоб» («Қалбларнинг қалби») асаридир. Ўнда жуда ажойиб шоира Робиа бинт Ка'б Қиздорий ҳақида мароқли ма'lумотлар сақланиб келган. Ауфий Робианинг ше'рларидан түрг парча келтиради ва унинг форсча ҳам арабча ёзилган ишқий лирикаси блан шуҳрат топгани ва фожиали равишда ҳалок бўлгани тўғрисида сўзлайди. Ауфийнинг кўрсатишича, Робиани, ёзган бир рубойисига нисбат бериб, «Магаси рўйин» («Тилла пашша») лақаби блан атаганлар (бу рубойини биз кейинроқ келтирамиз). У, Робиани ғазнавийлар доирасидаги шоирлар тўпига қўшади. Броқ у ғазнавийлар доирасига киритилса, унинг ҳаёти 999 йилдан кейинги даврга, я'ни XI асрга мансуб бўлиб қолади.

Машҳур Эрон адабиёти тарихчиси Ризоқулихон Хидоят, Ауфий айтган сўзларни батамом ўз антологияси — «Мажма'улфусаҳо» («Чечан сўзлилар тўплами») га кўчирган. Лекин у, Робианинг Бектош деган қулни севиб қолганини ва бу муҳаббат унинг фожиали ўлимига сабаб бўлганини тўпламига қўшган. Робиа саргузаштини Ризоқулихон «Гулистони Ирам ё Бектошнома» деган достонида баён этган. Достон XIX аср охирида Текронда литографик босмада чоп қилинган. Бу литографияни мен на Иттифоқимизнинг кутубхоналарида ва на Эронда излаб топаолмадим ва шунинг учун у достонни кўриб чиқаолмадим. Лекин, мен, Ризоқулихоннинг ўз достони учун материал қилиб олган ма'хазини топишга муваффақ бўлганман, деб ўйлайман. Бу ма'хаз — машҳур Фаридиддин Атторнинг «Илоҳийнома» деган ва камдан-кам одамларга ма'lум бўлган достонидир<sup>2)</sup> «Илоҳийнома»да талай халқ ривоя ва афсоналари, шу жумладан Робиа ҳақидаги ғоят мароқли ривоя

<sup>1)</sup> Ауфийнинг таржимаий ҳоли бутунлай деярлик нома'lум. Унинг ўзининг айтишича, у ёшлик чоқларини Бухорода кечирган, лекин мўғуллар истилоси вақтида Ҳиндистонга қочган. Бу ерда Султон Насриддин Қубача саройига қабул қилинган, унинг ўлимидан сўнг Элтутмиш даргоҳига ўтган (1228 йил). У XIII асрнинг биринчи ярмасида вафот этган.

<sup>2)</sup> Бу достоннинг эронча текстининг танқидий равишда ишланиб чиққан нашри X. Риттер томонидан 1940 йилда Истамбулда босилган.

сақланып қолган. Бу ривоя худди бир миниатюр романга ўхшаб қолгани, Робиа воқиасининг машҳур сомонийлар шоири Рудакий блан боғлангани ва Атторнинг тексти камдан-кам китобхонларга мұяссар бўлгани сабабли, мен, Ўрта Осиё ҳалқларининг классик адабиёти блан қизиқучи кишиларни бу ривоя блан таништириш фойдали бўлар, деб ўйлайман. Менимча, унинг кўп детальлари ҳалқ ижодиётига бориб тақалади. Лекин барі-бир унда, албатта, тарихий факт элементлари бўлиши керак. Шунинг учун у ривоя ўша йироқ даврнинг адабий ҳаётини характерлаш учун бирмунча материал беролади.

Атторда сақланган ривояни худди ўзидай қилиб баён қилишга киришмасдан аввал, мен бу ерда Ауфийда келтирилган Робиа ше'рларининг аслини ва таржимасини келтираман. Бу ше'рларга қараганда, Робиа жиддий диққат этишга сазовор, бақувват ва оригиналь шоира бўлган.

## 1.

Хабар диҳанд ки борид бар сари Айюб  
Зи осмон малахону сари ҳама заррин.  
Агар би борад заррин малах бару аз сабр  
Сазад ки борад бар ман яке магас рўйни.

«Хабар беришларича, Айюбнинг бошига осмондан боши олтин чигирткалар ёмғирдай ёғдирилган<sup>1)</sup>). Агар унинг сабр ва чидами учун олтин чигиртка ёғдирилган бўлсалар, менга бир тилла пашша ёғдириш керак бўлади!».

## 2.

Маро ба-ишқ ҳаме муҳтамал куний ба-ҳиял,  
Чи ҳожат орий пеши худойи азза ва жаъ?  
Ба-ишқат андар осий ҳаме наёрам шуд.  
Ба-динам андар тоғий ҳаме шавам ба-масал.  
На'им бету наҳоҳам, жаҳим бо ту раваст,  
Ки бету шаккар заҳрасту, бо ту заҳр—асал.  
Ба-руйн иеку так'я макун ки то як чанд  
Ба-сунбул андар пинҳон кунанд наҗми Зўҷал  
Ҳар ойина на дуруғаст ончи гуфт ҳаким:  
Фа-ман такаббара йавман фа-ба'да иззин зал.

1) Қур'он тағсирчиларининг айтишича, Айюбни синаш муддати тугагандан кейин, худо 'унинг устига олтин чигиртка ёғдирилган. У уларни йиғиб олмоқчи бўлганда, ғойибдан: «Шу сенга кифоями?» деган овоз эшиштан. У: «Сенинг меҳр шафқатинг кенглигидан ким бир нарсани кифоя деб айта олади» деб жавоб кайтарган. М. Зелигzon, «Ислом Энциклопедияси» даги Айюб сарнаг ҳали мақола, I т., 233 бет.

«Сен ишқ-муҳаббатда мени ҳийлаларга чидашга мажбур қила-  
стырсан, ажабо худой таоло олдида сен ўзингни қандай оқлайола-  
сан? Мен, масалан, диний ишларда ис'ён қилаолсам-да, лекин  
сенга бўлган ишқимга ис'ён қиласилмайман. Сенсиз жаннатни мен  
истамайман, сен блан бирга дўзахга тушиш мумкин! Негаки сен-  
сиз менга шакар — заҳар, сен блан эса заҳар — асалдир.

Чиройлик юзга сра ишонма, чунки бирқанча вақт ўтгандан  
кейин Зуҳал (Сатурн) юлдузини сунбулларга яширадилар. Ҳарҳолда  
донишманднинг шу гапи ёлғон эмас: агар бирор киши бирон вақт-  
да мағуруланса, ахир учиб бўлганидан сўнг пастлашади».

### 3.

Да'вати ман бар ту он шуд к-и зодат ошиқ кунод  
Бар яке сангин — диле номиҳрон чун ҳаштан,  
То бидоний дарди ишқу, доги миҳру, гами хорий,  
То ба хижр андар бипечний бидоний қадриман.

«Менинг сенга бўлган да'войим шу: худо сени ҳам, худди  
ўзингга ўхшашиб тошюрак, бемиҳр одам ишқига гирифтор қилсин.  
токи сен ҳам ишқ дардини, ихтирос догини, хорлик аламини  
 билгин, токи сен ҳам айрилиқ ўтида қоврилиб, менинг қадримга  
етгин ...».

### 4.

Шақани наиҳун мин-ал-атари,  
Ҳажа суқми ва ҳажа ли тикдари.  
Душ бар шоҳаки дираҳт он мурғ  
Навҳа мекарду мегирист ба зорий.  
Култу ли-т-тайри: лим тануҳу ва табки  
Фи-дужа-л-лағъли ва-и-иужуму дағарий?  
Ман жудоям зи ёр, аз он менолам,  
Ту чи нолий ки бо мусонд ёрий?  
Мак нагуям чу хуни бида биборам,  
Ту чи гуйий чу хуни бида биборий?

«Ингревчи қуш мени қаттиқ ҳаяжонга солди, у менинг изти-  
робларимни оширди, хотиротларни қўзғатди. Кеча кечаси ўша қуш  
дарахт шоҳида оҳ тортиб, зор-зор йиғлади. Мен у қушга дедим:  
«Тим-қоронги кечада сен нега инграйсан ва йиғлайсан, юлдузлар  
қачон ярақлаб нур сочади? Мен — ёримдан айрилганман, шунинг  
учун нола қиласаман, ахир меҳрибон ёринг бўлатуриб, сен ўзинг  
нега йиғлайсан? Мен қонли кўз ёшларимни ёмғирдай тўкканимда,  
сра куйламайман, сен қонли ёшларингни тўкмайтуриб, нега куй-  
лайсан?».

Энди кўрайликчи, Аттор шоирамизнинг саргузаштини қандай баён қилар экан. «Илоҳийнома»нинг 266-инчи ҳикояси шундай бошланади. Балхда Қа'б номли қудратли ва бадавлат бир амир ҳукмронлик қиласр эди. Унинг хашамли саройлари катта-катта боғлар блан қуршалган эди. Бу амирнинг донгти ҳаммаёққа кетган эди. Унинг икки фарзанди — Хорис номли ҳарбий ишда, мерғанлик ва чавандозлик машғулотида маҳорат кўрсатган, жасур ўғли ва Зайн-ал-араб (арабларнинг зийнати) лақабли Робиа деган қизи бор эди. Робиа фақат фавқулодда чиройлик ҳусни блан эмас, балки ше'рий исте'доди, ашуласар тўқиши блан ҳам шуҳрат топган эди. Унинг отаси қариб қолган эди. У ўлимининг яқинлашганини сезиб, бир кун Хорисни ҳузурига чақирди. Балх ҳукмронлигини унга топширди. Ёш Робиани тарбия ва парвариш қилишини буюрди ва қадди-қомати ҳам ҳуснига муносиб донгдор эр топиши кераклигини уқтириди. Қа'б вафот топди, ўғли унинг ўрнини ишғол қилди. Хорис кўкламда бир кун сарой боғида дабдабали зиёфат беришга қарор қилди. Зиёфатга лашкарбошилар, ҳукумат аёнлари чақирилди. Булар орасида унинг ҳазиначиси, гўзаллиги блан кишини ҳайратда қолдирадиган ёш қул — Бектош ҳам бор эди.

Хорис бу йигитга меҳр қўйганди, унга ишонарди ва унинг доимо ёнида бўлишини талаб қиласди. Сомонийлар ва ғазнавийлар замонидаги қўшин ташкилоти тўғрисида қўлимиизда бўлган ма'lумотларни таққослаб, шуни айтиш мумкинки, Аттор Бектошни турклардан чиқсан қул деб ўйлади; бундай қуллар ўша вақтларда ҳокимлар саройида кўп бўлар эди. Ба'зан булар ичидан ҳокимлар етишиб чиқарди: машҳур сulton Маҳмуднинг отаси Сабуктегин, ёки Маҳмуднинг акобири ва яқин кишиси амир Аёз каби.

Боғда зиёфат авжи қизиган пайтда чалғи ва ашула Робианинг диққатини ўзига тортди. У базмдагиларни кўргиси келиб, аста саройнинг томига чиқди ва қўққисдан Бектошни кўриб қолди. Ёш йигит уни шуқсадар мафтун қилди, у шу ондаёқ ихтирос блан бутун кўнглини унга бағишлади. Табиий, у ўз муҳаббатини ҳечкимга очишига жур'ат этмади, чунки йигит блан яқинлашиш тўғрисида ўйлашга унинг олий мавқу'и ва насаби имкон бермасди. У узоқ вақтгача ўз ихтиросини яшириб юрди, лекин барча уриниши бекор кетди. Фам-андуҳ тобора унинг ичини еб ташлади ва ахир правардиди у оғир касалга йўлиқиб қолди. Хорис унинг касалидан огоҳ бўлиб, дарров табибларни чақириди. Табиблар ҳарқанча тиришиб кўрсалар ҳам, бари-бир унинг дардининг сабабини белгилайолмадилар ва бутун муолажа тадбирлари қиз бечоранинг изтиробини бадтарроқ оширди. У дардининг зўрлигидан энтикиб, тоқати-тоқ бўлди ва ахир бир кун ўз сирини доясига очди. Ишқ аламини яхши билган кампир қизга ёрдам беришга қарор қилди. Робиа унинг маслаҳати блан Бектошга хат ёэди, хатга ўз сувратини илова қилди ва дояси орқали уни Бектошга юбортиди. Бектош сувратни кўриб, ақлини йўқотиб қўйди. У бундай чиройлик жононани кўзи тан кўриш уёқда турсин, ҳатто эртакларда ҳам эшитмаган эди. Доя қизиган мактуби Бектошга ўз та'сирини кўрсатганидан унга

дарак берди. Робиа ўз түйғиларини ихтиросли ше'рлар блан ифодалай бошлади ва уларни Бектошга юборади.

Икки ёшнинг муҳаббати тобора қизишиб алганланади. Броқ Робиа йигит блан яқинлашишни ҳеч ҳаёлига кетирмайди. Иттифоқо бир кун у саройнинг даҳлизида ўз ёри блан учрашиб қолди, Бектош унинг кўйлагидан маҳкам ушлади, лекин қиз ундан отилиб чиқиб қочди ва унинг ҳаракатини мисли кўрилмаган жасорат деб тушинди. Бундан сўнг Бектошнинг ихтироси тобора ортди. Лекин уларнинг муносабатлари ҳамон ўзгармаган эди. Робиа ше'р тўқишини қўймади. Саройнинг боғида майсазорни кезиб, уларни ашула қилиб айтади.

Бу ерда Атторнинг огоҳлантириб ўтишича, машхур суфий шайхи Абу Саид ибн Абдулхайр, Робианинг ше'рлари блан танишиб, уларни чинакам самовий муҳаббатнинг энг яхши ифодаси, деб билган. Унинг фикрича, қулга бўлган муҳаббат фақат Бир баҳона бўлиб, Робианинг кўнглида худога бўлган ҳақиқий мистик муҳаббатни қўзғатган.

Орадан кўп вақт ўтмай Хорис урушга кетди. Бектош ундан ажралмай доимо бирга бўлди. Робиа ёрининг жангларда қатнашиши лозимлигини билгач, ўз хашамли саройида қолаолмади. У ўзига яроғ-аслаҳа топиб, жангчи кийимини кийди ва Хориснинг қўшинига қўшилди. Жанг бошланди. Бектош энг хавф-хатарли жойга ўзини урди. У арслон каби урушди, броқ оғир сувратда яраланди. У душманга асир тушиш таҳликаси остида қолди. Робиа унга ёрдамга боришга ошиқди, унга ҳамла қилиб турган душман жангчиларини қувиб юбориб, ярадор йигитни қутқариб олди. Хорис қўшинининг аҳволи ғоят оғир эди, лекин энг оғир дақиқада унинг иттифоқчиси — Бухоро амири лашкар тортиб келиб қолди. Буларнинг кўмаги блан Хорис порлоқ равишда ғалаба қозонди. Жанг тугагач, Хорис унинг севимли қулини ҳалокатдан ҳалос қилган жасур паҳлавоннинг кимлигини билмоқчи бўлди. Қўшинни бирма-бир сўраб чиқиши, лекин уни ҳечким билмаслиги ма'lум бўлди. Буни фақат Бектошнинг ўзигина билар эди, чунки Робиа воқианинг ҳаммасини унга хат блан билдирган эди.

Бектошнинг яраси тузалабошлади. Шу орада Балхга машҳур шоир Рудакий келиб етди. У Бектош блан яқиндан танишди. Бир кун суҳбатда ше'рдан баҳс очилганда, йигит қиматбаҳо қутида сақланган Робианинг ше'рларини унга кўрсатди. Бектош бу ше'рлар ижодчинининг кимлигини унга айтмаган бўлса-да, лекин Рудакий бу ихтиросли қўшиқларни ўқиб кўргандан сўнг, ҳамма нарсадан хабардор бўлди.

Айни шу пайтда Хорис амирнинг унга берган ҳарбий ёрдамига миннатдорлик билдириш учун Бухорога сафарга отланди. Бухоро саройида дабдабали зиёфат ва базм ташкил қилинди. Зиёфатда Хорис амир блан ёнма-ён ўтириди. Зиёфатда Рудакий ҳам бор эди. Шоир амирнинг илтимосига кўра, шуҳрат қозонган бирнечча ишқий ғазалини ўқиб берди. Ўтиришдагилар ғоят завқланиб, унда ҳуда ҳурсанд бўлдилар ва буюк Рудакийга тенг келадиган сўз устаси йўқлигини ва бўла олмаслигини билдирилар. Шу аснода шоир

Робианинг ше'рларини эслаб қолди. Рудакий унинг ба'зи ше'рларини ёддан билар эди. У буларни ўқиб эшилдириб, деди: мен ўзим ҳам ишқий ғазал түқишида ҳечким мендан ўтаолмайди, деб ўйлайман, лекин бу-чи! Ёш шоира қиз кучли ихтирос блан ёнган пайтда, шундай ше'рлар яратадики, улар олдида менинг ше'риятим иш ешолмайди. Ҳақиқатан ҳам у ўқиб берган ше'рлар шуқадар кучл ва ихтиросли эдик, тингловчилар уларнинг юқорилигини этироф этишга мажбур бўлдилар.

Амир: «Ажабо, у қиз ким экан?» деб сўради.

Рудакий амирнинг меҳмони кимлигини билмасдан ёки ше'рга берилиб кетганидан бу саволга унча аҳамият бермади ва шу ондаёқ, бу ше'рлар блан қандай танишганини, Балх амири қизининг бундай ше'рлар ёзишига оташин муҳаббат сабаб бўлганини бирма-бир сўзлаб берди. Хорис бу гапларни эшилтиб, индамай хафа бўлиб ўтираверди ва қалбида алангаланган ғазабини сездирмасликка тиришди.

Хорис Балхга қайтиб келганда, Бухорода бўлган воқиани синглисига ҳеч билдириласликка қарор қилди. У бу гап қуруқ туҳмат бўлса керак, деб ҳалиҳам умидвор эди. Лекин орадан кўп вақт ўтмай у, Бухоро шоири сўзининг ростлигини тасдиқладиган ҳужжатни қўлга туширди.

Биз Бектошнинг Робиа ше'рларини қиматбаҳо қутида сақлаганини юқорида айтиб ўтган эдик. Бектош блан бир ҷодирда яшовчи шерикларидан бири унинг ҳалиги қутини жуда ихтиёт қилганини кўрди ва қути қиматли гавҳарлар блан тўлган бўлса керак, деб гумон қилди. У пайт пойлаб юриб, ахир қутини ўғирлади. Уни синдириб очиб ичиди фақат ёзилган қофозлар борлигини кўрди. Уларнинг давлат сирига оид қофозлар эканидан гумонсираб, қутини ше'ри блан тўғри амир Хорисга олиб бориб, топширди. Шундай қилиб, Хорис Робиани айблайдиган ҳужжатни топди. Мағрур амир ғазабга келди. Унинг парваришига топширилган синглиси, улар авлодининг ифтихори унинг ишончини тилка-пора қилди ва бир турк қулни севиш даражасигача пастлашди! Унингча, гуноҳкор қаттиқ жазоланиши керак. Уша куниёқ Бектошни зинданга солдирди, бу ерда у шармандали жазо вақтини кутиши лозим эди. Хорис синглиси учун ҳаммомни ёкиб қиздириш, қизни у ерга киритиш, қон томирларини кесиш ва ҳаммом эшиғини маҳкам бекитишни буюрди. Буйруқ дарҳол ижро этилди. Бахтсиз Робиа ўз қонига беланди ва ўлаётганда ўз мақбарасининг деворига ўз қони блан сўнгги ше'рини битди. Лекин Хорис Бектошга нисбатан ўз ниятини амалга ошираолмади. Жасур йигит зиндандан қочиш йўлини топди. Кечаси Хорис ўз бўлмасида собиқ мулозимини қандай жазога тортишни ўйлаб турганида, қўққисдан унинг қаршисида Бектош пайдо бўлди. Амир ўз эсини йигиф олгуича, унинг қоқ юрагига ханжар қадалди. Қотил саройга қандай кирган бўлса, уша тахлитда билинтирмасдан чиқиб кетди. Лекин у қочиб қутилишни истамади, унинг учун Робиасиз ҳаётнинг аҳамияти ўйқ эди. У марҳуманинг мақбарасига борди ва унинг остонасида

туриб, амирнинг ўлимига сабаб бўлган ўткур ханжарини ўз кўкрагига санчди.

Атторнинг «Илоҳийнома»сида сақланган ривояда Шарқнинг романтик адабиётида тарқалган бирталай элементлар бор: бунда Хусрав ва Ширин достонидаги сингари муҳаббат қўзғатучи восита сифатида суврат ҳам, жангчи кийимини кийган, ёрини қутқаручи қиз ҳам (эҳтимол бу Зориней тўғрисидаги қадимги саклар романнинг бошқача кўринишидир), эртакларда учрайдиган қон блан ше'р ёзиш мотиви ҳам бор. Айни чоқда бу ривояда традицион тематика доирасига сиғмайдиган бирқанча нуқталар кўрилади. Масалан, икки шахснинг тўқнашишига очиқдан-очиқ социаль ранг берилади. Севишуилар ўртасидаги социаль тенгисизлик уларнинг ҳалокатига сабаб бўлади. Сўнгра, Рудакийнинг ўйламасдан, шошиб айтилган сўзи туфайли сирнинг фош бўлиши реалистик характерга эгадир. Хорисга синглисининг гуноҳкорлигини исбот қилиб берган усул ҳам реалистик характери блан кўзга ташланиб туради.

Шунинг учун Робианинг тамоман тарихий шахс эканига шубҳаланишининг ўрни бўлмаса керак. Унинг юқорида кетирилган ше'лари, афсонада айтилгандай, Рудакий томонидан берилган юксак баҳога жуда мос келади. У ше'лар фоят самимий бўлганлигидан, уларни ёзган авторнинг чуқур ихтиросига ишонса бўлади. Афсонани бошдан-оёқ тарихий ҳақиқат деб билиш, албатта, мумкин эмас. Бунда фактларга кейинги адабий ижоднинг маҳсулоти қўшилган. Лекин Робианинг ҳақиқатан фожиали равишда ҳалок бўлгани бутунлай рост бўлиши мумкин. Бу ерда яна шу ҳол ажибки, унинг ҳалокатининг биловосита айбори Рудакий бўлиб чиқади. Форс адабиёти одатда ше'риятнинг машҳур намояндадарини романтик ривояга, унда қатнашучи шахс сифатида киритмайди. Дуруст, араб шоирларидан машҳур Ваддаҳ номи-блан фожиали ишқий можароларни боғлайдилар. Лекин форс тазкираларида шоирлар тўғрисидаги мутойиба (латифа) ва ривояларнинг кўп кисми, агар та'бир жоиз бўлса, айтиш мумкинки, профессиональ характерда бўлади ва одатда уларнинг шоирлар блан бўлган муносабати ва фаолиятига боғланади. Шунинг учун, Рудакийнинг шоира Робианинг ҳалокатига қандайдир бир муносабати бўлганини э'tироф қилишга тўғри келади. Демак шундай экан, биз бу воқианинг тахминий даврини айтиб бераоламиз. У, Рудакийнинг фалокатга йўлиқишидан аввалроқ я'ни X асрнинг ўттизинчи йиллари тугамасдан илгарироқ содир бўлган. Броқ бу ҳисоб, шонрани газнавийлар доирасига қўшиш тўғрисидаги фикрга қарши келиб қолади, негаки газнавийлар Султон Маҳмуднинг кўтарилишидан, я'ни X асрнинг охиридан кейингина тарих саҳнасига чиқкан здилар.

Халигача, юқорида зикр қилинган манба'лардан бошқа, Робиа тўғрисида гапирадиган ма'каз топилмаганлигидан, бу шубҳаларнинг ҳаммасини ҳал қилиш ҳозирча мумкин эмас. Робианинг ше'лари характер жиҳатидан X аср ше'рияти тўғрисидаги бизнис тасаввуримизга тамоман тўғри келади. Бунга яна шуни қўшимча

## ЎЗБЕК ТИЛИДА СЎЗ ТАРТИБИ

Ўзбек тилида сўз тартиби, унинг қонуниятлари ҳали егарли даражада ёритилмаган масалалардан биридир. Шунга кўра, «ўзбек тилида гапнинг бўлакларини қандай ўринлаштириш керак? Бунда қандай комбинациялар, ўрин олмаштиришлар бўлниши мумкин? Буларнинг қайси бири нормаль ҳолат» («ёпи бир болами? ё, «бир ёш бола»ми?»). Буларда мазмунан фарқ борми?» каби сўроцлар ўз тўлиқ ва аниқ жавобини кутиб туради.

Ба'зи тилларда, асосий фикрни сақлаган ҳолда, гаи бўлакларининг турлича ўрин олмаштиришларини кўрмоқ мумкин (эркин тартиб). Масалан, рус тилида сўзлар тартиби эркиндир: «Я завтра утром пойду гулять» гапидаги сўзларнинг ўринларини турлича олмаштириши блан бирюз йигирма хил кўриниш ҳосил қилмоқ мумкин (қаранг: А. М. Пешковский, Вопросы методики русского языка, лингвистики и статистики, 1930, бет: 175); лекин ҳарқандай эркин тартибининг ҳам чегараси бордир. Айрим ўринларда тартиб ўзгариши фикрни ўзгартириб юборади (Ему сорок лет. — Ему лет сорок). Ба'зи тилларда, чунончи: француз тилида бўлакларнинг бундай ўрин олмоштириши мумкин эмас (боғлиқ тартиб). «Кече Карим менга китобин келтирди» гапидаги бўлакларнинг ўрнини олмаштириб, синтактик ўзгаришсиз, бирқанча комбинациялар тудириши мумкин, бу ўзбек тилида сўз тартибининг, асосий, эркин эканлигини кўрсатади. Бунда тартиб ўзгариши асосий фикрни — фикр материалини ўзгартириб юбормаса ҳам, лекин ҳар гал унинг янги оттенкасини беради. (Менга китобни берди—асосий диққат берилган предметга; китобни менга берди—асосий диққат кимга берилганлигига қаратилади). Шунга кўра, сўзловчи ё ёзучининг стилистик усталиги ҳар гал фикрни ифодалашда юқоридаги бирюз йигирма хил комбинациядан қайси бирининг энг мувофиқ эканлигини, конструкциянинг ҳақиқий ўрнини топаблишдадир.

Тартибининг икки хил роли бордир: 1. Грамматик роли. Бунда бўлакларнинг ҳоким, тобеълиги—синтактик ҳолати тартиб орқалигина белгиланган бўлади. Шунга кўра бундай ўринларда тартиб эркин бўлмайди: тартиб ўзгариши фикрни ҳам, грамматик ҳолатни ҳам бошқача қилиб юборади. (Чоғиширинг: чит кўрпа — кўриша

чит). 2. Стилистик роли. Бунда бўлакларнинг синтактик ҳолати тартибдан бошқа воситалар орқали белгиланган бўлади. (Масалан, сўз формалари — қўшимчалар орқали: У сенга китобни берди). Шунга кўра, бўлакларнинг ўрин ўзгартириши уларнинг грамматик жиҳатларига та’сир этмайди. Бу чоғ ҳалиги турли конструкцияларга йўл очилади.

Тарихий нуқтаи назардан қарасак, қадимда бўлакларнинг грамматик ҳолатларини белгилашда тартиб бош рольни — ҳал қилучилик ролини ўйнаган. Демак, қадимда сўз тартиби қат’ий, тургун бўлган. Эркин тартиб тил тараққиётининг кейинги стадияларида туғилган.

Фикрнинг ўзгаруви тартиб блан ифодаланабермайди. Айрим ўринларда бу фарқ интонация орқали ифодаланади. Масалан: Бу бола кўрди (1—Бу бола кўрди. 2—Бу бола кўрди). Бу машиначи Каримнинг отаси (1—Бу машиначи Каримнинг отаси. 2—Бу машиначи Каримнинг отаси). Учта болали хотин (1—Учта болали хотин. 2—Учта болали 1 хотин). Темирйўлда ётипти (1—Темир йўлда ётипти. 2—Темирйўлда ётипти) ва бошқалар.

Ўзбек тилида тартибининг грамматик роли айрим ўринлардаги надир. Буларни қисқача кўриб ўтайлик:

1. Эга, кесим тартиб орқали белгилангац бўлиши мумкин. Бундай чоқда ўрин олмаштириш аввалги синтактик ҳолатнинг аксини туғдиради. Масалан: 1. Ким айтган? — Айтган ким? 2. Етти кунбир ҳафта. — Бир ҳафта — етти кун.

2. Сифатловчи ва сифатланмиш (қизил байроқ) тартиб ўзгариши натижасида эга ва кесимга айланниб кетади (Байроқ қизил). Яна: куйлаган бола — бола куйлаган.

2. Сановчи ва саналмиш (ўн соат) бўлакларнинг ўрин олмоштириши кесимнинг составини ўзгартираолади. Масалан: соат беш бўлди. — Беш соат бўлди (кетганига беш соат бўлди).

4. Аниқловчи биримада қараткич белгисиз («—нинг» сиз) бўлганда (ўрикнинг гули—ўрик гули), ўрин олмаштириш уларни эга ва кесимга айлантиради (1. Тоғ ораси. 2. Ораси—тоғ). Ҳар икки от қўшимчасиз бўлса, аниқловчи ва аниқланмишлик ҳолати олмашади. Масалан: чарм ботинка (чарм — аниқловчи, ботинка — аниқланмиш: чармдан ишланган ботинка) —ботинка чарм (ботинка — аниқловчи, чарм — аниқланмиш: ботинкага хос чарм).

5. Фе’лли гапда сифатловчи ва сифатланмишнинг ўрни олмашса, сифатловчи фе’лга боғланиб қолиб, ҳолга айланади. Масалан: 1. Мен пиёсиз кабобни яюлмайман. —«Мен кабобни пиёсиз яюлмайман». (А. Қаҳҳор). 2. «Иссиқ-иссиқ чой ичиб...» (А. Қаҳҳор). —Чойни иссиқ-иссиқ ичиб... 3. «Андоқ от ўлати бўлдиким...» («Бобирнома»дан) —От ўлати андоқ бўлдиким... 4. Қалин қор ёғди — Қор қалин ёғди.

6. Тушум белгисиз («—ни» сиз) бўлганда (кинони кўрди — кино кўрди), бу сўз ўз бошқаручисидан (фе’лдан), ажралса, ба’зан эга блан функциясини олмаштиради. Масалан:

16-йил. Жиззах  
Қонларга ботди буткул.  
Она излади бола;  
Күп ёш жонлар бўлди кул. (Фольклордан).

(Бола она излади. — Она бола излади).

Тилнинг ҳамма ҳодисаларида бўлгани каби, тартиб ҳам ўзининг ма'лум нормаларини ўзгартириб туради. Масалан: эски ўзбек тилидаги: 1. «Келдилар олишиб учиди оёқ» (Муқимий) — (Оёқ учиди олишиб келдилар). 2. «Ёғ ишқордан олур-у, қора сувдин қаймоқ». (Турди) — (Ишқордан ёғ олур-у...). 3. «Вайрон кўнгил бинолари бўлганда майлимум?» (Муқимий) — (Кўнгил бинолари вайрон бўлса, майлими?) типидаги ўрин олмаштиришлар букунги тилнинг нормалари доирасидан ташқаридир. Умуман, эски ўзбек тили (айниқса, ше'рий тил) сўзларни ўринлаштиришда аниқ нормаларга эга эмас, бунинг натижасида фикрий хилма-хиллик, табиий бўлмаган конструкциялар туғилиши мумкин.

Букунги ўзбек тилида сўзларнинг ўринлашишида ма'лум қонуниятларнинг борлиги кўриниб туради. Ўзбек тилида сўз тартиби, асосан, эркин, броқ одатда қўлланадиган ма'лум тартиб бордир. Содда тартибдаги, тинч оҳанг блан («эмоциональ оттенкасиз») айтиладиган нутқ шу нормаль ҳолат блан характерланади. (Масалан: 1. Бир дар'ёнинг ёқасида бир чол блан кампир кун кечирав эди (эртақдан). 2. Олма тагидаги скамейкада ўтирган икки ошиқ бир-бирларига роз айтадилар. (А. Қаҳҳор). Прозаик тил шу нормаларга таянади. Бу нормаларга кўра, тобе' сўз (умуман аниқлашга ҳизмат этучи сўз) ҳоким сўздан (аниқланучи сўздан) аввал келади. Бу ҳолат эга, кесим тартибдагина ўзгаради: гулнинг барги, китобни ўқиди ва бошқалар. Бу умумий қоидани гапнинг ҳамма бўлакларига татбиқ этсан, сўзларнинг ўринлашишида қуйидаги ҳолни кўрамиз:

Вақт ҳоли — ўрин ҳоли — эганинг аниқловчиси — эга — воситали тўлдиручининг аниқловчиси — воситали тўлдиручи — воситасиз тўлдиручининг аниқловчиси — воситасиз тўлдиручи — равиш ҳоли — кесим. (Кеча — уйда — а'лочи — Учқун — катта — опасига — «Ханжар» — ше'рини — ёд — ўқиб берди. — Кечада уйда а'лочи Учқун катта опасига «Ханжар» ше'рини ёд ўқиб берди).

Сўзлар ўринлашувидан бу нормаль тартибининг ўзгаруви (инверсия) ҳар гал ўз маҳсус изоҳига эга бўлади: прозаик тилла фикрнинг турли оттенкаларини бериш учун ўзгартирилади; ше'рий тилла ритм, қофия каби ҳодисаларнинг талаби блан ўзгартирилади ва бошқалар. Умуман, «Ҳарбир инверсия эстетик жиҳатдан оқланған бўлиши шарт». (А. М. Пешковский).

Одатдаги тартиб ва унинг инверсияга учраши жиҳатидан ҳарбир бўлак ўз хусусиятларига эга; шунга кўра бу ҳодисаларни гапнинг бўлаклари бўйича айрим-айрим қарайлар.

## Эга ва кесимнинг тартиби.

Одатдаги тартиб: эга — кесим. «Мен қоронғида эшакнинг бўғзига йиғоқ тортиб юборган эканман» (Ғ. Гулом).

Бу тартибининг ўзгариш ўринлари:

I. Тизма ше'рларда шерий талаб натижасида:

Кўлда ўйнар ойниниг шу'лоси.

Ой нурида товланади тол...

(Уйғун).

Бундай ше'рий, стилистик талаб блан ўзгартиш мақолларда ҳам учрайди.

2. Эмоциональ нутқларда, шиорларда фикрни кучли ифодалаш учун (кўпінча, кесими буйруқ бўлган гапларда): 1. Тўпкончали йигит сўради: — Нима бу? (А. Қаҳкор). 2. Ахир нима қиласай? Хўжайнинмни ўлдириб, пулани олайми? **Фалатимисан** ўзинг? (А. Қаҳкор).

3. Кўчирма гапларда авторнинг гапи кейинги ўринда келгандা (шу элементнинг эгаси кесимдан сўнг туради): «Мен бугун тушимда қўднимга ой кирганини кўрдим», — деди бир кўкини. («Подачи» эртагидан).

4. «Қувонади киши» типидаги (фикрни умумлаштириб англатучи) бирималарда: Боеча гўзал. Гуллар очилган. Шодланади киши.».

5. Эта орқали ифодаланган шахс контекстдан англашилиб турганда (Бу чоғ эганинг фикрий аҳамияти пасайиб, у сўнгги ўринда келади): «Омон блан ёнғоқ ўйнаган чоғларини эслаб қўйди чол» (Ойбек).

«Унга баҳт берган қўй қумалоги» (Ойбек) каби ўринларда эга ва кесимнинг тартиби нормальми, ё инверсия борми? Буни умумий фикрда, интонациядан биламиш: интонациянинг кучи блан нормаль саналиши ҳам мумкин (унга баҳт берган нарса қўйнинг қумалоги ма'носида), инверсия саналиши ҳам мумкин. («Қўй қумалоги унга баҳт бергандир» ма'носида).

1) Буни «Қувонасан киши» типида қўллаш тўғри ямас. (... Фақат кўнгилсизлик ортдирасан киши. (Марк Твенинг «Гекльберри Финнинг бошидан кетирганилари» асарининг таржимасидан): Эга ва кесимнинг шахс жиҳатидан мос пўлиши шарт. Бу хато кесими иккинчи шаҳснинг бирлиги формасида бўлиб, умуман инглатучи гапларни юқоридаги тиқ блан юршишишдан туғилган. Ҳолбуки, кейинги типдаги гаплар доим эгасиз қўлланади: Нима эксанг, шуни ўрасан. (Мақол). Демак, эга қўлланмас экан, кесим II шахс формасида бўлади, (ишлайдан); қўлланар экан — учинчи шахс формасида бўлади (ишлайди киши). «Ортдирасан киши»ни тартибни билмаган кишигини қўллади: А. Қаҳдорнинг «ҳар ишвинг ўз маҳкамаси бор» қиёфасидаги чаласавод домла (саводсизликни битириш курсининг муаллими (шу тарза — шахслар аралаштириб гапиради: «Каранг, шундай яхши қовурма бўллиптики, беихтиёр ичасан киши».

«Латофат мулкининг султони сенсен» («Таашшуқнома»дан) типидаги гапларда қоғия учун мисра'нинг сўнгига сурилган «сенсен»ларни икки ҳолатда кўрмоқ мумкин 1. ҳар иккиси бирлиқ кесим. Бунда иккинчиси кесим қўшимчаси бўлади. Эга — султони; бундай чоқда ҳар икки сенсен қўшиб ёзилади. (чогинтиринг: Студент менман. Студент сенсан на бошқалар). 2. Биринчиси кесим қўшимчаси бўлади (бунда олдинги сўзга қўшиб ёзилади), иккинчиси эга бўлади (... султонисен сен.—Сен латофат мулкининг сўлтонисан). Бошқа ҳолатнинг бўлиши мумкин эмас. (Уша мисра'да, умумий мазмунга қарасак, биринчи ҳолатнинг кўзда тутилганлиги кўринади). Шундай экан, Лутфийнинг «сенсен» блан тугаган мисра'ларини «Аё дилбар, вафо қилмасму сен сен» деб ёзиши («Ўзбек адабиёти тарихи хрестоматияси», Тошкент, 1941.) эга ва кесимни белгилашдаги қонуниятларни билмасликдан туғилган англашилмовчилик сифатида изоҳлаш керак. (Тўғриси: ... вафо қилмасмусен сен).

Қўшма кесимнинг составидаги элементларнинг тартибига ҳам тўхтаб ўттайлик.

1. «Овоз берди» («от—фе'л») типидаги нормаль ҳолат ше'рий эсарларда ўзгариши мумкин (от қисми кейинги ўрининг тушади):

Ҳаммалари Зайнабни  
Қиласар бўлдилар орзу.

(Х. Олимжон).

Бунда икки элементнинг орасига бошқа сўз кириши ҳам мумкин:

Сен ўлмасдинг. Ёв ўқи  
Қилди юракни нобуд.

(Шайхзода)

Душманни қилсам ер блан яксон.

(Пўлкан).

Иккинчи элемент сифатида «бўл» фе'ли келганда (Карим техник бўлди), орага сўз киритмаслик ма'қул: ифоданинг мазмуни ҳам, шакли ҳам ортиқ оғирлашади. Муқимийдаги «Бўлса шундай қилурмиди ўёти» («Уяти бўлса, шундай қилармиди?») мисра'идаги тартиб эски ўзбек тилигагина хосдир.

2. «Эш эмас» типидаги кесимларда ўрин олмаштириш ҳам ортиқ ноқулай. Бу ҳам ба'зан эски ўзбек тилида учраб қолади:

Эмас осон бу майдон ичра турмоқ.

(Навоий)

Оҳким, афсус, эмас ҳеч ишда раҳбар толиним...  
Бу сўзлар муқим, эмас ёлғон...

(Муқимий).

## Тўлдиручи ва кесимнинг тартиби.

Одатдаги тартиб: тўлдиручи—кесим (... кўзимни очдим.  
Бу тартибининг ўзгариш ўринлари:  
1. Ше'рий талаб блан:

Мен севаман қаҳрамонларни...

(Уйғун)

2. Ифодани кучайтириш учун (фе'лдан англашилган ма'но биринчи ўринга қўйилгандан. І. А. Қаҳҳорнинг «Ошиқ» ҳикоясида бу приём жуда усталик блан ишлатилган (бир гапнинг ўзи кучли ифода учун акс тартиб блан қайтадан берилади): «—Оҳ... отимни сўраманг; сўраманг отимни». 2. Утаман, албатта ўтаман конкрет фактларга,—деди Низомиддинов. (А. Қаҳҳор).

Тўлдиручи «—ни»сиз бўлса, фе'л—кесимнинг ёнида туради (... Закускага нима олай? (А. Қаҳҳор), ше'рий асарларда ба'зан бундан чекиниш ҳам учраб қолади; броқ «Кўмир Украина берди печкамизга» (С. Абдулла) типида қўллашнинг ше'рий тилнинг ҳам нормасига сифаслиги ўз-ўзидан англашилиб туради.

Равиш, сабаб ва мақсад ҳоллари кесимнинг ёнида келиб, тўлдиручи блан уни бир-биридан ажратади. (Китобни тез келтирди).

## Ҳол ва кесимнинг тартиби.

Одатдаги тартиб: ҳол—кесим (... аланглаб қарадим. (F. Фулом).  
Бу тартибининг ўзгариш ўринлари:  
1. Ше'рий талаб блан:

Қуёш чиқар мўралаб.

(Қўшиқдан)

Туролмасссан сен ҳам қараб жимгина.

(F. Фулом).

2. Кўчирма гап (кўчирма гап ва авторнинг гапи) тартибида келганда (бунда иккинчи элементнинг ҳоли кесимдан сўнг келади. Умуман, бу конструкцияда кесим гапнинг бошида келади): «Эртага борсаммикин?»—деди у ичидা.

Ҳол қўшимчали бўлганда, кесим блан унинг орасига сўз кириши мумкин. (Менга китобни бер.—Китобни менга бер); броқ қўшимчасиз бўлса, орага сўз кирмайди. (Бўлдилар Москва бориб, ҳурматли меҳмон пахтадин (қўшиқдан).

Вақт ва ўрин ҳолларининг гап бошида келиши (Томдан кимдир қичқирди). (А. Қаҳҳор) уларнинг фе'л блангина эмас, фикрий жиҳатдан умуман шу гапга боғланиши блан изоҳланади.

Мавжудлик, бирор ҳолатда бўлиш ма'ноларини билдиручи ке-

сим ифодаланмаганда, ўрин ҳоли кесим ўринида келади—кейинни ўринда (Отам уйда борлар.—Отам уйда). Буни ўзгартириш бошқача фикр беради. Шунга кўра «Ялангизда қулогимиз, бошланглар» (Ш. Са'дулла) «Қулогимиз ялангизда» бўлиши лозим эди.

Вақт ҳоли равиш ҳолидан аввал келади. Шунга кўра «Мен мана ~~х~~ заҳрин чин энди сездим». (Ш. Са'дулла) «... Энди чин сездим» бўлиши лозим эди.

Вақт ва ўрин ҳолининг орадаги сўзга боғланиб қолиш эҳтимоли туғилганда, фикр кўтарганда, уни кесимнинг олдига сурини лозим (Кеча Каримдан олинган китобни ўқидим.—... Кеча ўқидим). Бўлмаса, икки хил англашилиши мумкин бўлиб колади. Масалан: I. Гулнорнинг отаси ҳам воқиадан хабар топиб, иккинчи бир йўл блан қочганларга бориб қўшилди. (С. Айний): I. Иккинчи бир йўл блан қочганларга... II. Олти ойда теккан ёринг ўлади (Равшанхон» дастонидан). I. Олти ойда теккан. 2. Олти ойда ўлади.

## Аниқловчи ва аниқланмиш тартиби.

Буни уч қисмга ажратиб текширайлик.

### 1. Сифатловчи ва сифатланмишда тартиб.

Одатдаги тартиб: сифатловчи—сифатланмиш (қизия байроқ, куйлаган бола, бу бола, учта бола, олтин япроқ, шиқ-шиқ тугма).

Буида инвёрсия бўлмайди (чунки эга ва кесим туғилиб қолади). Шунга кўра:... Ботирга тиклайлик ҳайкал абадий.

(Х. Ғулом).

Ўралган шарфи юяқа оқ томоқда.

(С. Абдулла)

Сўрсам лаби қирмизидан

(«Равшанхон»)

Қизча эдим кўп сода.

(Шайхзода)

Пўлатлардан қурдик бизлар

Дун'ё янги. (Ғ. Ғулом)

... Қадди дароз эдим. (С. Абдулла).

типидағи бирикмаларни форсчадаги аниқловчи йўли блан сўз тартиблиаш деб қараш лозим. Букунги тилда бу усулда сўз тартибламаслик керак. Бу тартиб эски ўзбек тилида кўпроқ учрайди: Ургусидир кўксингга юз тифи тез. (Навоий) Гарии сўздек гавҳари қиммат баҳо йўқ даҳр аро. (Комил Хоразмий). Эскида ўзбекча сўзларни ҳам шу усулга солиш учрайди: Қилмас ишни

хечбир инсон айладинг. (Муқимий) Ҳечбир инсон қилмайдиган ишиң қилдинг.

«Қадди дароз» шакли ма'нода икки хиллик (1. Қадди—дароз—эга-кесим. 2. Дароз—қад) туғдириш блан яна оғирлик келтиради.

«Бир қыз туғилди нинни» (Ойбек) грамматик жиҳатидан «бир нинни қыз туғилди» га тент әмас. Сифат сүнгга тушиб қолганлигидан, у икки гап саналади. (Бир қыз туғилди, у ниннидир). Шунга күра «туғилди»дан сүнг вергүл бўлиши зарур эди.

Бир отга бирнеча сифатловчи боғланаб келганда, уларнинг муносабати икки хил бўлади:

1. Сифатловчилар тенг бўлиб, уюшиқ саналади (бунда уларнинг ҳарбари айрим-айрим ҳолда от блан боғланади):

Қизил, оқ гуллар.

Буларнинг орасига «ва» қўймоқ мумкин. Булар предметларни бир томондан аниқлайди.

2. Уюшиқ бўлалмайди (тенглик йўқ), шунга кўра буларнинг орасига «ва» қўйиб бўлмайди.

Ақлли ёш бола.

Бу чоғ биринчи сифатловчига нисбатан кейинги сўзлар (сифатловчи—сифатланмиш: ёш бола) бир бутун сифатловчи саналади: Булар предметни турли томондан, турлича аниқлайди. Бу ўринда бу икки турнинг аралашиш, кўчиш ҳоллари каби мураккаб масала устида тўхтамай, бу типдаги бирикмаларнинг тартибига кўчайлик.

Уюшиқ сифатловчиларда тартиб эркин (оқ, қизил гуллар — қизил, оқ гуллар), броқ улар ҳаракат билдириса, тартиб ма'нога қарайди (калтакланган ва яраланган бола—яраланган ва калтакланган бола).

Сифатловчи уюшиқ бўлмагандан, тартиб шундай кўринини яратади:

1. сон—сифат—от:

Бешта полвон киши... (А. П. Чеховдан таржима). Йигирмадуттиз чоқли бўш шишалар... (F. Фулом).

Эслатма: 1). «Бир» сони саноқдан ташқари яна турли ма'ноларда қўлланади (ноаниқлик, ма'нени кучайтириш, такрор ва бошқалар). Бундай ўринларда у сифатдан сўнг ҳам қўлланади: элни қучган мангубир баҳор. (Х. Олимжон). Бизларга бир ёғли палов қилиб берсин («Қундуз блан Юлдуз» достонидан). Отга бир қамчи тортайин («Далли» достонидан).

2) «Бир» сони «қанақа, қайси» каби сўзлар блан келганда, шу сўзлардан сўнг туради: Зулумотдан қутқорувди.

3) Сифатловчи жойга, вақтга муносабат билдириса, сондан аввал ҳам келаолади: ҳаводаги уч ўрдак... (қўшиқдан) қайси бир ҳаким? (F. Фулом).

2. Сифатдош—сифат—от:

Куйлаётган ёш бола.

3. Олмош—сифат—от:  
Анави ёш бола.  
«Эски у ҳаммом» (С. Абдулла), «Баҳмал ул кўзлар» (Шайхзода)  
типидаги тартибининг табиний эмаслиги, исбот талаб этмайди.
4. Миқдор билдиручи сўз—сифат—от:  
Бир томчи тиниқ ёш.
5. Сифат—ундов—от:  
Янги шиқ-шиқ тугма.
6. Сифатдош—сон—от:  
Кўйлаётган учта бола.
7. Сифатдош—ундов—от:  
Олинган шиқ-шиқ тугма.
8. Сифатдош—олмош—от:  
Анави кўйлаётган бола.  
Акси ҳам бўлаолади (куйлаётган анави бола).
9. Олмош—сон—от:  
Шу ўнта дафтар.
10. Олмош—ундов—от:  
Шу шиқ-шиқ тугма.
11. Сон—ундов—от:  
Учта шиқ-шиқ тугма.
12. Ясама сифат—тубсинфат—от:  
Радиоли янги уй.  
«Қўшни Каганович номли колхоз» («Қ. Узб», 12—IV—45)  
тўғри эмас. (Тўғриси: Каганович номли қўшни колхоз).
13. Қенгайган сиафтдош—сифат—от:  
Нетайлар тушган пар отли извош... (F. Фулом).
14. Сифат—сифат вазифасидаги от—от:  
✓ Йигитни куйдирап яхши қалам қои. («Равшанхон»)  
Уфуқда жилмаяр янги ўроқ ой.  
(Ойбек)
15. Аниқловчи гап—олмош—от:  
Ba'даси йўқ ул бевафо бир келсин. (Ашуладан)  
Ба'зан акси: Анави кўзига оқ тушган бола.  
Сифатловчининг иккаласи ҳам туб бўлса, тартиб ма'нога қарайди: ортиқ аниқланиб етган белгини билдиручи сифат отнинг олдида туради, мазмунан биринчи ўринда бўлгани энг аввал келади. (Қора майдо тош—майдо қора тош, ширин думалоқ нон—думалоқ ширин нон ва бошқалар).  
Умуман, сифатловчилар қанча бўлмасин предметга мазмунан яқин бўлгани отнинг олдида туради: 1. Олма гулли биринчи нав' оқ шол рўмол. 2. Мачитдаги кекса бақа теракнинг орқасидан кўтарилган қизғич ўт (А. Қаҳҳор.) 3 Бир парча куйган қора но (Х. Ҳакимзода). 4. Меҳнат қизил байроқли ўзбек Давлат музтеатри. 5. Оқ, калта батис кўйлак (Ойбек) (бунда уюшиқ си

ловчи йўқ, демак, «оқ» дан сўнгги вергул янгиш ишлатилган) ва бошқалар.

Бундай бирикмалардаги мазмуний ўзгариш интонациянинг кучи блан бўлади: яхши ишланган овоали кино (1. кино яхши ишланган. 2. Овоз яхши ишланган).

Сифатловчи блан сифатланмиш кетма-кет келади, орага сўз кирмайди. Чустийдаги «Бош-оёғидан ададсиз тўхтамас қайнар булоқ» мисраидаги кўриниш—сўз тартиблайлолмасликнинг меваси.

## II. Қаратқич ва қаралмишда тартиб

Одатдаги тартиб: қаратқич—қаралмиш: Низомиддиновнинг кўзига чироқлар хира бўлиб кўринар эди. (А. Қаҳҳор).

Бу тартибининг ўзгариш ўринлари:

1. Ше'рий талаб блан:

Мени десанг, қўлин еч Шайвалининг.

(Пўлкан).

2. Қаратқич мазмунан кейинги ўринда турған предметни билдирганда:—совуқ эмас, салқин. Ҳам ўзини, ҳам кўнглини очади кишининг. (А. Қаҳҳор).

Форсча тартиб эскидан кириб қолган ба'зи бирикмалардагина қолган. (Дардисар, гули ра'но каби). У эски ўзбек тилида бир қадар учрайди (Жилван қомати баландингни... (Юсуф Сар'ёми). жойи осойиш... (Турди), қиссан қишлоғи ҳароби Хапалак — (Маҳмур), эшишиб шукрати тилла пулинин... (Маҳмур) Букун уни эски стильда ёзучи ба'зи шоирлардагина учратамиз. (1. Чустий: 1. Оворайи дашти Хито... 2. Гулшани умринг дарахти. 3. Шишайи рух. 4. Тўлқинли дар'ёйи вафо. II. Ҳабибий: 1. Қайнар булоғи ма'ни. 2. Тилсими илм-у ҳунар). Бундай ҳолатлар тилнинг тараққиёти учун заардан бошқа нарса эмас.

Ба'зан қаратқичларнинг кетма-кет қўлланиши ҳам мумкин (Биззи ёрри қошлари қўйган қалам (Қўшиқдан), броқ унинг иккитадан ортиқ бўлиши ифодада оғирлик туғдидиради).

Ба'зан қаратқич блан қаралмишнинг орасида сўз бўлиши ҳам мумкин. Бу икки кўринишга эга:

1. Нормаль тартибда орадаги сўз қаралмишга боғлиқ бўлади. Обберай қизларнинг жоду кўзини («Кун туғмуш» достонидан).

2. Ше'рий тилда бошқа сўз (қаралмишга боғланмаган сўз) ҳам келаолади: сенсиз менинг ҳеч иш келмас қўлимдан. (Х. Олимжон). Элчиларнинг бўлар экан тилчиси. («Алломиш»дан).

Қаралмишнинг сифатини орага жойлаштириш лозим экан (унинг катта ўғли), у чоғ қуйидаги мисолларда бир ғалатилик борлиги сезиларди: 1. Август ойининг охирларида бўладиган бизнинг пленумимиз («Қ. Узб», 4—VIII—45)—Бизнинг... пленумимиз. 2. Авиация Борнео оролидаги японларнинг ҳарбий объектларига ка қилди («Қ. Узб» 15—VIII—45)—... японларнинг Борнео оролиги ҳарбий объектларига... 3. Чумчуқдан тортиб, кундузи блан

ёнбошини ялаб кеч қиласидиган Латифаканинг жўқизигача талвасасиз ухлади (F. Ғулом) — . . . Латифаканинг кундузи. . . жўқизигача...

Орадаги бошқа сўзниң қаралмишга борланиб қолиш эҳтимоли бўлганда, ёки бўлаклар орасида бирдан кўчиш бўлганда, қарат-қич ва қаралмишнинг, умуман ифоданинг очиқлиги нўколади.

Сурнайнинг узоқлашгач,  
Куий титраб учарди. (Ойбек)

— Онам ўлсин,—депти,—мени  
Тұрмай деҳқон. (F. Ғулом).

Ҳасанинг бор яраси. («Далли»)  
Сүнғра ўғай онанинг

Қолган қўлида. (Ш. Са'дулла)

### III Изоҳлавчи ва изоҳланмишда тартиб

1. Одатда изоҳлавчи аввал келади (**Машиначи қиз, қиз бола**):  
Бу ҳол сіфатловчига ўхшаган изоҳловчилардадир.

2. Ба’зи изоҳловчиларда тартиб эркин бўлади. 1. Ўртоқ Ленин ишин сўзман айтайн. (Э. Жуманбулбул) — Ленин ўртоқ ўйлади, хўб ишлади. (Э. Жуманбулбул). Қариндошим фалончига... («Гуноҳсиз хотин» эртагидан). —Фалончи қариндошим. 3. Барчин ой — ой Барчин (**«Алломиши**). 4. Улуг халқимизга, ғолиб халққа шоншарафлар! (И. Сталин). 5. Полвон Ҳасан — Ҳасан полвон (**«Далли»**). 6. Мирза Аҳмад қошиқчи (А. Қаҳҳор) — Темирчи Жўра (Ойбек); 7. Бечора ошиқ! (А. Қаҳҳор) — ошиқ бечора!

3. Изоҳланмиш олмош бўлса, изоҳловчидан аввал келади: **Мен бечора тўғрилигимни айтаман**. (**«Далли»**). **Мен Муқимийга ҳамиша (Муқимий)**. Мен ёмондан айрилиб, яхшини топганинг қани? (**Қўшиқдан**).

Узбек тилида сўз тартиби логик ургу блан зич боғлиқдир. Фикрий жиҳатдан энг аҳамиятли бўлган бўлакни кучли товуш блан айтиш (логик ургу) инверсия блан алоқадордир. Логик ургу олучи бўлак кесимнинг ёнига келтирилади (Кеча уни кинода кўрдим. — Кеча кинода уни кўрдим). Шу блан бирга, аҳамиятли бўлакни кесим ҳолинга келтириб ургу бериш ҳодисаси ҳам бор: Чархни бузган — парраси, қизни бузган — онаси. (Эски мақол). (**Чоғиширинг: Парраси чархни бузган, онаси қизни бузган**).

Аҳмиятлиликнинг тартиб ўзгаришисиз, логик ургу блангина ифодаланиши ҳам мумкин. (**«Бугунги ишни эртага қўйма**» гапидан логик ургу орқали фикрнинг тўрт хил оттенкасини хосил қилмоқ мумкин).

«Биз ким учун Романовни йиқитдик». (Шайхзода) гапида логик ургу «ким учун» дадир, лекин тартиб ўзгармаган. Бу кейинги вақтларда логик ургувнинг инверсиясиз ҳам бўлишининг кучаяёт-

ганлигини кўрсатади. Бу тилнинг ўсишини кўрсатучи ҳодисадир. Бу рус тилининг та'сири блан туғилгандир.

Охирда ба'зи элементларнинг тартибига тўхтаб ўтайлик.

1. Ундалма стилистик талабга кўра гапнинг ҳар ерида, келади (Муҳаббат кўзда эмас, дилда бўлади, Бадалжон! (А. Қоҳҳор). Биздан бошқасини Ҳуморжон, қўйғин. («Равшанхон» ва бошқалар); лекин такрорланган ундалма, одатда, гапнинг бошида келади (ундаш ма'носи ортиқ аҳамиятли бўлади): оқ илон, оппоқ илон, Ойдинда ётганинг қани? (қўшиқдан).

2. Кучайтирув, қўшув, чегаралов каби ма'ноларни англатуви элементлар ўз боғланган сўзнинг олдида келади: 1. У ёлғиз сени сўради. 2. Сенга кўпроқ китоб керак.—Сенга китоб кўпроқ керак.—Кўпроқ сенга китоб керак. Шундай экан, «... Кармана, Коган районларида айниқса аҳвол ёмон» (Қ. Ўзб., 1—VIII—45) «... аҳвол айниқса ёмон» бўлиши лозим эди.

Бу китоб мақолада тартиб масаласининг ҳамма томонларини ёритишиянг мумкин эмаслиги аниқ. Шундай бўлса ҳам, асосий ўринларни кўрсатдик; броқ буларнинг турли нозик нуқталари учтида узоқ тўхталаолмадик.

## „ВАФО“

Мирмуҳсин ше'рлари. Редактори — Шайхзода,  
Уздавнашр, 1945 йил, тиражи — 3.000

Ёш шоир Мирмуҳсиннинг «Вафо» номли ше'рлар тўпламига асосан унинг Улуғ Ватан уруши йилларида ёзган ше'рлари кирган. Тўпламдаги ше'рларнинг мавзуи — совет халқининг Улуғ Ватан уруши, фронт қаҳрамонлари, ватанга муҳаббат, кутиш, ёр ва диёрга бўлган садоқат ва ҳоказолардан иборат. Шоир ўз ше'ларида уруш даври кишиларининг ҳис ва ҳаяжонларини, уларнинг орезу ва интилишларини, буюк ғалабага бўлган ишончларини бирмунча муваффақиятли ифодалайолган.

Ёш шоир, Германия империализмига қарши олиб борилган Улуғ Ватан урушининг адолатли, озодлик уруши эканини, унинг инсоният душмани бўлган қора кучларни тугатишга йўналтирилганини тўғри тушинади ва бадиий ифодалайди.

Жабҳаларда жанг қиласи икки куч,  
Бири уки, қанотлари қора—зор  
Ҳар парига маш'ум ажал солмиси доғ...  
Бири буки, қанотлари сөқ лочия...  
Ҳаётдур, у... Ҳақ ва чин,

Тўпламдаги «Висол», «Бўлажак ўғлимга», «Асир», «Қизил олма» ва «Землянкада» ше'рлари ҳаяжонли ва та'сирли чиққан:

Ўғлим...  
Ҳей, бўлажак ўғлим.  
Ҳали қуёш каби йироқсан,  
Фақат, йироқсану.  
Қуёш нуридай,  
Кўз олдимда ёниб турасан.  
(«Бўлажак ўғлимга»)

Мирмуҳсин ёш шоирлар орасида ўзининг тўртликлари блан ҳам ажralиб туради. Қисқа ше'рий мисра'ларга мураккаб фикрларни жо қилиб беришда ёш шоир анча муваффақият қозонган.

Мирмуҳсиннинг «Маркс ҳақида баллада» ше'ри дуруст ёзилган. Бу ше'р жаҳон меҳнаткашларининг улуғ доҳийси Карл Маркснинг ўлим хотирасига бағишлиланган. Унда улуғ инсон ўлимига унинг сафдоши Ф. Энгельс ва Маркс оиласининг тутган мотами жонли берилади.

Кекса Энгельс турар бош яланг,  
Кўзларида жиққа ёш... сассиз,  
Қабр очиқ, атрофида жим  
Айланади қизлари, эсиз—  
Чидолмайди Элеонора,  
Олтин сочи тўзган—паришон,

Лекин бу ше'рда Маркса бутун дун'ё меҳнаткашлари юрагидан мотам тутганини шоир айтмайди. Аксинча, бу мотамини яқин сафдопилари ва оила а'золарининггина қайфуси қилиб бир томонлама тасвирлайди:

Лондон гадо, очлар ватани,  
Кимни йўқоттани билмас ул,

«Қўбузчи» ше'рида юраклари дард ва ҳасрат блан тўлиб тошган, украин аҳолиси ўртасида озодлик ҳақида куйлаб юрган нотирон чол бехосдан немис босқинчисининг ўқи блан ҳалок бўлади. Мана шу кичик воқия шоир томонидан жуда та'сирли ифодаланади.

Черта кетди қўбузни шу дам:  
«Қутқарингиз мени зиндандан,  
Кўзим кўрсинг ёруғ дун'ёни!...»  
Аммо бирдан бир ўқ узилди;  
Қўлларидағ тушди қўбузи,  
Шоҳ пардада қўшиқ бузилди.

Лекин шуни айтиб ўтиш керакки, бу приём поэзиямизда, хусусан рус шоирларининг ижодида янгилик эмас. Рус шоири Константин Симоновнинг «Слепец» ше'рида худди шундай бир кўзи ожиз чолнинг гармон чалиб, қўшиқлар айтиб, уруш вақтида дарбадар бўлиб юриши, вафотидан сўнг аҳоли томонидан журмат блан дафиқилиниши акс этдирилади.

Ёш шоирнинг «Мунавварага» деган ше'рини ҳам К. Симоновнинг «Жди меня, и я вернусь» ше'ри мазмунининг бироз ўзгартиб олинган нусҳаси деса бўлади. К. Симонов ўз ше'рида фронтчи—жангчи ёрини ҳечқанаقا овозаларга қулоқ солмай, севгилисининг қайтишини интизорлик блан, умид блан кутишга ундейди. Мирмуҳсин ҳам шу ше'рида:

Ва ёки түхматлаб мени бир инсон,  
Үлтән дер... Аммо сен, тинглама, зинзор!  
Фақат күт, йўлимга бўлиб интизор,  
Фақат күт, боғларда бўлмай паришон!—

дейди. Мирмуҳсиннинг «Кел чекайлик», «Хужумдан сўнг» ше'рлари ҳам бевосита рус совет шоирларининг ҳарбий мавзу'да ёзган асарлари ёки кино-картиналардаги қўшиқлардан фойдаланганлиги ни кўрсатади. Биз Мирмуҳсиннинг рус совет ёзучиларидан намуна олишини, уларга ижодий тақлид қилишини табриклаймиз. Лекин улар яратган бадиий бойликлардан бир улушкини узиб олиб, ўз ше'рларига қўшиб юборишини айблаймиз. Шу жиҳатдан Мирмуҳсиннинг уруш давридаги ижодида етиклик, оригинальлик камлиги сезилади.

Тўпламдаги ба'зи ше'рлар жиддий ғоявий нуқсонлардан-ҳоли эмас. Ше'рларда ғоявий камбағаллик, фикрий ноаниқлик, ортиқча мисра'лар тез-төв учраб туради.

Фронт мавзу'ларида ёзилган бошқа ше'рларида ҳам воқи'лик юзаки, биртомонлама тасвиrlанади. Айрим ше'рларида душманга ҳужум қилингани ҳақида гапирилади-ю лекин ҳужумнинг ўзи йўқ («Хужумдан еўнг», «Кел чекайлик» ше'рлари каби). Кўп ше'рларида фронт қаҳрамонларига мадҳия айтилади, лекин қаҳрамоннинг қандай қилиб қаҳрамон бўлгани очиб берилмайди. «Қаҳрамоннинг келиши» деган ше'рини ўқисангиз, унда: фалончи қаҳрамон бўлиб қайтибди, у ёшликда мен блан бирга ўйнаб ўстган эди, — деган хабардан бўлак гап йўқ. Шунингдек, ба'зи шоирларда бўлгани каби, Мирмуҳсинда ҳам душман блан бўлган жантларнинг ғоят оғир, мураккаб бўлганини, тиш-тироғигача ҳозирги замон ҳарбий техникаси блан қуролланган ёвуз, қонхўр ва айёр душман блан жанг қилинганини унугиб қўйиш ҳоллари учрайди. Шунинг натижасида ғалаба озорсиз, қурбонсиз, «бир ҳамла» қилиш блан қўлга киритилгандек тасвиrlанади:

Викор-ла осмонда пўлат қарчиғай.  
Қал'ага ваҳима блан ўнвигай...  
Душманга келтириди ажал бир нафас,  
Тўлқунлр қаҳрига кетди хору-ҳас.  
(«Озод Полтава қасидаси»).  
Ҳаёт лашкарийнинг ҳарбу зарбидан  
Ев колди тўфонда бўлиб хору-ҳас.  
(«Севастополь озод»).

Бу шоир ижодида воқиаларни схематик қайд қилиш, юзакилик кучли эканидан келиб чиқсан. Мирмуҳсиннинг ҳарбий мавзу'ларда ёзилган ше'рларининг иккинчи бир нўноқлиги шундаки,

шавкатли Қизил Армия блан фронт орқасидаги ҳалқнинг алоқаси — ёрни кузатиш, уни кутиш каби ҳоллардагина кўринади. Мамлакат ичкарисидаги ҳақиқий воқи'лик, фидокорона меҳнат жараёни ұнинг ше'рларида тамомила унутилган. Шунинг учун кўп ше'рларида жангчиларни кутган ёрдан бошқа образ кўринмайди. («Висол», «Кўзимга боқасан», «Мунавварага», «Кўрмай қолдинг»).

Мирмуҳсин ше'рларидаги учинчи нуқсон — ше'рий тилнинг соф эмаслигидир. Китобда «дебоча», «навозиши», «нурағшон» каби сўзлар кўп учрайди. Бу сўзларга ҳамма ўқучи тушинавермайди. Шунингдек ундан пухта ше'рий мисра'лар, ўринли тасвирий воситалар ишлатиш ҳам талаб қилинади. Тўпламда хом мисра'лар, ноўрин иборалар тез-тез учраб туради. Масалан, «Юлдуз сўнг бор лип этиб ўчди», «Шундай ўзи... Юлдуз дегани, ёнар экан, гоҳ сўнар экан», «Сен ўсарсан бўлиб девдек», «Онанг бўлсин шодиёна», «Тебратганда қалам ва қиё кўзларидан тўкканда зиё» ва бошқаяар.

Мирмуҳсин кўпроқ ше'рий машқ қилиш ва ўқиш ҳам ўрганиш натижасида юқоридаги нуқсонлардан қутилиши мумкин.

Бу камчиликлардан қат'ий назар замонамизнинг йирик воқиалирни, кишиларнинг ҳис ва ҳаяжонларини кичик ше'рларда ифодалай олиш, ҳаётнинг чиройлик лавдаларини ихчам ва сода парчалар өрқали англатишда Мирмуҳсиннинг муваффақияти каттадир.

Ўзбек ўқучилари ёш шоир Мирмуҳсиндан замонамизнинг ҳозирги воқи'ликларини — мамлакатимиз олдидаги турган жиддий масалаларни, совет кишиларининг қуручилик ролини, совет ёшларининг ишлабчиқаришда ва пахта далаларидаги фидокорона меҳнатларини кўйлаган оригиналъ бадинй юксак асарлар кутади.

А. Олимжон

Н. ПИКСАНОВ

СССР Фанлар Академиясининг  
корреспондент а'зоси.

## УРУШ ЙИЛЛАРИДА ТУРЛИ МИЛЛАТ ЁЗУЧИЛАРИ ТОШКЕНТДА

Улуғ Ватан уруши йиллари советлар мамлакатидаги қардош халқларнинг миллий маданиятлари ривожида алоҳида бир даврни ташкил қиласди. Бу урушда совет маданиятининг бир қисмини маданият жаллодлари — фашистлар нест-нобуд қилиб юбордилар. Лекин, айни йиллар ичida, улуг Октябрьнинг биринчи кунларидан бери бойиб келган маданиятимизнинг буюк кучи ва қудрати ўсили ва яна мустаҳкамланди.

Уруш йилларида яратилган мудофа адабиёти, турли тилларда бўлса ҳам ягона фикр ва ягона ҳис блан бутун совет ёзучилар жамоатчилигини бир коллективга тўплади.

Хусусан, Узбекистон республикасининг пойтахти Тошкентда, эвакуация йилларида кўп миллат вакилларидан иборат ёзучилар жамоатчилигининг олиб борган ишлари, шубҳасиз, катта тарихий-маданий аҳамиятга эгадир. Биз мана шу тўғрида мукаммал тўхтаб ўтмоқчамиз.

Ватан уруши йиллари, Узбекистон тарихида ҳам алоҳида бир давр бўлиб қолади. Уруш вақтининг шароит ва талабига кўра, Узбекистонга талай аҳоли кўчириб келинди. Бирқанча улкан завод ва фабикалар ўз ишчилари ва техник-инженерлари состави блан Узбекистонга кўчирилдилар. Фронт ва мамлакат ичкарисининг эҳтиёжларини қондириш учун янги-янги заводлар қурилиб, ишга солинди.

Тошкўмир, нефть ва бошқа янги-янги конлар очилди. Эскилари ҳам мукаммаллаштириб, ускуналанди. Натижада Узбекистон саноати кўрилмаган даражада ўсиб кетди ва у деҳқончилик мамлакатидан саноатлашгани республикага айланди. Шу блан бирга, Узбекистоннинг деҳқончилик мадениятини ҳам юксалди. Республикасининг асосий экинлари бўлган пахта ва шодикор ерлар жуда кенгайтирилди ва яхши, сифатли ишланди. Халқ қурилишлари методи блан кучайтирилган каналлар чиқарни ишлари бу ҳараятга жуда катта та'сир қилди.

Республиканинг хўжалик томондан бўлган бу ўсиши — унинг маданий тараққиёти блан маҳкам борлиқдир. Урушнинг уч йили ичida Тошкентнинг ерли аҳолиси бўлган узбеклар ва бунда тургун русларга кўчириб келтирилган руслар, украинлар, белоруслар, молдаванлар, яҳудий ва бошқа халқлар групласи келиб қўшилди. Тошкент Иттифоқимизнинг одами кўп шаҳарларидан биринга айланди ва аҳолисининг состави кўп миллатли бўлиб қолди. Кўчирилганларнинг кўпчилиги юқори квалификацияли маданий-маориф, фан, адабиёт ва сан'ат арбоблари эди. Тошкентга Ленинграднинг орденли Давлат Консерваторияси Белорусия Фанлар Академиясининг ба'зи бўлимлари келиб ўрнашди. Бундан ташқари, Бутун Иттифоқ Фанлар Академиясининг Та-

рик ва фалсафа, Жаҳон адабиёти, Шарқшунослик, Иқтисод ва ҳудуқ, Тилтунослик, Пушкин уйи ва бошқа институтлари келиб, ишга кириши. Булар блан бир қаторда, Гнат Юрий раҳбарлигига Франко номидаги орденли Украина театри, С. М. Михоэльс бошчилигидаги яхудийлар театри, И. М. Берсенев раҳбарлигидаги Ленин комсомоли номли Москва театри ишлаб турди. Узбекистон Расомлар Союзи Москвали, Ленинградли рассомлар блан яна кучайди.

Бошқа республикалардан Тошкентга келган муассасалар ва арбоблар Узбекистонинг маҳаллий муассасалари ва арбоблари блан яқин алоқада бўлдилар. Кўчириб кейтириягандан рус, украин, яхудий драм театrlари Ҳамза вомидаги узбек драм театри блан ҳамкорлик қилдилар. Ленинград консерваторияси Узбекистон Давлат консерваторияси блан бирга ишлади. Узбек рассомлари рус рассомлари блан выставкаларда биргаликда иштирок қилдилар. СССР Фанлар Академиясининг Тарих институти маҳаллий тарихчилар, Узбекистон Фанлар Академиясининг ходимлари блан колектив равишда бирқанча қиматли тарихий текширишларни ҳам планлашда, ҳам уни бажаришда бардамлик блан ишладилар.

Ўзаро кўмаклашиш, хусусан, бадний адабиёт, танқидчилик ва илмий адабиётшунослик соҳасидаги ишларга катта фойда еткизди. 1941 — 1942 йилларда Тошкентта келган олимлар ичida рус ҳам гарб адабиёти ва тилларини яхши билучилар, ориенталистлар (Шарқ адабиёти ва тилларини яхши билучилар) бор эди. Булар — Ленинградли Е. Э. Бертельс, И. И. Векслар, В. М. Жирмунский, В. С. Мейлах, Б. В. Шишмарёв, Москвали Д. Д. Благой, Е. Т. Бродский, И. А. Кашкин,

В. В. Михайловский, М. А. Цяловский, М. Д. Эйхенгольц, К. Л. Зеленский ва бошқа ўз хизматлари блан номи чиқсан машҳур олимлар эди. Бу кадрларнинг тўпланиши Тошкентдаги Ўрта Осиё университетида ташкил қилинмаган филология факультетини очиш имкониятини түгдирди. Кейинчалик Шарқ факультети оцилди. Тил ва адабиёт аспирантураси янги янти кадрлар блан тўлди. Жаҳон адабиёти институти ва САГУнинг филология факультетида бирин-кетини кандидатлар ва докторлик диссертацияларини ёқлай бошладилар.

1941 йил декабр ойида САГУнинг филология факультети Лермонтов ижодига бағишиланган сессия ўтказди. Бунда профессорлардан Благой, Бродский ҳам Пиксановлар доклад қилдилар, бундаги дискуссияларда маҳаллий ёш адабиётшунослар ҳам қатнашдилар. 1942 йил февраль ойида Максим Горький монидаги Жаҳон адабиёти институти «Руслар блан инглизлар ва руслар блан америкалидар ўтасидаги адабий мумоебатлар» деган темада кенгайтирилган сессия ўткаади. Бунда Л. И. Помарёв, В. М. Жирмунский, Н. К. Пиксанов, К. Л. Бродский, А. А. Елистратова, И. С. Зильберштейн, А. И. Старцев, К. И. Чукоевский, И. А. Кашкин ўртоқлар доклад қилдилар.

1942 йилда Белоруссия Фанлар Академияси блан бирликда Узбекистон Совет Ёзучилари Союзи, белорус халқ шоюи Якуб Коласининг олтмиш йиллигини тантанали равишда ишондаб ўтди. Шундан кейин, Тошкент Давлат педагогика институти Якуб Колас блан учрашув кечасини ўтказди. Бунда профессорлар, белорус адабиётшунослари ва Якуб Колас асарларини рус, украин, ўзбек тилларига таржима қилган таржимонлар

гапирдилар. 1943 йилда шоир Тошкентдан Москвага кетар экан. «Правда Востока» газетасида бостирган «Ўзбекистонга» деган ше'ри блан мурожаат қилиб, шундай деган эди:

Оғир уруш соатларида  
Сен менга ҳам бердинг макон-уй.  
Биз ўзбек-ла сўзлашдик бирга,  
Ҳам янгратиб жанг ҳақида куй.  
Бир қиличин бирга қайрадик,  
Инртқич ёвга бермадик омон.  
Қайгулардан мени шод этдинг,  
Менинг оғам, сен Ўзбекистон.

Юбилей йилларида Тошкентда Якуб Коласнинг рус тилига таржима қилинган ше'ларидан икки тўплами ва ўзбек тилига таржима қилинган бир тўплами босилиб чиқди<sup>1)</sup>.

Белоруссиядан оғир бир мотам хабари — белорус халқ шоири Янка Купаланинг ўлими ҳақида хабар келгандан, Тошкент жамоатчилиги бу қайғили йўқотишга алоҳида эътибор берди. Тошкент Янка Купала хотирасини 1942 ва 1943 йилларда икки марта нишонлаб ўтди. Тошкентда Белоруссия Фанлар Академиясининг Ўрта Осиё университети ва Езуучилар Союзи блан биргаликда ўтказгача мажлисидаги белорус халқ шоири Янка Купаланинг ҳаёти ва ижодига оид докладлар ва нутқлар алоҳида

1) Якуб Колас — танланган ше'рлар. 1906 — 1942. Белорусчадан таржима, кириш мақола ва таҳрир С. Городецкийни. Тошкент, 1942 йил. Я. Колас, Ернинг садоси. Ше'рлар. С. Городецкий таҳрири остида Белорусчадан таржима. УзГИЗ Тошкент, 1942 йил. Я. Колас — танланган ше'рлар 1882 — 1942, Ҳамил Олимжон таҳрири остида. Тошкент 1942 йил.

2) Янка Купала хотиралари (нутқ ва докладлар тўплами). Якуб Колас таҳрири остида, Тошкент — 1943 йил.

тўплам<sup>2)</sup> ҳолида босилиб чиқди . . .<sup>2)</sup>. Белоруссия Фанлар Академияси винг 1942 йил ноябрь ойида бўлган сессиясида Академиянинг президенти муовини Якуб Коласнинг: «Рус ва белорус ҳалқларининг улуғ дўстлиги ва буларнинг немис агрессиясига қарши олиб борган кураши» ва Фанлар Академиясининг ҳақиқий а'зоси — В. И. Пичетанинг «Славян халқларидан белорусс халқи» деган мавзу'ларда докладлари бўлди.

Булардан бошқа САГУ ва Жаҳон адабиёти институтининг мураккаб мавзу'лар устида қайта қайта бирлашган илмий сессиялари ва конференциялари бўлиб турди: Буларда Пушкин тўғрисида К. Л. Бродскийнинг «Пушкин асарларида Россияда асоратда қолган халқлар», Ренессанс тўғрисида В. В. Михайловскийнинг «Қадимги рус ва шарқий Европа сан'атида Ренессанс проблемалари» ва В. П. Чепеловнинг «Ренессанс масаласи шарқда», деган мавзу'ларда докладлари бўлди. 1944 йил апрель ойида Иттифоқ Фанлар Академияси блан Узбекистон Фанлар Академиясининг фольклорга ва Ўрта Осиё халқлари этнографиясига бағишлиланган конференцияси ташкил қилинди. Конференция ишларига ўзбек фольклористлари, этнографлари, шуингедек Ўрта Осиёнинг бошқа республикаларидан келган вакиллар ва Ленинградли бирқанча катта олимлар иштирок қиласдilar. Шу йилнинг деқабрь ойида САГУда Узбекистоннинг XX йиллигига бағишлиланган илмий юбилей сессияси бўлиб ўтди. САГУнинг тарих-филология секцияси — тарих, филология, адабиёт, Ўрта Осиё халқлари сан'ати ва рус адабиётига оид 20 лаб доклад ўштириди. Бу конференция ва сессиялар — кўп миллатли ватанимизда турли миллат вакилларининг бир

мақсад йўлидаги ҳамкорлик ишларининг тантанаси эди.

Бу хилдаги ҳамкорлик Навоий Юбижей комитети, САГУнинг Филология факультети ва Илмий Текшириц Институти, Ўзбекистон Совет Ёзучилар Союзи блан биргаликда ўтказилган, улуг ўзбек шоири Алишер Навоийга бағишинган З юбилей сессиясига яна яққол кўринди. Бу сессияларда тарихчилар, адабиётшуносалар, сан'атчилар, тишлиносалар доклад қилдилар.

Ўзбекистон ёзучилар жамоатчилиги. Ватаи уруши олдидан бой ижодий кучсига бўлган профессиональ союзга бирлашган эди. Унинг кўп йиллардан бери иашр қилиниб келаётган органи — «Ўзбекистон совет адабиёти ва сан'ати» деган журнали бор эди. Ўзбекистон ва унинг маркази Тошкентда Ислом шоир, Рафур Гулом, Ойбек, Ҳамид Олимжон, А. Қаҳҳор, М. Шайхзода, Айний, Ўйғун, А. Умарий, Миртемир, Темур Фагтоҳ, фольклорист Ҳоди Зариф ва бошқа шулар сингари, фақат ўзбек халқигагина эмас, балки бутун иттифоқ адабиётида ҳам ма'lум бўлган Йирик ёзучилар ишлар эдилар. Айни чоқда Ўзбекистон Совет Ёзучилар Союзидаги республика матбуотида М. Шевердин, Штери, Светлана Сомова, А. А. Семенов, М. Салье ва бошқа маъжаллий рус ёзучи, танқидчи, адабиётшунос ва таржимонлар теззиз кўриниб туради. Мана буларга урупнинг биринчи йилида ёки Тошкентга кўчирилган эшелонларда Москвадан ўнлаб шоирлар, прозаклар, драматурглар, танқидчилар, адабиётшуносар, таржимонлар келиб қўшилдилар. Сўнгроқ буларга, фақат РСФСР дастина эмас, бошқа республикалардан, ҳатто чет эллардан ҳам, шу хилда жуда кўп янги меҳмонлар келиб қўшилдилар. Мана

ударниг тўлиқ бўлмаган рўйхати. А. Ахматова, Н. Ашукин, И. Бехер, Н. Вирта, В. Волькенштейн, С. Городецкий, Виктор Гусев, В. Державин, М. Жинов, А. Дейч, К. Зеленинский, Всеволод Иванов, В. Кирпотин, Л. Квитко, Я. Колас, Б. Лавренев, И. Лежнев, К. Липскеров, В. Луговский, Э. Мадарас, И. Маркиш, Л. Пеньковский, Н. Погодин, И. Сильвинский, П. Скосирев, М. Терещенко, А. Тихонов, А. Толстой, И. Уткин, И. Ушаков, К. Чуковский, В. Яи, М. Янковский ва бошқалар. Бу ҳисобга юқорида номлари зикр қилинган айrim адабиётшуносалар киритилмаган.

Ўзбекистон Совет Ёзучилар Союзининг 1941—44 йилларни ўз ичида олган тарихи — бой, мазмунли бир даврdir. Ёзучиларнинг ма'lум шароит тақозоси блан юзага келгани бу шахсий учрашуви ва Ёзучилар Союзи орқали ташкилий бирлашуви тоят самарали натижалар берди. Зотан, Тошкентга келган бу адабиётчилар ичida турли миллат ва турли миллий маданият вакиллари, адабиётнинг турли мутахассислари, ижодиётларни хилмаҳил бўлган кишилар бор эди. Булар ичida Ўрга Осиёнинг бошқа республикалари, Караказ халқлари ва бошқа халқларнинг адабий ҳаёти блан ошно бўлган адабиётшуносалар ҳам бор эди. В. Луговский, П. Скосирев, Л. Пеньковский, В. Кирпотин, С. Городецкий, К. Зелинский — шулар жумласидандир. Булар, Ёзучилар Союзининг секциялари, комиссиялари блан ўтказилган кенгашларида жуда кўп назарий, ташкилий ва ижодий масалаларни муҳокама қилдилар. Бу кенгашлар олдида икким/problem: мудофаа адабиёти ва миллий маданият масалалари туради.

Тошкент ёзучилари блан бўлган

ҳамкорлик натижасида, мудофаа адабиётининг ўсганини қуидагидан кўриш мумкин. Мамлакатимизнинг ҳамма ёғидан ёзучиларнинг келиши блан тез орада 1942 йилнинг март ойидәк «Биз енгами» деган адабий альманах чиқарилди. Унда 50 дан ортиқ ёзучи қатнашди. Унга бутун халқимизга ма'лум бўлиб кетган ўзбек шоирлариданFaур Гулом, Шайхзода, Уйғун шे'лари киритилди. Сўнгра 1943 йил «Правда Востока» газетасида марҳум Ҳамид Олимжоннинг Ватанпарварлик адабиётида юқсанади бадиий асар ҳисобланган «Россия» ше'ри босилди. Шулар блан бир маҳалда Уйғуннинг «Ватан ҳақида ше'лар» ва Шайхзоданинг «Довул болалари» тўплами майдонга чиқди. Кейинчалик ўзбек шоирларининг мудофаа-ватанпарварлик руҳида ёзилган ше'лари «Ўзбекистон шоирлари фронтга» деган ном блан тўплам ҳолида босилиб чиқди. Бундай биз: Ҳамид Олимжон, Faур Гулом, Ойбек, Шайхзода, Уйғун, Амин Умарий, Темир Фаттоҳ, Зульфия, Миртемир, Собир Абдулла, Ислом шоир ва Ҳамид Гуломларниң асарларини кўрамиз. Бунда ўзбек шоирлари ватанга муҳаббатларини қизғин шоирлик илҳоми блан кўйладилар<sup>1)</sup>.

<sup>1)</sup> «Биз енгами» — адабий-бадиий альманах. Мұхаррири Иосиф Уткин, Тошкент. 1942 йил. Уйғун — «Ватан ҳақида ше'лар» — ўзбекчадан Н. Ушаков, К. Кашкин таржимаси. Тошкент 1943 йил. Шайхзода «Довул болалари» — ше'лар. Узбекчадан В. Луговской, В. Державин, Н. Ушаков, С. Сомова ва Лицко таржималари. 1943 йил.

«Ўзбекистон шоирлари фронтга»—таржима Павел Антакольский таҳрири остида. 1944 йил.

Буларнинг асарларидағи бадиий муваффақиятлар Владимир Державин, Светлана Сомова, Л. Пеньковский, Николай Ушаков, Сергей Городецкий, А. Кочетков ўртоқларнинг ажойиб гаржималарида бутун совет ўқучиларига етиб борди.

Бунда, албатта, шоир-таржимон блан, шоир-авторнинг ижодий ҳамкорлигини ҳам қадрлаб ўтиш керак. Бу хилдаги таржима оддий, юзаки таржималардан катта фарқ қиласи. Шоир-таржимон оригинальни ўзига хос фазилатини тил, вази, қофия ва стилистикадаги муваффақиятини усталик блан ўзлаштириши на таржимада буларни берабилниши, юзим. Бу, албатта, қийин! Бу таржимойдан, таржима қилаётган авторининг асарнингизина змас, балки шу миллий поэзиянинг айрим хислатларини, жанрларини, қисқаси ўзига хос хусусиятларини ҳис этишини на билдири талаб қиласи. Бундай таржима орқали, миллий адабиётда дарж этилган бутун муваффақиятлар бутуни иттифок адабиётни ҳазинасига қимматбаҳр гавҳар бўлиб кириб, у орқали жаҳон адабиётига ўтади. Шунинг учун шоир-таржимон таржима қилаётган адабиётига ўтади. Шунинг учун шоир-таржимон таржима қилаётган авторининг аҳвол руҳиясини, фикрини яхши билиб олган бўлиши шарт.

Юқорида номлари кўрсатилган таржимолар ўз вазифаларини лаёқатли бажарган таржимонлардир. Улар ўзбек шоирларининг мудофаа лирикасини ёнишда қўшиқдош бўлдилар. Ватан бирлиги, фикр на гоя бирлти — ватан уруши даври адабиётида авторлар ва таржимонларнинг ижодий ҳамкорликлари туфайли ўз бадиий ифодасини топди. Ҳамид Олимжоннинг ўз ватандошларига жуда манзур бўлган «Россия» ше'ри ўзбек поэзиясининг ўзига хос хусусиятла-

рияи мукаммал ғоявий-поэтик та'сирин тўла сақлагани ҳолда В. Державиннинг юракдан илҳомланиб қилган ажойиб таржимаси блан иттифоқ адабиётидаги ҳам ҳаммага ма'қул бўлди. Гафур Гуломнинг «Сен етим эмиссан» детан ше'рнинг Светлана Сомова томонидан рус тилига қилинган муваффақиятли таржимаси ҳақида ҳам шунни айтиш керак.

Фақат таржимонларнинг эмас, балки муҳаррирларнинг ҳам бу соҳадаги алоҳида ҳизматларини кўрсатиб ўтиш лозим. Уруш йиллари мобайнида рус тилига таржима қилиниб босилган асарлар, ҳозирги, ўзбек поэзиясининг бутун бир антологиясини таимилядиган<sup>1)</sup>. Тўпламда граждан ва интиҳи лирик асарлар тақдим қилинган. Жуда кўп бўлган бадинӣ материяллар ичидан энг мувофиқларини таълаш бу тўпламда жуда муваффакиятли равишда ҳал қилинган. Буминг учун, албатта, муҳаррирлар ва таржимонларнинг жиддий ўлашлари, ҳозирги ўзбек совет адабиётини тўла кўрсатиш учун, бир қарорга келган бўлишларни талаб қилинган эди.

Тошкентга келган адабиётчилар блан коллектин равишда ҳамкорлик блан ишлани учун, Ўзбекистон Совет Эзучилар Союзида кенг план тузилган эди. 1942 йил апрель ойида Эзучилар Союзида кенгайтирилган бир кенгашда ўзбек адабиёти на театри тарихига онд асарларни тўплаш ва монографиялар ёзиш плани тузиленди. Планда Навоий, Бобир, Машраб, Ҳамиза Ҳакимзода, Фурқат тўгрисида, ўзбек ва рус адабиётининг боғланиши, хусусан, Максим Горький тўгрисида, унинг ўзбек ёзучиларига бўлган та'сирни тўгрисида, ўзбек те-

<sup>1)</sup> Ўзбекистон шоирлари — ше'рлар тўплами, К. Чуковский ва И. Уткин таҳрири остида.

атри тарихи ҳақида — ўзбек театрининг усталари бўлган Ҳалима Носирова, Тамараҳонимлар ҳақида ёзиладиган асарлар ҳам кўрсатилган эди. Бу планда кўрсатилган ишларнинг ҳаммасини амалга ошириш мумкин бўлмади. Лекин бажаришга мўлжалланган ишларнинг кўп қисми бажарилиди. Масалан уруши йилларида ташкил қилинган «Совет Езучиси» нашриётининг Тошкент филиали томонидан ўзбек ёзучиларнинг рус тилига таржима қилинган II та китоби босилиб чиқди. Буларнинг ичидаги, биринчи марта рус тилига таржима қилинган ўзбек классик шоир Бобирнинг ше'рлар тўплами ҳам бор.

Тошкентда тўпланган ёзучилар жамоатчилиги олдида яна бир масала — ўзбек фольклори материалларини йигиши, уларни ўрганиши ва ижодий ўзлаштириш вазифаси кўндаланиб бўлиб турар эди. Ўзбек фольклорининг чироили безакларидан бири — ҳалқ достони «Алпомиш»дир. Уруш бошланышдан сал илгари, 1939 йилда, бу достоннинг энг яхши варианти марҳум Ҳамид Олимжоннинг таҳрири остида, унинг сўзбошиси блан ўзбек тилида нашр қилинган эди. Аммо, бу машҳур достоннинг текстини рус тилига таржима қилиш оғқали, бутун Иттифоқ адабиётидаги уни нимий асосда текшириш ва ўзлаштириш вазифаси туради. 1943 йилда Л. М. Пеньковский томонидан таржима қилинган айрим парчалари, В. М. Жирмунский сўзбошиси блан, «Совет Езучиси» нашриётининг Тошкентдаги филиали томонидан алоҳида китоб ҳолида босиб чиқарилди. Тажрибали, хизмат кўрсатган машҳур шоир-таржимон Л. М. Пеньковский томонидан таржима қилинган, ўзбек қаҳрамонлик эпоси меросларидан бир улуши бўлган бу достон рус

тилида бутун иттифоқ адабиёти майдонига чиқди. Бу нашрдаги сўзбошида, ўша йиллари Тошкентда ишлаган, ўзининг гарбшунослигни шарқшуносликка айлантирган, ССРФанлар Академиясининг корреспондент а'зоси В. М. Жирмунский томонидан «Алпомиш» ва бутун ўзбек халқ эпосининг чуқур таҳлили берилди.

1944 йилда «Алпомиш» Л. Пеньковский таржимасига В. Державин, А. Кочетковнинг янги таржималари қўшилиб. В. М. Жирмунскийнинг кенгайтирилган сўзбошиси блан иккинчи марта босилиб чиқди. Тўри, икки бўлимдан иборат «Алпомиш» достонининг фақат биринчи бўлими гина русча таржимаси, кенг совет ўқучиларини ўзбек халқ эпик ижодининг бой, чиройли безаклари блан таништириш йўлидаги ишнинг бошлинини бўлиши керак. Улуғ ватав уруши йилларида майдонга чиқарилган бу иш — иттифоқимизнинг қардош халқлари ўртасидаги сталинча енгилмас дўстликнинг далилидир. «Алпомиш» ва умуман ўзбек фольклорининг эпик материаллари устидаги ўлмий текшириш иши эса В. М. Жирмунский блан бирга ўзбек фольклористи Ҳоди Зарифнинг яқин ҳамкорлигида давом этиб келмоқда.

Ўзбек класик адабиёти доирасидә марказий масала, XV ичи асрда яшаган улуғ шоир Навоийнинг ижодини ўрганинг масаласидир. Уруш йиллари Тошкентда ўтказилган, Навоийга барнишланган бирқанча илмий сессиялар тўгрисиде юқорида гапириб ўтдик.

Навоий ижодистини текшириш, адабиётчиларни ҳам, таржимонларни ҳам ўзига тортди. Катта аҳамиятга эга бўлган икки адабий асар майдонга келди. Булардан бири Навоийнинг Л. Пеньковский таржима қилган «Фарҳод ва Ширин», Йқикинчиси, Семён Липкин таржима қилган «Лайли ва Мажнун» каби машҳур достонларидир. Бу иш — фақат ўзбек маданияти учунгина эмас, бутун иттифоқ маданияти учун ҳам, ва халқаро адабиёт учун ҳам, зўр аҳамиятга эга бўлган бир воқнадир. Таржима иши икки етакчи таржимон томонидан бажарилди. Бу икки асар ҳам, Урта Осиё халқларининг тили ва адабиётини, хусусан, Навоийни яхши билуви, ССРФанлар Академиясининг корреспондент а'зоси Е. Э. Бертельс томонидан таҳрир қилиниб, унинг кириш мақолалари блан нашр қилиниди. Бу икки асарнинг муҳаррири, шарқ тиллари ва адабиётининг йирик мутахассиси Е. Э. Бертельс достоннинг сўзбошисида одилона равишда шундай дейди: «Лайли ва Мажнун» достонининг нашр қилиниши — севги ва қардошликтининг юксак принциплари нуқтаи назаридан, айни вақтда жуда муҳумдир». «Улуғ Навоий, маданият ва тараққиётни фидокор курашчиси сифатида — Фарҳод ва Шарқнинг бошқа класиклари блан бир қаторда ўқучиларимизнинг сенган семоси бўлиб қолажак».

Л. Пеньковский эса «Фарҳод ва Ширин» таржимасидаги сўзбошисида — Навоийни таржима қилиш ишларида у блан ижодий ҳамкорлик қилган кишилар тўгрисиде шуларни ёзди: «Бу инда менга ҳар томондан ёрдам кўрсатган барча ўртоқларга, Навоийни жуда яхши билуви ўзбек дўстларимга: Ҳамид Олимжон,

Шайхзода каби шоирларга, Ҳоди Зарифга чуқур ташаккуримни билдираман. Шуннингдек, менинг муҳаррим Евгений Эдуардович Бертельсдан ҳам чексиз миннатдорман. Чунки, унинг иккى йил мобайнида мен блан шоимий ўтказган сұхбатлары бу иш жараённан берган жуда өтиборли консультациялари — менинг шарқ поэзияси ва унинг класик шоирлари тўғрисидаги тушунчаларимни беҳад кенгайтириди». Совет шоир-таржимон меҳнатининг қанчалик аҳамияти ҳам П. Пеньковскийнинг шу сўзбошида яхши ифода қилинади: «Агар, рус ўқучилари ва ССРР нигер туркий халқларидан бошқа халқ ўқучилари мен қилган «Фарҳод ва Ширин» таржимасини ўқиб, мамнун бўлсалар, агар мен уларда замлакатимиздаги қардош халқлар адабиётига қизиқиш ва муҳаббат уйнота олсан, шу жумладан Навоий поэзиясига нисбатан ўзимда бўлган мароқ ва меҳри уларга кўчира билсан, агар ўзбек ўқучилари, менинг таржимамда ўз адабиётларига асос колучи улуг Навоийнинг овозини эшитсалар, мен рус ва ўзбек поэзиялари олдидағи ўз вазифамни бажарган бўлиб, ўзимни бахтиёр санар эдим»<sup>1)</sup>.

Шуни ҳам айтиш керакки, ўзбек ёзучиси Ўзбекистон Фанлар Академиясининг ҳақиқий а'зоси Ойбек

<sup>1)</sup> Алишер Навоий — Лайли ва Мажнун. Достон. Семён Липкин таржимаси. Кириш мақола Е. Э. Бертельсники. ЎзГИЗ. Тошкент 1943 йил.

Алишер Навоий — Фарҳод ва Ширин. Достон. Л. Пеньковский таржимаси Е. Э. Бертельс сўзбошиси ва таҳрири остида. Рассом Б. Рождественский. ЎзГИЗ. Тошкент, 1943 йил.

А. И. Дейч блан ҳамкорликда Навоий на унинг яшаган даври ҳақида бир адабий-тарихий китоб ёзи. Айни чоқда, Ойбек Навоий ҳақида тарихий-биографик роман яратди. Бу романнинг рус тилига қилинган таржимаси 1944 йилда «Знамя» журналида босилди.

Навоийнинг бой поэзияси, Фарҳод тўғрисидаги фольклор традицияси каби, рус ёзучиси Петр Скосирёвнинг ижодий фантазиясини ҳам боййтди<sup>2)</sup>.

САГУнинг филология факультетида ва илмий текшириш институтида ҳам Навоий ижодини ўрганиш бобида талай ишлар қилинди. Бу ишларга Е. Э. Бертельс, В. М. Жирмунский, Ўзбекистон Фанлар Академиясининг корреспондент а'зоси А. А. Семенов, профессор Абдураҳмон Са'дий, шоир Шайхзодалар қатнашдилар. Навоийнинг қўлсизмалари топилмоқда ва тўплланмоқда. 1944 йил май ойида САГУ да Навоий ижодига бағишлиланган илмий конференция ва сессия бўлди.

Ўзбек совет адабиёти соҳасидаги ишлар тўғрисида шуни айтиш керак. Москвали адабиётшунос К. Л. Зеленский Бутун Иттифоқ Фанлар Академиясининг Ўзбекистон филиалида (у кейин Ўзбекистон Фанлар Академиясига айланди) ўзбек совет адабиётининг тарихини яратиш, бу соҳадаги вазифалар, планилар, ташкилий масалалар тўғрисида кенг доклад қилди.

Шу блан уруш йилларида турли миллат ёзучиларининг Тошкентда килган ишларини тутгатаман.

<sup>2)</sup> Петр Скосирев — Фарҳод ва Ширин, қисса. «Совет ёзучиси» нашриёти. Тошкент, 1942 йил. Яиги машири 1944 йил.

1941 — 1944 йиллар мобайнида Тошкентда адабиёт, сан'ат ва фан арбобларининг бажарган ишларини, мен совет маданиятининг уруш давридаги муҳим бир воказаси деб биламан. Бу, ўша вақтда маданият соҳасида килингани шу хилдаги ишлар, Олма-Ота, Тибилиси, Уфа, Пензя ва бошқа марказий шаҳарларда ҳам шу тиңда олиб борилди.

Ватан уруший йилларида мамлакатимиздаги турли миллатларнинг адабиётлари борасида ўзаро ҳам-

корлик блан қилинган ишларни тўлиқ ва кенг равишда ўрганиш керак. Лекин бу вазифа ҳали тўлиқ бажарилганча йўқ. Совет маданияти ўзининг тарихий юксалиши ва ҳаракатида кўп ҳодисаларни бошидан кечирди ва алоҳида бир этапни босиб ўтди. Бу давр ичидаги миллӣ адабиёт ва миллӣ сан'атларнинг бирлашиши учун лозим бўлган янги бақувват негизлар ва формалар топилди.

## АДАБИЙ ТОШКЕНТ

Шу йил 15 апрельда Тошкент ёш тамошобинлар театри биносида «Шу куннинг поэзияси» деган мавзу'да адабий кечак бўлиб ўтди. Театр залиҳалқ блан тўлган бу кечак шоир Уйғуннинг кирип сўзи блан бошланди. У, ўзбек совет адабиётининг ўсиб камолотга етиб бораётганини. Ойбек,Faфур Фулом, Уйғун, Шайхзода, А. Қаҳҳор, Япин ва бошқа ёзучиларимиз қалами орқали Бутун Иттифоқ адабиёти майдонига чиққанини галирди. Ойбекнинг «Қутлуқ қона», «Навоий», F. Фуломнинг мазмундор ше'р ва қиссалари, А. Қаҳҳорнинг роман ва хикоялари, Яшиннинг бир қанча драмалари, Шайхзоданинг «Жалолиддин»и, Уйғун ва Иззат Султоннинг «Навоий» драмаси ва шу каби бадиий асралар адабиётимизнинг катта қадамлар блан ривожданаётганини кўрсатади — деди.

Кейинги даврда, — деди ўз сўзи-

да давом этиб шоир Уйғун, — адабиётимизга Ҳамид Ғулом, Рамз Бобоҷон, Туроб Тўла, Мирмуҳсин, Уткур Рашид,

Ма'руф Ҳаким, Асқад Мухтор, М. Бобоев, Немат Тошпўлат, Сайд Назар, Рӯно Узокова, Қуддус Муҳамадий,

Тўғон Эриаэр каби бир тўп ёш талантлар келиб қўшилди. Бу ўртоқлар ўқиб, ўрганиб, адабиётимизни янада юксалтириш учун бадиий сўз блан Улуг Ватан ва совет халқига хизмат қиласидар.

Бу адабий кечада шоир Уйғун—«Ҳаёт ишқи», Рамз Бобоҷон—«Баҳор ва ше'р», «Акам келади», Мирмуҳсин—«Сталинга»,

Қуддус Муҳамадий—«20 қонда», «Ўз-ўзинни танқид», Асқад Мухтор—«Йўл бўлсин». Ҳақирий—«Маориф» деган ше'рларни ўқиб бердилар.

Ёш ёзучиларнинг семинарияси-чоршанбалиги машғулот мавсумини туғатиб, ёзги каникулга чиқиши муносабати блан 28 майда сўнгги мажлиси бўлиб ўтди. Унда семинар а'зо-

ларининг Ўзбекистон Совет ёзучилар Союзи президиумининг раиси, ёзучи Ойбек блан учрашуви бўлди. Учрашувдан аввал Пўлат Мўмин, Муборак Аҳмадбоева, Шоназар, Ҳайтме-

\* \*

тов ва Тоғиев ўртоқлар ўз шे'рларыни ўқиб бердилар. Шундан кейин Узбекистон Фанлар Академиясининг ҳақиқий а'зоси, ёзучи Ойбек ёш шоирларга қаратиб сўз сўзлади. Ўртоқ Ойбек, ҳозирги замон ўзбек адабиётининг гўдаклик ва ёшлик давридан ўтиб, балоғатга етиб қолганини, социалистик Ватанимиздаги бошқа ҳалқларнинг адабиётлари блан бир қаторда ўсиб юқсалётганини уқтиди.

— Бизнинг ёш ёзучиларимиз олдида ҳам жуда катта вазифалар туриди,—деди сўзида давом этиб ўртоқ Ойбек—чунки адабиётимизнинг келажак тақдирни сизларнинг қўлини гизда. Сўзлар жиддий ва ҳалол ўқиши ўрганишларингиз лозим. Ўзбек ва рус классик адабиётлари блан яхши ошна бўлмай туриб, ҳозирги замон рус адабиёти, Европа адабиёти, ва бирмунча қардош республика адабиётларини яхши билмай туриб, маданиятли яхши бир ёзучи бўлиш қийин. Бизнинг ёш ёзучиларимиз марксизм-ленинизм классикларнинг асарларини пишиқ ўрганишлари кепрак. Бусиз бизнинг ҳалқимиз учун гоявий бақувват, пухта асарлар ёзиб бериш мумкин эмас. Сўнгра ёш ёзучилар жуда кўп машқ қилишлари

лозим. Кўп машқ қилиш фойт катта фойда келтиради ва ёш ёзучини асар устида ишлашга ўргатади...

Ўртоқ Ойбек ўз сўзида давом этиб, адабиётнинг ҳамма жанрларнда машқ қилишини, айниқса бадиий проза жанрларда кўпроқ иш олиб бориш, уни кучайтириш кераклигини айтди. У ёш ёзучилар олдига жуда катта талабларни қўйди. Файзли ёз кунларини бескор ўтиказмай, ўқиши ўрганиш, машқ қилиш, яхши асарлар — ше'рлар, қўшиқлар, ҳикоялар, очерклар ёзиш кераклигини уқтириди.

Ўртоқ Ойбекнинг кенг ва мароқли нутқидан сўнг сўзга чиққан— Тошкент шаҳар комсомол комитетининг секретари Ҳ. Бобоҷонов, Шоирлардан Мирмуҳсин, Рамз Бобоҷон ва Шоназар ўртоқлар, ўртоқ Ойбекнинг ёшлар олдига қўйган талаблари, кўрсатган маслаҳатлари жуда самимий эканини айтдилар. Қаникул ҷоғида колхоз далаларида бўлиб, қишлоқ хўжалигини, жонли ҳаётимизни пухта ўрганажакларини, очерк ва ше'рлар ёзишларини билдиридилар.

Шу блан ёш ёзучиларнинг адабий чоршанбалиги ўз ишини тұхтатди. Сентябрь ойидан бошлаб яна у ишга тушади.

**РЕДКОЛЛЕГИЯ: Ойбек (мас'ул муҳаррир), Гафур Ғулом, Яшин, Зубук, Абдулла Қаҳҳор, Шаҳхазада, Ж. Шарифий, М. Ашрафий, Саме' Абдуллаев. Мас'ул секретары: Ҳ. Ёқуб.**

*На узбекском языке*

## „ШАРК ЮЛДУЗИ“ № 4—5

*Орган Союза Советских писателей Узбекистана*

*Объединенное издательство „Правда Востока“ и „Кызыл Узбекистан“*

Ташкент—1946

Босишга руҳсат этилган 2/VIII-46 й да. Р 04670. Қогоз формати 60x92/16. Босма листи 9,6  
Бир листда 47000 ҳарф. Тиражи 3000. Баҳоси 10 сўм

Сынништ. „Нави Узбекистон“ ва „Правда Востока“ нашриёти босмахонаси. Заказ № 415.